

印 縮

銅
仁
府
志

第五本

銅仁府志卷之十五

藝文政 論 疏 表 考 辯 論

夫文以載道而道之所形無往不在故其者論大不謂小道要令其存以遺其存以文也我朝列聖相承
代有謨訓其言如布帛菽粟戶諭家曉一時名儒蔚然出其間其言如笙磬和鳴凡所著述直欲遠
追漢秦綉綺炳燁乎鐸載銅仁僻處窮山僻壤其間雖有明儒亦以不聞道於人而徒尚其辭賦
籍鮮存而悉心搜輯有為本郡經制所關靡弗臚列其言至歌賦試道山川景物概以發擷匪僅言情錄資
紀事要亦登錄者之所不遺焉

宋

曹旦知南平軍

曹旦知南平軍

敕供備庫副使曹旦西南瀛夷諸種部族散處寰宇其俗各異之阻異於夏服周居舍田而食樂生惡死情
願甚異軍屢邊戍備預不虞靜而緩之彼自馴擾往服吾訓以獲人知可特授依前官權知南平軍

明

太祖諭宣慰司

天生一代之君必成一代之治自古以來莫不皆然而其間治有隆汚故有興衰亦由人君善用人與不善
用人之所致也朕承大統之後今既為天子而肯私以怨加於人耶故用人盡忠於國者雖讎必賞朕仰遵
成憲俯察輿情推至公之心廣仁厚之化嘉惠海內于育元元欲比隆前代以臻至治爾天下士官遵守朕
訓各盡乃心毋妄懷疑以速咎戾則可以共保富貴於無窮貴州通志

國朝

順治十二年

上諭禮部朕惟帝王敷治文教是先臣子致君經術為本自明末擾亂日尋干戈學問之道闕焉未講今天
下漸定朕將興文教崇經術以開太平爾部即傳諭直省學臣訓督士子凡理學道德經濟典故諸書務要

同二時志 卷十五

研求淹博古通今明體則為真儒運用則為良吏果有此等實學朕必不次簡拔重加任用又念先賢之訓仕優則學仍傳諭內外大小各官政事之暇亦須留心學問俾德業日修識見益廣佐朕右文之治特諭

康熙二十二年

上諭黔省為滇南孔道地瘠民貧大兵凱旋輓輸芻糗供應人夫極其浩繁且起解吳逆家口絡繹運送不無苦累恐小民竭力供億生計艱難朕心深為憫惻所有本年秋冬及來年秋夏應徵地丁正項錢糧盡行蠲免以示朕勤恤民隱至意欽此

康熙五十二年

上諭海宇承平日久戶口日繁地畝並未加廣宜施寬大之恩共享恬熙之樂嗣後直隸各省地方官遇編審之期察出增益入丁止將實數另造清冊奏聞其徵收錢糧但據康熙五十年丁冊定為常額續生人丁永不加賦仍不許有司於造冊之時藉端需索用副朕休養生息之意

諭立忠孝節義祠雍正元年

恩詔內開一旌表節義乃彰善大典每見直省地方有力之家尙能上達而鄉村貧窶之人則多湮沒無聞深可憫惻著督撫學臣及有司遍加採訪務使寒節之家同霑恩澤至節婦年逾四十而身故計其守節已歷十五載以上者亦應酌量旌獎著該部議奏一旌表節義給銀建坊民間往往視為具文未曾建立恐日久仍至泯沒不能使民有所觀感著於地方公所建立祠宇將前後忠孝節義之人俱標姓氏於其中已故者則設牌面於祠中祭祀用以闡幽光而垂永久著該部議奏

旌表雍正元年

上諭禮部致治之要首在風化移風易俗莫先於鼓勵良善使人人知舜倫天則之為重忠孝廉節之宜敦古帝王勞來匡直所以納民於軌物者舍是無由也朝廷每遇覃恩詔款內必有旌表孝義貞節之條實係鉅典邇來直省大吏往往視為具文並未廣咨遠訪祇將有力之家囑託賂遺者漫懸郡縣監司之申詳即為題請建坊而山村僻壤窮氓耕織之人或菽水養親天性篤孝或柏舟矢志之死靡他鄰里嗟歎為可欽而姓氏不傳於城邑幽光湮鬱潛德消沈者何可勝數爾部即著傳諭督撫學政諸臣嗣後務期各屬搜羅

虛公核詢確據本人鄉評實蹟題奏旌獎勿以匹夫匹婦而輕爲沮抑勿以富家巨族而濫爲表揚以副朕成俗化民實心彰善至意特諭

乾隆六十年三月初二日

上諭福康安奏連日攻勦松桃後路賊苗一摺所辦俱合機宜福康安自抵黔省後連解城圍兵威已振而正大營臭腦松桃一帶山內多有未經勦除之賊匪經福康安探明運路由老虎巖小龍塘等處分路進攻殲斃賊匪多人官兵乘勝追趕砍開賊寨爭先撲擊痛加追截殺斃殆盡並將正大營迤東與楚省連界上下巖凹所有賊寨盡行燒燬官兵奮勇實屬可嘉至賊匪於沿途要隘挖斷道路官兵進剿時膽敢持矛放鎗抗拒可恨已極必當悉數殲除方足以快人心而伸國憲現在正大營松桃一帶經福康安督兵痛勦黔省後路已就肅清前據和琳奏秀山晏龍一帶苗匪業經勦殺候屯土兵丁調到得有二千餘名即將附近賊匪悉力殲除與福康安會合進剿今尙未據和琳續有奏報之摺自因調兵未集或俟先將秀山苗匪搜捕淨盡是以尙未前赴松桃此旨到彼諒和琳自必將秀山賊匪悉數直趨松桃計與福康安會合一處聲威壯盛楚省苗匪無難一鼓殲擒剋期歲事又據福康安奏魯路黔苗畏罪歸誠一摺該處苗民因見官兵連勝賊匪奔潰紛紛投營乞命已有六十五寨之多經福康安厚加撫卹亦是一法可以解散賊黨其投伏苗民仍不令隨同打仗致有糾連所辦俱是至苗民龍保二運糧卹獻情願幫同殺賊頗能効順乃因住寨孤懸後被石三保等糾衆圍燒龍保二被殺身死殊屬可憫着追贈四品職銜並着賞銀一百兩以爲埋葬之用其弟等現經福康安出示尋覓於查到時仍優加獎賞以示撫卹此案首惡各犯前因吳龍登捏詞煽誘最爲可惡今石三保因良苗投効輒敢糾衆圍燒將龍保二殺害尤屬不法已極看來黔省苗匪屢經殲戮之後自己望風膽落而湖南逆苗亦心懷畏懼是以石三保計無所施自必仍竄回湖南吳龍登石柳鄧聚在一處妄思抗拒福康安和琳進逼楚省正可督兵搜捕一鼓而擒務須將石三保吳龍登石柳鄧爲首重犯按各生致盡法處治使苗匪知所儆畏其帶兵出力各員弁已分別加恩並着賞福康安銀一萬兩以爲賞需之用卽於黔省軍需動支又據劉君輔奏趕赴保靖勦捕苗匪一摺該處新寨一帶俱有賊苗屯聚經劉君輔令副將慶溥等帶兵分路攻擊殺斃苗賊一百餘名所轉尙好慶溥尙未經歷行陣竟能帶兵將

沿途苗寨盡行燒燬甚屬可嘉且伊係繼善之子亦已有旨賞戴花翎並巴圖魯名號俾其益加感奮勇往殺賊至張廷彥因保靖緊急派令帶兵堵禦惟見屢請添兵並未奮勇殺賊現據劉君輔奏張廷彥已離保靖旋由新寨帶兵進剿是張廷彥轉不在保靖要地悉力堵禦因見劉君輔帶兵前往仗其聲勢率行迎赴前途隨同攻勦實屬不知輕重伊欲向何處何地亦未奏聞着福康安查明如果有逗遛懦弱情事即行據實參奏又德楞泰係特派前往帶兵之員福康安已有額爾登保帶同巴圖魯前往則德楞泰於劉君輔前赴保靖自應帶兵同往乃留往鑽算惟知坐待福康安檄調試思鑽算現有福甯及蘇靈阿在彼防守豈尙不能堵禦猶待德楞泰幫同固守耶看來德楞泰未免存心取巧亦着福康安據實查奏並觀其後效如何能否奮勉再行核辦又據惠齡奏調兵前赴水順協勦並籌辦馬匹火藥等事諸凡皆妥其解京之楊國安一犯在途病斃查驗屬實該犯身充百戶輒敢與吳龍登等商同謀逆實屬罪大惡極着即於該處剝屍梟示以示炯戒伊子楊清俟解留後再行嚴加訊問自得謀逆實情也此時黔境匪已就廓前額爾登保已於前月十四日馳抵荊州自己早抵福康安處而和琳勦盡秀山賊匪後亦必馳赴松桃一帶與福康安合兵進臨楚境知會福甯並力夾攻須將湖首逆首速即擒捕餘黨自必立時解散大功指日可成佇望捷音速至將此六百里加緊傳諭福康安等並諭福甯惠齡知之着福康安和琳將何日會兵直趨楚境痛殲賊匪之處速音喜音以慰廛注欽此

御製楊芳圖像紫光閣贊

道光九年

黔省之英自幼知兵戰功久著謀而後行柯坪和闐獨顯威名竭力追擒助大事成

御製果勇侯楊芳祭文

道光二十五年

朕惟宜力杼誠克作干城之衝節終身行幸垂竹帛之功勳勞久著於師中恩寵宜隆於身後爰陳鼎俎不煥龍綸爾太子太傅一等果勇侯原任湖南提督楊芳兵律夙嫻戎行久歷始從軍於左哨繼擢任於下江副粵西而風靜牙旗緞陝右而霜清玉綬蜂屯偶聚殲戈則克奏嶽功螳臂誰撐膏斧則立誅戶懸雖以軍容不肅暫戍曼檄旋因勞績堪思遺營細柳隨傳以繼戎之任加以闡外之權時有事而陞俸資參贊星

馳徼遠協丈人地水之師月黑前營定壯士天山之箭掃捷擒而深入頽利成禽肅邊境而凱旋華陽歸馬
朕嘉乃丕績得以通侯翠羽親頒聿表重輝之典紫韁遙錫用酬萬里之勞灑宸翰而宏獎殊勳晉宮銜而
榮逾河保既建方於粵嶠遂移節於湘江屬以鯨浪未平羊城重蕩方欲驅氛汛掃更宜受鉞之威豈知疾
疾忽嬰莫遂據鞍之志發痾既從其歸里頌祿無異乎當官方承潛露之沾遽報大星之隕悼重臣之溘逝
費國帑以經喪敷雨露而流恩孫枝並沛具牲牢而賜奠

天綽遐宣於戲擊鼓與思愴雄姿於貔虎丹青
式炳昭遺畫於麒麟爾靈有知尙其歆享

明疏

開平越新疆疏

郭子章

題爲播地蕩平經制宜定數陳善後切要各事宜伏乞聖明採擇以永奠邇方事萬歷三十一年據貴州布
政使司經理分守新鎮道等呈前事該臣看得播未平之先急在征討播既平之後急在經理徵討者矢在
弦上不可不置經理者鹿有園中不可不緩件誦明旨一則曰牽累的都免窮治流移的招他復業還與優
加賑恤以安新定地方一則曰招撫流移復業毋令豪強冒奪大哉皇言明見萬里思加八番所以安集鴻
屬於澤休息鴛鴦於梁者靡不周且詳矣臣等奉行繪音宣導德意與體諸臣上自道府下至丞尉亦至
於再至於四矣願經理之節目甚瑣甚冗而其體統在官與民土官曰先入歷代遺土新官曰朝廷業已改
流納鑿不相人而互相持舊民曰此吾世業而偶失之也何知新民新民曰汝罪人幸而脫刃者也得復
戀熊虎各相噬而勢相戕甚至新官與新民依倚土官與舊民連結各恃衆怙力將人人棋峙以觀成敗此
體統之難正也築城垣於豺虎之穴而犷悍以不可使度田土於荆棘之中而尋丈不可覈建學校以化夷
而口舌紛紛徵糧馬以給公而支吾推諉開道路以通商而戎賊莽伏物力訕而無以應多役糧餉而無
以強兵威提襟則肘見調官則商亂甚至謂改土徒勞不如還舊此節目之難理也臣與督臣會議論請經
理司道府官凡數在初而爲始暫給土官冠帶領付引於繩之內次定典縣令迎送接見儀節委以職事

稽其動情毋令逸於繩之外而官志始定查舊田有憑者還舊主查逆田入官者給數民俱不令入價而賣其納租土著子弟稍通者令之入學青其矜毋左其祚新民子弟即平通者亦止許寄學不許觀場二十年後始令赴試而民志始定體統既正漸議築城垣首砌龍泉次砌壽安又次砌餘慶湄潭又次砌平越水城實平州城銅仁縣城又次修銅仁平越府城新添龍里衝城又次築平越行府銅仁營堡而城垣舉矣即不敢謂金湯足恃而三板安堵千里聯絡實空虛之地爲扞蔽之資脫有不虞民亦可倚而守也乃漸議度土田起糧馬丈出田地一十九萬四千有奇歲徵銀一萬五千六百有奇本色米四百有奇雖比之遵義不及十之一而在黔中稍稍成聚即一郡一州四縣官員之俸薪道路之夫馬皂快之工食踐更之戍餽僅僅取給焉又漸議建學校則改平越衛學爲府學以黃平州學附於平越府而土著新附之子弟肄業有地變樵結爲絃歌柔靡莫而詩書或者其藉此乎又漸議開道路則闢聚哨兵建立舖戶修飾候館滇楚賓旅亦稍出途迴視豺狼當道荆棘塞路之時則有間矣蓋自播平至今已歷四年各官經理亦逾一載城市鮮犬吠之驚豐祠罷狐鳴之盜是皆皇上威遠揚惠廣被故令夜耶祥炯驚鳥獲安平江湄水窮魚復樂豈臣等區區智力所能辦哉第二三營造拮据之臣具勞亦有不可泯者謹將各府州縣築完城垣公署丈完田地糧則並戶口冊籍上塵御覽

國朝

進嘉禾疏

張廣泗

爲皇仁溥洽萬姓豐盈詳請題報大有之年以昭聖治以重民依事據貴州布政使司布政使鄂彌達署貴州按察使事布政使鄂彌達糧驛費東道副使楊永斌貴西道參議王廷琬會詳稱竊惟邽隆之世必有嘉祥盛德之朝每多徵應數爲至寶恆因天鑒以呈奇禾乃民天必擇樂郊而吐秀黔省處在遐邊漢夷雜處蒙我皇上軫恤殷懷無遠弗届是以今春雨水及時所有春收夏麥俱十分豐稔至於蠶豆有粒大如栗豌豆有粒大如榛者尤從來所未有業將情形詳報奏聞在案迨自夏入秋風雨調勻田禾暢茂以及黍粟雜糧等項無不迴勝常年頃值萬寶告成之時本司道等正在徧行詢查間據貴陽安順威甯南籠平越都勻遵義思南石阡鎮遠銅仁思州黎平等十三府定番廣順等十四州貴筑龍里等三十四縣紛紛稟詳前來

各以秋成十分豐熟嘉禾瑞穀不可枚舉各據所屬耆士農人等咸稱野地山多田少鮮有平曠每屆播穀之後若雨稍多則高阜得濟而低窪之處未免浸損若雨久則低下者正賴有秋而高阜山田灌溉不足至於黍粟雜糧等項全藉山土種植而土多沙石最爲瘠薄今歲自春及秋望雨則兩望晴則晴無論高低原隰早稻晚稻皆十分暢茂並嘗梁小米雜穀等類壯盛異常等老年老人皆生長農家從來未見抑且未聞是誠聖主在上澤沛萬民我等均霑樂利歡欣鼓舞未敢稍呈獻並請詳達九重以彰聖瑞等情又陸續准據上下游新開苗疆駐劄之文武各官等稟稱苗地山高水冷氣候寒暄不時苗人雖耕鑿極勤而限於地力往年收成甚薄乃今歲豐稔異常苗人等莫不驚訝歡喜老幼男婦相率持香匍赴行營口稱我們苗人刀耕火種極費工力從來未有如此豐收亦從來未見有此等禾穀今日甫歸天朝即享盈甯之福特採送呈驗等情實爲聖德廣被是以慶溢遐陬合以稟報並據費送各種嘉禾到司本司道等逐一檢查彙核之下仰見聖治光昌仁恩遠播大壘已霑樂利巖區更際豐登毋論漢土苗疆共稱大有合之稻禾黍稷實逾尋常是誠慶集一人歡騰萬姓踴將送各種嘉禾之尤出格奇異者揀齊萬八千穗具文一並詳實請祈察核題報大有恭進御覽以昭聖治等情到臣欽惟我皇上仁育萬方恩周八極維保既澤被於羣生丕顯丕承尤業隆於邁古萬幾時禦措萬國於清甯庶績咸熙合庶物而順則於是太和之氣洋溢於兩間因之景福之祥疊著於遐省其誰不恬遊化日欣戴聖朝民事修而誌慶鴻休萬物育而興歌柔兆是皆本於聖主重農力穡風動時雍之所致也臣等伏查黔省土少平曠田多瘠薄乃今歲五風十雨莫不應時東作西成遂登大有謹按稻穀粟米偶或三歧兩歧三穗兩穗者便稱上瑞今其其翼翼稻穀一莖自兩穗三穗以至四五七穗粟米一莖自兩穗以至九穗他如黍穀稗穀之類皆至四穗以至十五六穗不等又稻穀顆粒往屆豐熟之年每穗不過二百餘粒間有三百粒者便爲瑞穀今則由四五百粒以上而至七百粒之多其粟米每穗不過長七八寸間有盈尺者便爲瑞粟今則由一尺四五寸以上而至二尺有奇甚至稻穀有一本三十穗粟米有一本四十八穗更有一穗之上復生爲五歧六歧九歧者不獨遐方所未親抑屬內地所稀聞非特耳目所未經更爲史冊所罕載是以白叟黃童山農石戶交相告語匝地歡呼以爲君王本此懷德之殷致我四民獲此盈甯之樂接應聯肩競美倉箱於遍野焚香叩首齊祝聖

書以無疆總由我皇上之至誠至敬格天心下來崇壽乎億萬似此地道呈祥歲逢大有實非尋常嘉瑞所得比擬所當恭疏題報請旨宣刊史館以宏昭聖治光垂萬世者也今據該司道等會詳前來所有送到嘉禾萬八千穗敬謹盛貯並繪具全圖委官布政司經歷章令譽領齎恭進外臣謹會題伏乞皇上睿鑒施行臣等無任踴躍忻忭之至謹題

請建學疏

田一文

爲聖治普洽寰區敬請修舉學制以隆文教事竊惟全黔邊遐陬民苗雜居禮讓未興剽悍成習我皇上道隆德盛典學崇儒文明光被而芹藻之子均沾教化秀穎之民咸沐恩澤固已彬彬稱盛矣臣忝任撫黔以敦崇學校爲先蓋學校之關係乃風俗人心之根本禮明樂備者猶將踵事增華簡略因循者曷可不乘時興舉按永甯獨山麻哈三州貴筑普定平越都勻鎮遠安化龍泉銅仁永從九縣尙俱未設學校據該士子紛紛呈稟荒寒之士勵志芸窗登進無自臣借司道諸臣等議建學育才似不可緩凡一切庀材鳩工未敢仰需公帑而題額芹堂御書首重前奉頒賜尙餘八幅理合籲懇睿慈一視同仁勅部再頒四幅以便製匾恭懸至於額進童生查貴筑爲省會附郭之縣謹擬照大學考取十五名餘則概照小學考取八名武生貢廩一循定例而行蓋率職官貴筑應請部選訓導一員餘俱暫以附近教職兼理俟人文寔廣另議專官又按初添鎮西興隆烏撒赤水五學近因裁衛歸併貴定清鎮黃平威甯畢節五學矣夫合兩地之人材限一庠之定額爲數較窄童進取未免滯淹以故連名訴陳迄無止息臣思五衛督學御匾輝煌先師之所式憑諸生之所景附何可輕言汰併自應照舊存留卽以貴定等五學教官董率之此確有直隸延慶懷來之近例可援凡此者或留舊學於既裁或議新庠於初創臣非敢過續宸聰實以黔省窮荒固陋必崇文治而後可以正人心變風俗美者比合應仰願聖化之隆仁義漸摩馴致士風之厚彼蠢爾有苗當頌俟七旬而感格矣再照平溪清浪二衛學歷係屬思州府提調應試貴陽不過五百餘里前因用兵之際將驛站改隸楚南而學校隨之諸生應試東下武昌迢遞川塗不下二千五百里資斧既艱而鼓柁洞庭駭浪驚心恆多畏阻臣赴任時身過其地同聲呼籲云兩科以來從無一士龍赴武昌應試者情殊可憫應請復還壽士黔屬就近提調之制以示作養緣統係學制事情用敢類列陳情

請設學校疏

王二燕

為添設學校以宏教化以廣皇仁事該臣看得振興文教樂育人材乃致治之盛事皇上親幸闕里鼎新聖殿重道崇儒儲範典度越百王光昭千古所以薄海內外一道同風無不沐浴餘光於聲名文物之內野雖僻處邊陲甄陶既久亦已斐然可觀又蒙增廣鄉試中式之額益加鼓舞惟因開闢初年人文寥落學校之制尚缺而未全各州縣衛有未設學官者有有學無官附試他庠者無學官則不獲親俎豆聲容之盛而陶淑無由附試他庠則不免跋涉險阻之勞而軍寒致沮臣愚以為大化翔洽之時不可不具備其制也况今國家武功赫濯文教誕敷無遠弗屆黔地民苗雜處加以鼓舞作興則士氣既奮而蠻夷亦將觀感於絃誦詩書以柔其犷悍之心誠漸被遐荒之要道也臣蒞任後據舉貢生員周文侯等具呈請將未設學之州縣衛及有學無官而附試他庠者援例題請添設經臣行據署布政司貴東道參議羅暹提舉道僉事卜景超會詳覆請援滇省和曲祿勳等州縣建學設官之例添設等因前來臣覆加查核應將附學之清澗衛設教授一員又附學之開州廣順州並未設學之水甯獨山麻哈三州各設學正一員又附學之普安餘慶安化三縣並未設學之普定平越都勻鎮遠銅仁龍泉永從七縣各設訓導一員進取文武童生照小學例每學考取八名廩貢循例進行庶附學之生童免裹極跋涉之苦無學之州縣有師能肄業之地至原有學宮之州縣則公同捐俸建設其官役俸工照全書額編支給彙冊報銷從此全黔士子愈感恩踴躍爭自濯磨仰副聖主儲材之盛典行見人文昭宣風俗日興於仁讓矣

請建耆棚疏

賀長齡

為士子隔屬附考艱於跋涉懇恩俯准分棚以便近試事竊據銅仁府屬紳士等呈稱銅仁府屬自康熙初年因應試人少歲科兩試悉用鎮遠府合棚並考嘉慶四年添設松桃廳學文武童不下三千餘人及赴鎮遠考試僅有其半緣相隔太遠自三四百里至七八百里不等應試之人寒暑居多每因無舟遭行致阻上進請援照黎平府分棚之例於銅仁設棚松桃就近合考等情由司道核議詳請具奏前來臣覆查該府松桃等處向未設有考棚所屬生童俱赴鎮遠候考道路遙隔得信偶遲極至誤考早則又有守候之虞寒士跋涉往返資斧不易自須酌量變通擬該紳士等合詞籲懇臣察訪輿情甚為殷切合無仰懇恩俯

一守志

准設棚取願士心如蒙命允所有一切經費見經該士民踴躍輸將足敷辦理無須動帑除俟盡辦事竣查明捐數姓名另行奏請獎勵外理合會同協辦大學士雲貴總督臣伊里布貴州學政臣王慶雲恭摺具奏伏乞皇上聖鑒訓示謹奏

道光十八年十二月初一日奏奉旨依議欽此

附紳士呈報考棚工竣存款立案稟

具呈舉人楊勝之童詠春等為建設考棚士民樂輸懇恩詳報事竊道光十八年舉人等以不動帑項建設考棚歲科並行呈請題奉准行在案閣郡士民仰體德意踴躍輸將除修攷棚書院 聖廟樂輸錢壹萬玖千柒百串外解存銅仁縣發商生息樂輸錢肆千串解存青谿縣發商生息樂輸錢壹千串解存玉屏縣發商生息樂輸錢壹千串作為學院按臨攷試往返夫馬尖宿供應一切費用理合呈請公祖大人關前詳報定案施行

封侯謝恩表

芳

為恭摺叩謝天恩仰祈聖鑒事竊臣於二月十四日接奉上諭長齡等奏生擒首逆馳報紅旗一摺覽此捷奏實深嘉悅楊芳著加恩錫封果勇侯爵世襲罔替並賞用紫韁映戴雙眼花翎在御前侍衛上行走並頒賞雙眼花翎一支白玉巴圖魯翎管一個御用白玉壽字搬指一個黃辦珊瑚豆大荷包一對小荷包四個其子有撫官職見年若干著察臣具奏並開復一切處分等因欽此臣跪聆之下感悚難名當即恭設香案望闕叩頭祇領伏念臣邊隅寒卒渥荷鴻慈棄瑕錄用簡擢提督昇以參贊鉅任未能即獲逆首負咎滋深仰賴廟謨宏籌生擒巨憝止以稽遲俘獻甚切恐惶迺逾分殊施非常異數賞延於世奎璋特晉以侯封恩重於身決拾觀頌夫御製紫勒耀千程之騎瑞藹征鞍翠翎飄雙眼之輝管鑄勇字班聯戟衛常依日月之光佩絢荷囊式煥輓擊之彩褒嘉龍溢錫眷恩多並蒙恩旨垂詢臣子官職年歲臣僅一子承注見年二十三歲從一品廕監生隨任讀書曾經兩次鄉試甫丁母艱起復今歲北闈應試後例應引見駕貽謬承夫寵眷豚犬復繁於溫綸臣自顧何人遭逢若此涕零感激真醫愚忱理合恭摺叩謝天恩伏祈皇上聖鑒謹摺

重宴鹿鳴謝恩表

徐如澍

爲重宴鹿鳴恭謝恩賜事道光十一年九月二十七日奉上諭原任通政使司副使徐如澍年逾八旬茲榜重逢洵爲藝林盛事著照例與宴並加三品卿銜以昭茂典欽此竊臣邊隅下士畫臺餘年昔謬廁於總聯今虛增夫馬齒初登鴈塔即翱翔粉署之班更著豸冠遂獲贊銀臺之秩校士膺衡文之任久叨參贊於天家引外荷優老之慈歸詠太平於田里回憶月中桂籍領秋薦者六十年佇看天上瓊樓宴喜官於八千里遂使桑榆晚景長蒙簡在於九重縱據葵藿微忱難答榮施於萬一從此樽年益算皆由楓陛垂恩仰堯天覆轡之心願四海同登仁壽竭臣子涓埃之報惟萬年長祝升恆所有感激下忱理合繕摺恭謝天恩伏乞皇上睿鑒謹奏

考

貴州考

靖遠謨

舊志大事記載宋宣和元年以田祐恭加貴州防禦使下註云貴州之名始此其說非也貴州之名見於唐本爲南定州鬱林郡武德四年改爲南尹州貞觀八年曰貴州天寶元年更郡名爲懷澤領縣四鬱林懷澤水義山宋州郡俱因之領縣一鬱林初州縣仍宋舊大德年省縣入州明改州爲縣屬廣西潯州府則唐宋時貴州當爲今廣西潯州府之貴縣但元史貴州小註云貴州地接八番輿播州相去二百餘里乃湖廣四川雲南喉衿之地大德六年雲南行省右丞劉深征八百媳婦至貴州科夫宋隆濟等糾合諸蠻爲亂水東水西羅鬼諸蠻皆畔據此又似今之貴州然潯州在柳州慶遠南與黔省疆域隔絕考元史順元既安撫司所轄溪洞長官司有貴州等處此註應在其下或誤註於廣西肅政廉訪司所轄之貴州耳廣西之貴州名始於元俱不得云始自宋也又舊志思南府建置云大觀元年田祐恭內附始建思州考宋地志夔州路思州政和八年建然政和止有七年其明年爲重和元年八字疑誤而歐和後大觀十餘年則云大觀建者亦非矣舊志蓋據思南府志中宋朝請卽于觀所作田祐恭墓志之說考宋史蠻夷傳自辰州達於長沙邵陽各溪洞有州曰獎曰錦曰懿曰晃田氏居之田氏處漢漢瓊漢希漢能漢權保金皆受朝命錦今之鎮遠思州處其間則受朝命諸田必有一是其先世而墓志不之及其文詞鄙俚不似宋代人手筆而祐恭爲貴州防禦使之

卷十五

考

六

說尤爲可疑考元史地理志思州安撫司所轄鎮遠府古州八萬洞思印江等處石阡等處銅仁大小江等處皆今黔省東境其西南則播州安撫司所轄黃平府珍州思寧烏江等處又西則新添安撫司今之貴定諸處又西爲順元路之貴州等處貴州與思州相去甚遠不必遙借其名且順元路之貴州特溪洞之稱即使宋時已有之亦不足爲防禦使之號今貴州省治元爲順元路宣慰司明初始爲貴州宣慰司元之宣慰掌軍民之務行省有政令則布於下郡縣有請則爲進於省有邊陲軍旅之事則兼都元帥府品秩甚尊元以順元名宣慰不以貴州名宣慰亦以貴州不足當宣慰之號也明之宣慰其官甚輕不過爲土官世襲之職洪武初授蔣翠爲貴州宣慰司省城實其分地後於其地設衛設都指揮使司設布政使司遂以名其衛與其司而貴州之名始著竊意祐恭墓誌必明代人所作田氏子孫假於宋氏以誇大其祖宗爾總之黔省開設纔數百年文獻缺微得一殘編斷簡卽爲收之然纂輯志乘傳諸久遠當以歷朝正史爲權衡然正史紀載寥寥他書有相發明者可存也相牴牾者可略也故黔省貴州之名當自元時順元路之貴州等處

黔中

增道誤

黔中之名始於秦唐宋皆以爲郡然其地今湖南四川皆有之不知何以獨屬貴州也秦分天下爲三十六郡以所取楚巫黔中之地爲黔中郡漢高帝四年改爲武陵郡是自秦以前今湖南之常辰寶靖諸府州皆黔中也自漢以後今貴州之思石銅黎諸府皆武陵也黔中之名貴州不得而專有也自高帝改黔中郡後兩漢州縣雖有以黔名者皆太康志武國郡所領始有黠陽縣然其字從黠不從黔義同而形異宋齊皆因之黔安郡之名始見自隋志註云後周置黔州不帶郡蓋自周以前皆以州統郡唐宋亦然惟隋之州盡改爲郡故隋志獨有郡而無州唐大寶中改黔安爲黔中領縣八郡治彭水郡復舊之舊名地已不仍秦之舊地矣宋初因之止存彭水黔江二縣省泐杜泮水信甯都濡入於彭水是唐宋黔中郡乃今重慶府之彭水諸縣豈能及貴州哉惟唐設黔中採訪使凡在今貴州境內之思播珍費諸州皆隸焉以是稱貴州爲黔中可也若卽以唐宋之黔中爲貴州不可也

夜郎考

增道誤

且蘭夜郎皆南夷名史記云西南夷君以十數夜郎最大是且蘭非夜郎也楚莊豪循沅水至且蘭楛船於岸而步戰遂滅夜郎以且蘭有楛船處乃改其名爲牂柯豪既留王滇夜郎且蘭仍自立爲國漢武平南夷置牂柯郡領縣十七後漢增縣十六皆首敍且蘭而夜郎反爲屬縣晉永嘉二年牂柯立夜郎郡領夜郎四縣於是夜郎始列於郡宋齊皆因之隋地理志有牂柯郡復有牂柯縣而夜郎之郡縣皆梁陳周書俱不志地理遂不知廢自何時也唐以隋牂柯郡之牂柯縣置播州而縣有三夜郎之名武德四年析夷州之寧夷縣置夜郎貞觀元年州廢縣亦廢八年析巫州之龍標縣置夜郎十六年開山洞置珍州亦置夜郎縣長安四年以龍標所析之夜郎置舞州天寶元年更縣名爲峨山龍標之夜郎當在今黎平領遠之間夷州之夜郎當在今石阡思南之間珍州之夜郎則今遵義之正安州桐梓縣矣巫州夷州之夜郎或廢或更名珍州之夜郎置之最後而自唐迄宋名未嘗改於是人止知播州之爲夜郎而亦不復知夜郎之大矣漢書云唐蒙從巴蜀苻關入遂見夜郎侯又云夜郎東接交趾自西徂東奚啻千里亦無怪夜郎之自大也

黔中水道考

晏斯盛

自莊踰路地椽船且蘭而牂柯江始出然循江循沅前後漢書異指江沅番禺莊踰唐蒙殊歸桑欽酈元西南未覈山溪分合略而不詳予既著牂柯江論復據遊覽所經考證圖志記其水道有隔識焉黔處山中山形勢紆迴分著微渺所爲茹納羣流吞吐豁壑鑿江赴海縹縹水而經之者曰烏江曰濠江曰盤江曰銅仁江曰鎮陽江曰清江曰都江烏江即夜郎水出修文縣西北之湄廣河其上自威甯州之八仙海營菩薩汛歸州各溪澗流出過畢節縣歸南七星山下爲七星水有關曰七星關溯威甯道滇南者多濟此元馮福可詩曰點蒼何蒼蒼環以西洱河百年雨露恩詎敢煩天戈轆門振鳥撒衣帶踰牂柯巨險久已平茲尚陔陀云胡七星名亦復重不磨此以知其微塞矣今有橋曰七星橋明嘉靖間道人黃一申建橋西南有黑草水注之或曰即黑持川元大德五年劉國傑破蛇節宋隆濟於黑持川倫此地耶又東流至大定府西南有落折河自府城西北二十里當兩山間破地吼出南流來注之又東過府治南東流右得以則河又東左得烏西河又東爲六歸河又東右有簸朵河合武着墮極織金等河水自平遠州界黑跨牛場汛東流來注之

又東至黔西州東南爲鴨池河有渡曰鴨池渡兩岸如劈崇崖如雪黔西大定要津又東至修文縣西北是爲陸廣河距修文五十里舊爲水西驛道有渡曰陸廣渡明王文成公曉發詩有曰白鳥去邊迴繹路青崖缺處見人家謂斯處也有水自安平縣東南界東北流爲鴨陽河又東北至青銅縣城西爲滴澄河又北與安順府東南之九溪河北界之三岔河谷龍河下流合而東北流來注之又有三潮水自修文縣北流來注之又東左合白花箐水又東左合沙溪水有渡曰黃沙渡又東有羅傳大河自永甯縣東南過遵義府海南流來注之又東過修文縣養龍司北是爲烏江唐李學士白流夜郎有烏江留別宗十六瓊詩所謂白帝曉猿斷黃牛過客遲遙瞻明月峽西去一相思者蓋其地云今有渡曰烏江渡關曰烏江關黔蜀要津又東得刀靶水又東得養馬水又東至開州東北遵義府綏陽縣西南有渡曰茶山渡有水至桐梓縣西南正安州西至石子坡南過遵義府西南入湘水合綏陽縣北之源溪水即水傘水南流來注之又有三江水自湄潭縣北合窄溪渡上關花水溪湄溪大洞溪馬渡溪再路溪大溪諸水從巖容山司至望浦台流北來注之又南有渡曰落汪渡右合渡口水又南有洗泥河水注之東南至巖門有南明河水來注之南明河出貴陽府廣順州東北阿沙壩龍潭合濟番河會一宿河尤愛溪上烏橋河四方河過中曹司至府城西南左受黔靈山諸泉水及擇溪真城河水東過府城南石得富水又東南得龍洞河黃泥哨牛渡河水東由廂子口喇平司迤北至巴香合平伐三岔河八字河所匯貴定縣城西之鬻城河再過平越府西界之清水河一曰皮隴江者東北經開州東南由天星橋入弔口棉花渡而東北會於巖門巖門在開州東甕安餘慶二縣西北有渡曰巖門渡爲黔楚蜀通津波流湍激合沓澎湃固衆壑之關竅亦一川之樞要矣又東至龍泉縣西南有渡曰葛閃渡又東南有鬻水鬻坪水袁家渡水白崖河水匯爲江界河合餘慶縣之白泥司水佛山河水北流來注之又東至桶口有水自餘慶縣東南界北流爲滿溪合石阡府之龍河凱科江洋溪深溪樂回溪等水東北流注之又東爲三江口思石亭遵通津也江楚商旅由銅江陸行者多自此濟蜀賸艘溯思南而上者亦多泊此其西有得勝關又東北流有水自龍泉縣東南流來注之又東流過思南府城南是爲德江有渡曰德江渡又東有白鷺洲浮沙竹淺宕漾江心遊觀者泥焉又東得鸚鵡溪水其西有石門焉唐史載牂柯境內有石門山此其是耶又有思邛水從印江縣西北則溪流來注之又東過婺川縣東左右

豐樂河得煎茶溪水登龍河水合洪流河倒羊溪水東流注之又東過夔川縣東北界而達涪州爲涪水通於蜀入於江唐史稱城樂縣西一百五十里有涪水方輿勝覽稱思州有巴江水者是也盤江廣輿圖以爲群柯江水水出滇南小金沙江至威甯府界東南流爲可渡河有橋曰可渡橋山曰分水嶺威甯舊鳥撒衛也明鄭旻曰予弭節西南抵烏撒普德驛驛門對可渡河填詢水所從候夏稱水在西百里注壑而出流爲盤江又曰越衛城北二百餘里有七星關河源芒部界濱城海子通水西境會可渡爲盤江第山水峭險狹狹叢居以是人無因而至據今七星關水爲分水嶺所界東出烏江不注可渡又小金沙江一名北金沙江來自吐番由雲南麗江府之塔城關入中國經鶴慶姚安武定東川諸府至四川之敘州府與岷江合入於東海與盤江之專以入於南海者源流迥異則鄭氏後說與輿圖所載俱舛矣可渡河又東南流迤西至木東汛有花魚洞水西來注之又東至永甯州西安南縣東是爲盤江有橋曰盤江橋爲入滇孔道兩山夾行水勢湍駛不利操舟亦難架石明參政朱家民冶鐵爲鉅懸兩崖間覆以板東西各建樓堞行者賴之尋爲賊毀

國朝經略洪承疇統大兵定滇濟此復完至今歲用修膳不廢盤江又南至普安州東又南至九盤山迤東至花江汛南有白水河得永甯州北之關嶺橋水爲流至鎮甯州西而南合菜子河水至寧谷司又南合永甯州西北之竹罕河南來注之又拖長江自普安沙泥崖東南流來注之又有一者柯軟橋河板河東南流注之又南籠府有都城河自安南縣界得江西北坡水至高武汛西合馬畢河南流合魯潯河過普市合大坡喻水東過府南界而東流注之盤江水又南至永甯州西南而東南過泗城府入於粵達於海濛江出定番州之濠潭俗亦稱群柯江水水東流有玉帶河從州北二里來注之又東有洗馬河從盧番司東南流注之又東南有環帶江合金石司之迴龍江屬番司之羅番河流注之又東南有雙噴水自小龍司東南流折而西注之又東南流有繞翠江從臥龍司南流注之又東南有小溪水自洪番司南來注之又東南有底方河自方番司南合小番河盤溪水並注之又東南有冷水河從小程番司南合連江水東流注之又東南有腰帶河水自盧山司南合擺游河東流注之遂東過泗城州而歸於粵銅仁江又曰大江圍西陽司界過提溪司圍有提溪出濬泥山引流東南注之又東至省溪司南有甯羅江自司北二里江頭山流來

注之又東有江曰小江自烏羅司北梵淨山發源有九十九溪最大者爲瀾濟洞梵淨山又名月鏡山峯巒聳峙中湧一臺層圍僅數丈突兀陡絕高將千仞中加斧創劃處隔五六尺許名金刀峽峽有飛橋左右各立梵宇旁有石曰觀法處陟者攀鐵絙上下如蹈空行寺在極頂風峭不可瓦治以鐵遊從之客千里風煙一覽而盡山下各溪環繞合瀾濟水南流爲小江而入大江是爲江口有渡曰雙江渡爲黔楚蜀通津又東有木耳溪水自平羅寨東南流注之又東至銅鑪峯舊江流壁立千仞在府治西南其巔有跨龍亭明正德間參議蔡潮建又東爲府城南東城內有山曰東山突兀峭峭俯瞰江流濤聲撼之響振林木絕壁間有雲彩江聲四字書法古道伏其名山巔舊有大觀樓尋廢復起雙峯閣於上順治十八年太守梁繼長建又東過石笏山南又東有烏羅溪水自烏羅司東合羊溪水流南爲也溪東南來注之又東至展溪縣入沅水而達於楚江嗣爲江卽澧水古五溪之一源出橋右勸太陽河又曰杉木河東南流至新施乘縣東北右合小江新施乘者舊備橋衛也明張一鶴詩曰有水可乘筏其如難渡河不辭車馬憊還怯虎狼過楚水偏橋盡黔山平越多城陰最慘淡一跡少田禾此已事矣今驛路平曠田疇衍沃不殊內地也城東有橋爲黔楚孔道又東流至縣東南界有舊黃平州北門河與州治東冷水溪合而東流過新施乘縣南又東南合太陽河爲大江而注於諸葛河一名瀾蓬洞瀾蓬重曾飛崖絕壁高闊數十丈有鶯鶯灘有芙蓉岩水行石科中盤渦傾仄激宕淺阻不通舟明萬歷間巡撫孫子章鑿之未就罷

岡朝順治十三年總督趙廷臣巡撫卞三彙以黔省乏備令新鎮道徐弘業副將王可就開通而漕楚米萬石直溯黃平城上尋傳運仍淤江水從中出東南流爲白水又東得牙溪水其西有小由溪湧灑水注之又東過文德關東南右合溪水又東左得西峽山水又東至鎮遠府城西南是爲鎮陽江漢黔官遊江楚賈客舟多泊此彭亨時稱煙消山新出如狄水難平共指武陵近乘流堪夜行者此固溪壑之實况矣又東左得石屏山水右得古藤山水又東有橋曰慶豐橋江變黔漢孔道又東得鐵溪水有浮石灘又東得宛溪水又東得秋溪水又東得松溪水昔爲清浪水屬今爲縣又東迤北有星石江水自思州府東北開天舖東南流來又有瓊坑澗水自思州府西都平司南而東流過府城南又東與星石江合流爲施澗而東流來注之又東至沅州而入沅水以達於長江清江古曰劍河又曰長河舊陷苗境舟楫不通雍正七年總督鄂公

諒爾泰巡撫張公諱廣泗奉旨清釐夷人歸誠題請開濬自都勻府至湖廣黔陽縣總一千二十餘里進行無阻江有二源並發都勻府山洞中繞城西南過都勻副司界左倚楊安汛右袤琵琶本老牛角高基諸塘迤東至東嶽廟前又東過八寨協營前原有城雍正九年新建前而太平汛鷄買螃蟹甲些代犁後負楊排大肚小肚左迤烏哇楊烏巴告鐵陀者良右夾楊堯斗魁龍井寨嗣延屬亦一棄矣自此而北左得舊豐寧司水迤東過麻哈州東南又東至清平縣界受平越府三江水三江水口者麻哈江馬場江羊場江也麻哈江一曰兩岔江又曰算水一發州西樂平溪一發州東香爐山東北流合勇勝溪凱還溪舟溪江由河北流至平越府東南馬場江發府治西北從金橋東南流而注麻哈江羊場江發府治東北二十里南流亦注於麻哈江是爲三江口其左有橋曰葛鏡橋距府城五里爲滇黔孔道三江口水東流過楊老驛南又東至清平縣南界而注於清江水江水東至黃平州西重安驛南有重安江合高溪水自黃平州西而東流注之又東南過巖門司南又東過甕壩汛南凱里汛北而東過舊偏橋衛東南至於丹江營北有九股河發源九排大山自鷄港台拱東北流又有丹江河自凱里流來過楊條與九股河合爲小江從西南流來注之小江兩岸容山司屬又東至下乘汛南稿貢汛北經交架董隴八稿八亮柳受而東至潛江鎮北鎮城雍正九年新造鎮左爲董兜南脚石爲南埃階東後接公鶴堡汛前夾柳利柳經董敖寨連屬實一江之控制矣清江自此又東至下草東有水自上旁洞該捷交蔑烏順南琴西南來又有水自古州界之宰磨柳受下歹且西南來又有水自白羅宰統南來會流爲烏沙河東北流注之由此迤南包白堵伐迷發號趕賴培兜柳柳傳乃培牛而東至柳濟洲南流沿排敖柳再趕甲柳榜柳受排交南孟黃寨而來至天柱縣界之茅坪右合亮江小滴水東至沅埋塘塘崖絕壁東字摩琴可視明永樂十二年總兵梁福等進討諸苗還所記也又東南過沅口至黔陽縣南入沅水而達於楚江古州江一曰都江舊陷苗境雍正七年總督鄂巡撫張奉命清釐夷人歸誠黔粵舟行無阻其上源有邦水水出都勻府東南合三道河流入獨山州至爛土汛右合馬陽水左合爛土司西南溪水東流爲都江其汛左有城門坡右有水巖塘西有獨山司東有巴開打鋤等寨明弘治五年副都御史鄧廷瓚鎮遠侯顧溥討爛土蠻蓋斯處也又東歷三脚壘小打孟南歷拉攏打略柳疊三汛經來牛寨而至來牛營臨江北岸自營而下有風柳溝小溪北來注之流沿楊翁楊邦牛羊場隴寨平

裏賞肥俾背八匡而至高營營南其北有小溪注之營臨江北岸高孖表而東過定且汎汎在南岸沿寨比孟冬滾董妙有八圭革報至俾開汎歷黨略俾開滾左而至都江洲經寨沈孟潘蠟子而東至古州城西有溶江水自清江臺拱界南瓦山流出行數十里經冷衣下合崩塘塘水經八架會於孖有過平昂稿科至古州城西北有車江水自清江高亮山流出經官州朗洞寨蒿寨倒又有水自黎平府屬之上洞流出經育洞巴王會於山州過於列樂鄉月寨口寨田寨麥寨頭藏帑寨合於溶江下至古州城繞州城東南與都江會州城舊爲諸葛營枕山面水土田平衍鏡澤黔中一沃壤也宋咸平元年古州刺史向通展人貢明洪五年江陰侯吳良三十年楚王湘王都督楊文皆用兵於此雖稱平定亦屬羈縻今雍正七年總督鄂公巡撫張公宣暢朝廷德威悉歸誠樂附因其地建城城北接黎平府界有八匡冲登風均利洞高洞東豐寨麻左襟溶江右帶都江左爲高文高武高同高寨八鐸俾隴佳兩佳化謝能黨剛九溪龍早鷄底鷄弄石爲喇候烏恩擺因忽冷領講養赫歸奴滾縱蠟岑人煙綿絡阡陌綺連幾既庶矣自此而東南經獨石蠟亮流至八及寨南有水自苗古九得來注之沿傳洞亭洞平雜孖溫土下蘇洞平江寨至下江營又有小溪曰孖女江自東郎官雄流出由孖溫南來注之而東南纏蜡鵝爬沙郎洞巨洞至丙妹汎北有冷裏及黎屬之溶洞古州之八孖永從之平舍丙妹等寨郎洞下有小溪曰孖童江自寨正寨平流出北行又八孖之上有曹平江自黎平府之豐滴司流出南行並流注之又東南過懷遠縣界過相思石碑二寨經車寨沈口南下而入於粵達於海總諸水經流七遠長江者四歸粵海者舊五新關二

按以上四考載在通志不僅關於一郡然如仁處黔極東距省頗遠通志一書未能家藏戶貯茲刻入府志生其間者溯厥由來猶不致數典忘祖焉考中銅仁江一條尙多誤處已於府志水道中刊正矣

黔省開闢考

潘文茂

昔禹定九州黔爲荆梁之邊陲同三吳楚蜀皆未得通中國黔尤鄙遠開闢最後於商曰鬼方於周曰靡莫戰國時楚將莊躋略地至於且蘭始附楚張儀欲以商於易黔申卽其地楚滅併於秦爲黔中郡黔之名始於是乎見漢武帝元鼎六年平西南羈置牂牁犍爲越嶲武陵四郡犍爲隸蜀越嶲漢武陵隸楚牂牁則黔地也蓋以牂牁江得名云晉益與古郡其地卽今之安順府隋爲巴東黔安清江明陽四郡唐貞觀十六

拓其地寇輝輝珍等州屬黔中劍南二道採訪使其時所謂黔中者皆思南思州黎平鎮遠都勻石阡之
附近楚蜀者貴陽不與焉五代時楚王馬殷遣八姓帥率萬管柳州討兩江溪洞留兵戍之遂各分據號八
番是為今之定番州宋至道二年分隸荆湖劍南之三路宣和元年以田佑恭加貴州防禦使嘉定庚午以
宋永昌陞貴州總略安撫使至今黔稱貴州實本於此元憲宗時於矢內附至元十六年西南八番諸氏等
國亦內附置八番羅甸等處宣慰司以蒙古人為元帥置府貴州總轄之十七年大兵討蠻施鬼國十九年
以降黎八番金氣百萬妻皆為郡縣置順元路全筑府領其事二十年討平九溪十八洞並置郡縣立總管
府俱屬順元路宣慰司節制其時間設流官實屬無城郭田賦之制無鄉會賓與之典猶然荒服陋區
也明初分隸滇楚西蜀三省洪武四年置長定等舉土來附置貴州衛八年置黃平所十年命安陸侯吳
德討普定阿買寨十四年命穎國公傅友德為征南將軍征討雲南還定貴州之普定烏撒等處置普定烏
撒兩衛十五年開設屯堡築貴州省城設貴州都指揮使司領各衛所以重臣汝南侯權其事卒以平涼侯
黃璽署理是時紀綱初定十六年置普定軍民府置都勻安撫司置永甯州改習安州為安順州置畢節衛
十八年思州苗叛命信國公湯和為征虜將軍周德興副之帥師從楚王名楨之子武平其地洞蠻吳面兒寇古
州復命信國公從楚王勳平詔楚王還國十九年春置興侯耿炳文偕穎國公傅友德帥師討雲貴諸蠻夏
六月穎國公討平平越麻哈廿年靖寧侯葉昇普定侯陳討桓東川普定諸蠻平之勅諭屯田於畢節等衛
二十一年東川蠻復叛以西平侯沐英普定侯陳桓俱副征南將軍穎國帥師平之仍命普定侯屯田畢節
宋國公馮勝鎮永甯二十二年狼洞蠻平苗叛穎國公稀師討平之置赤水興隆安莊三衛平普且阿資馬
乃置普市所廿三年命延安侯陳宗討平貴州叛苗置新添龍里威清安南平陽清平六衛改都勻安撫司
為都勻衛二十四年鑿永甯河二十五年命越嵩侯俞通淵征古州洞蠻命都督王成通貴州道路二十八
年貴州蠻阿榜曹甯等司叛守將夏國公顧成討平置貴州前衛三十年三十一年分命夏國公顧成討水
西楚王楨湘王柏討古州都督楊文討清平黔陽平羌將軍何福擒永甯蠻十八加如討畢節都勻進征五
開諸蠻悉平永樂十一年叛苗田環通鑑田宗鼎伏誅罷羅甸宣慰司置思州新化黎平思南鎮遠石阡綏
仁烏羅八府設貴州布政使司二月辛亥始貴州於是始為專省補八月乙丑鎮遠侯顧成討思州靖州十三年改普

設貴州布政

貴州於是始為專省

補八月乙丑鎮遠侯顧成討思州靖州

十三年改普

安慶司爲州十八年設貴州提刑按察司洪熙元年命貴州就試湖廣宣德元年詔定雲貴兩省鄉試

補宜興八年總兵都司正統元年以木瓜麻嚮大華割屬金筑三年設安順州流官補四年總兵官蕭授四年始命

右副都御史丁璫巡撫貴州六年添設屯田副史九年置施秉縣十二年增雲貴解額五名十四年邛水草

塘爛土凱口苗叛陷思州都勻石阡黃平思南等衛府總督侯補十四年十二率同副總兵官方瑛平之王璫爲平

將軍充總兵官景泰元年補三月保定伯梁瑤代王璫討貴州叛苗五月侍郎侯進副總兵田苗賊韋同烈叛據清平之香爐

山命保定伯梁瑤督補九月巡撫河南副都御史王來總督湖廣貴州軍務討叛苗二年韋同烈伏誅四月梁瑤王來等破是年姑專設巡撫補七月

甯畢節諸苗復叛梁瑤等留軍討之四年二月五開清浪諸苗復七年定雲貴鄉試三十名天順英宗復元年大壩山都掌

叛苗力撲克貴州苗成化二年兵部尚書程信督川湖雲貴四省兵討平打罕州土蠻韋阿禮叛調泗戍兵會

勦平之四年增雲貴鄉試解額十八年裁巡撫宏治四年爛土苗叛五年副都御史鄧廷贊率師討爛土

蠻六年置都勻府改印江司爲縣八年置麻哈獨山二州清平永從二縣增雲貴鄉試解額五名十一年普

安秀婦米魯叛執太監楊友右布司閻鈺死之置鎮遠縣十六年南戶部尚書王斌討米魯平之正德二年

裁巡撫五年定雲貴鄉試解額九十五人是年復設巡撫六年平江津驛方四八年平臥龍司賊王倫十一

年討香爐山叛苗不克十二年湖貴合師討平十四年芒藤寇亂置嘉靖四年參將何卿平之六年芒藤復

亂仍置副總兵何卿討平之十三年遷中左所於香爐山十四年定貴州鄉試解額二十五人開科本省節

制向學日多思南田秋之力也十六年都勻苗叛十九年金石司苗叛二十一年鎮遠苗叛許繼昭

印江縣一十九年鎮仁苗亂思州知府李允備死之三十年置鎮仁苗苗亂判三十一年年平金筑叛苗阿季

是年置貴州貴州府駐沅州節制三省慶元年改程番府爲貴陽府益以金筑平僑二備徒治雪城首郡

十餘年置貴州府於北勝二十六年置鎮仁苗二十七年皮榔苗叛據鎮遠平鎮遠苗亂東

苗亂是年置江寧府以下多死之賜總督李化龍劍令便宜從事二十八年李化龍

李化龍大

李化龍大

李化龍大

李化龍大

安仁懷五縣隸於蜀平越府轄平越甕安涇潭餘慶黃平州四州縣以龍泉縣石阡府隸於黔二十九年貴
撫郭子章如鎮遠會楚師粵師協剿皮林三十年改安順州爲軍民府三十一年奢氏竊叛三十二年奢賊
平改水德司爲安化縣詔征西路水銀山等苗三十四年征東路苗三十七年紅苗陷印江縣典史邵士元
死之三十九年置廣順州四十二年加貴州廣順二名四十四年平定番狎苗天啓二年春二月水西羅鬼
安邦彥叛圍貴陽總督張我續督兵來援十一月圍解城中餓死者過半苗猥之害于茲最酷三年進師六
廣偏裨以下姚吁等一十七人死之紅夷據澎湖貴州官軍三路進討水西副總兵劉四年王三善督戰逆賊
陳其愚詐降遇害正月王三善自大方旋師遇伏被執死之同時死者參將以下百二十餘人御史傅宗龍疏請赴黔討賊詔命以
巡撫監軍安邦彥犯普定石參政陸夢山偕總兵黃銀以三千人禦之直前薄賊大敗三山苗五年巡撫傅宗龍擒其愚誅之
進剿鴨池取績總兵魯欽歿于戰正月總督魯欽起自織金旋師爲賊所襲諸營兵潰三月朱變元總督雲貴川湖廣西軍務討安邦彥六平進師至楊家海不克崇禎
元年川貴合師會勦總兵官侯良桂許成名斬安邦彥於永甯二年建上衛連雲等十一城詔命貴州四川
雲南合師討水西餘黨三年安賊乞撫疏聞許之四年置開州設數勇鎮西二衛修文熄烽赫聲濯靈于襄
威武定南柔遠詰戎等九所十五年增貴州鄉試二名十六年卽宣慰司舊學基修新貴縣學開州狎苗叛
陷州城知州黃嘉嵩死之終明之世叛復不常大小百十餘征討關屯十部州縣二十有一衛十八所十戶
九遂爲十三省之一至我朝德威所及無遠不服世祖章皇帝順治十九年經略洪承疇率師又貴州十六
年定鄉試額數十七年通貴平水運馬乃苗叛平其地置普安縣聖祖仁皇帝康熙三年水西羅鬼安伸叛
命吳三桂討平之以其地水西爲黔西府比喇爲平遠府大方爲大定府烏撒爲威甯府烏撒衛仍其舊五
年平耶岱誅隴安潘十一年改龍里平越清平都勻四衛爲縣裁安莊衛歸鎮甯州裁黃平所歸黃平州裁
新平所歸普安縣十二年廣順州苗叛殺夏目蔣士璘二十二年改黔西平遠二府爲州割湖廣鎮遠偏橋
二衛歸黔二十五年徙土司章有倫等以其地入永從縣二十六年改貴前二衛爲貴筑縣數勇衛爲修文
縣以修文濯靈熄烽于襄四所益其地裁新添衛歸并貴定隸於貴陽改威清鎮西二衛爲清鎮縣益以
赫聲威武二所改平壩衛爲安平縣益以柔遠所改安南衛爲安南縣裁普安衛爲普安州裁定南所歸并
普定縣裁安龍所歸并南籠廳隸於安順改太定府爲州改永甯畢節二衛爲縣裁普市所歸永甯裁赤水

衛歸畢節裁烏撒衛歸威甯俱隸威甯府裁興隆衛歸黃平州隸平越府三十四年并新豐縣於貴筑世宗
 憲皇帝雍正二年改湖廣玉屏清溪天柱開泰錦屏五縣隸黔三年巡撫毛文銓討定番叛擒賊首阿匠
 斬之四年威甯鎮總兵官石禮哈帥討定廣蠻五年討古州郎岱乘牛鄭且生苗設古州兵備道古州理
 苗同知清水理苗同知清江理苗通判郎岱同知永豐州置荔波縣改東路由柳楊驛建楚改遵義合屬隸
 貴州八年改南路越鐵鎮橋由普安州達滇十年古州逆苗復叛巡撫元展成發兵勦捕傷副將以下十餘
 人署提督鶴慶鎮總兵官帥討平之提督哈元生至自京平其餘黨十三年古州苗陷黃平清平等州縣
 世宗憲皇帝下詔罪已經略張公帥川湖貴粵滇五省兵討平斬首萬餘進張公總督設古州鎮總兵官清
 江協副總兵官鎮其地千百年苗患至茲一靖守其土者總督暨監司大員外設貴安陽順十三郡太守定
 番等處十四州刺史貴筑貴定三十四縣邑令科取士四十八人登進士者十二三名不等聲名文物埒於
 中州矣

論曰黔處萬山中土不厚於西北財不富於東南而其地則在所必開三代以前詩懲荆舒何有於黔周未
 吳楚爭盟中夏野日內近漢高龍飛吳楚之間而其財賦又十倍於他郡國黔實隣之臥側鼻酣何以安吾
 民於旌旆况健為越巖牂牁皆古西南彝犬牙相錯滇無黔則扼其吭蜀無黔則擊其肘一隅之不靖聖天
 子之憂也此歷代所為屬康畜之前明百戰關之我朝禮樂征伐多方定之不竭其土之所納不足以供本
 土之用歲糜餉餉動萬計其何利於黔而關之者惟是關之非難撫之為難未關則化外之彝也既關則
 生聚吾民於其地不為之策其萬全是何異搗羣虎之巢而置吾赤子於其穴何不為之爭食也安曾自濟
 火為功於蜀代封重爵雄長諸蠻播賦自楊端應募平南詔世襲唐職關五代宋元志明橫距指珍誠所謂
 夜郎自大餘苗類皆性野難馴固知法紀一日削其土地治以流官虎視耽耽俟隙而動連顧問哉前明盛
 時於遠黎平各要害皆設兵戍之正統中以麓川之役撤回戍兵諸苗遂得深入陷沒我城池殺戮我官
 民終明之世叛復不常苗性固難馴亦謀國者之疏也周書曰國無三年之蓄者亡蘇秦說趙稱其粟支十
 年明天啓中安酋叛圍貴陽未匝一載而城中餓斃者逾半有備無患之謂何悉至坐困若此今黔無不關
 之地無不化之苗古州清江曾設重鎮仰見朝廷碩畫遠過前明其熟苗之在我肘腋聞者徐徐化導廣儲

天庾以圓久安長治之術將見風氣日厚富庶有加枕浪帶蜀可作屏藩金錫丹砂足資國用亦西南一大要都也安得深謀遠慮仰體國恩盡如今之賢執事者

黔省功德名臣考

讀黔志莊躋楚莊王裔也因王滇通黔中者實自躋始漢唐蒙因賈人得知夜郎即臨牂牁江江廣百餘步能行船上書稱夜郎可得精兵十餘萬由江出不足破越許之遂見夜郎侯諭以威德爲置吏黔由是得通中國之二子者不可謂無功於黔也蜀漢武侯侯亮征滇蠻孟獲於黔無與五月渡瀘亦未聞假道於黔黔名宦志之至今黔地多傳孔明墳孔明藏甲冑諸古跡祠祀者不一其處蓋苗蠻漢威藉流風則雖稱黔名宦也亦可唐德宗時南承嗣爲清江太守多惠政供其父南將軍像於署明初顯聖八番黔人肖像祀之是爲今之黑神巡撫王憲請入祀典忠孝感格祖父爲之臨保紀之志乘宜哉明初關黔功臣則黔寧王沐英穎國公傅友德黔國公吳復夏國公顧成江國公吳良信國公湯和涼國公藍玉靖甯侯葉昇曾定侯陳桓越嶲侯俞通淵安慶侯仇成征蠻將軍陽文平羌將軍何福是皆披荆棘臨虎穴沐風櫛霧大有功於我黔者按其功則尤以穎國公最爲得樂土而居之矣當明之初關黔苗蠻池之衝苗獠出入其間以固吾圉都指揮馬華請建會城而居民始定永樂中設布政使居然專省其地尙多隸於楚蜀會城亦未置守地小則力薄力薄則苗獠易叛官缺則事廢事廢則民冤不理撫臣杜拯有十便之疏始改程番府爲貴陽首郡餘格部議後皆率如公言迄今讀其全疏如見公之生平而名宦不載抑獨何歟朱家民修鐵鎖橋而滇路通曹震開永甯河而蜀道關大直延工教紡而民知織李睿增修學舍而民興教頒樂器以崇祀典功出蕭儼抗丹砂以甦民困陳堯最著至欽州江公東之爲巡撫則百廢俱興造土置右文田重民置備賑田體恤卒伍置恤軍田矜孤寡憐廢疾置恤局惠藥局等由推及愛物置遞馬穀田甲秀樓黔之巨觀也皆公修之志稱撫黔當首屈公信然維時應公朝卿巡按貴州損贊佐公置以上諸田巡按客官耳亦復能此謂非志在生民爲當世之矯矯者歟繼江公撫黔者當難其人青螺郭公子章繼之德望經濟尤爲卓越殆集明撫諸賢之大成撫黔十載事功非另傳難以殫述于設官定界一疏概其知於化民成俗一疏概其仁於平播賊討皮林概其勇黔記一書網羅百代後之修志者宗之尤見苦心功成請養疏凡九上始

得允殆又有明一代之完人也。論理學之傳，接統於陽明。黔士大夫至今俎豆之，微學使席公名書者，敦請至省。主文明書院以訓誨諸士子，則陽明亦龍場一驛吏耳。席公之功，當與文成等編是書於。如徐公樾、胡公堯時輩，皆常師事陽明。徐公時爲貴陽提學，以昌明理學爲己任。雖前民子弟皆得衣冠聽講，嘗謂此理無古今，無中外，苟有以興起之，無不可化。胡公則貴州按察使，每稱職司刑名，當先教化，修陽明書院，梓陽明文陽明之學。於是益明阮公用和隆慶四年撫時，馮公成能爲廉使，與馬心齋、滕少松諸公講學黔中。阮公樂其同志，會議陽明舊祠，狹隘不足以容諸生，移建於軍門前之左側，買民居益其地，規模最擴。後皆因之爲造，就人才之所成。化時廉使錢公樾參議吳公倬，類皆能振興學校，錢公制樂器增學舍，設社學。吳公置學田，置站軍田，宏治中伯通吳公爲按察使，尙德、綏、刑以時疆，新闢教化尤要。時准諸生講明經義，至今黔地人才埒於中洲。諸公之力居多，禦災捍患，重於祀典，都掌蠻劇賊也，程公儒制之香爐山凶首也。鄒公文盛平之智如陰子淑，擒叛苗於談笑之中，勇如郭成，殲賊首於窩巢之內。蒙潮誓死以保孤城，王鑑之仗節而報強虜，徐問邵廷贊、王來王、軾、天祥諸公，皆能威振而掃除苗患，以福我漢疆。孔公鏞，威信特傳，民到於今稱之。昔爲太守，曾以單騎報賊，諸蠻聞公撫，皆氣奪。時有清平苗阿溪，多智養子阿刺，多力相資爲害，而時以金帛給上官左右，王指揮爲之用，幾成大患。公至，不動聲色，即以王用人王指揮授計擒之。阿刺被隸，嘆謂吾不畏千人畏一孔公，但不知成擒如是之易耳。刺死一境皆安，惜其事不多概見。又有陳公儼，宋公欽者，陳公景泰進士，爲貴州巡撫。先德後威，西皇苗梗化，輕臨諭之，負固者躬環甲冑，勦之終公之任。苗民不敢爲害，以儒生而壯疆場，偉人哉。志紀宋公殊，落落然苗民相戒勿犯，足知威信吾嘗撫，豈形降甲於天下考之題名碑記，實公所移建。明作有爲，殆又於茲可想。王三善、尹仲之言，致令全軍覆沒。朱雙元不剖李中行之冤，幾使冒城不守，苗獠之害匪輕。諸公之澤，又何可忘耶。科目者，鑑道之階，開科本省思南，此公之也。巡按王公名者，同時上其事，不無其力。撫臣王公學益、林公喬相、郭公子章布政，蕭儼巡按、薛公繼茂，先後疏請，增額俱得。允行自是名人輩出，林公疏稱以人事君，大臣之道固自當耳。詩曰：古之人無斃士，斯譽不溯其所。自來沒前賢之苦，心士大夫之過也。至我朝名賢踵至，如舜代之五人，更益成周之十亂，給至明季中葉，城圍於安，猶地陷於流寇，繼以吳逆僭竊苛政，百出層湯疊火，民艱莫狀。列

聖憂之故任多海內名人卜公入境首賑饑民上書待罪曹公下車先除虐數陳欲泣趙公有興教之疏
佟公有安邊之請甘公題禁協夫民得歸農矣慕公請撥餉卒能安伍矣楊公緝陽明書院於將墜之餘
田公衛公繼之學校大振卜公名三元趙公名廷臣皆由黔撫節制兩省甘公則制憲城南忠烈即其祠曹
公名申吉楊公名雍建慕公名天顏田公名雲衛公名既齊皆黔撫此其大略也宣化閩公興邦撫黔凡所
設施類皆宜民見之奏章者題廣額表精忠餘積弊肅邊防按諸志乘黔事多所建自父老稱其重士愛民
恤兵寬大有爲視閭閻疾苦如切己膚康熙庚子金撫軍欲改其祠爲迎送之所爲士民力訴得寢詩云有
斐君子不可諼兮其公之謂乎海寧陳公吾猶及見其事公名銳興利除弊常若不及公又富於財足敷所
用以黔兵苦廬舍多茅屋易火延及居民戊寅癸未兩歲會城焚毀幾盡捐兩標營房數千間常稱黔地山
水明秀建置未盡合法某山脈錯其土不達某水直無蓄其民易貧改北門之城更通楚之路城成橋工未
竣公調撫湖北一時士民如失慈父母咸慮無復有能繼之者龍門繼之亦如郭青螺之繼江欽州其擔
當負荷直空從前公名蔭樞政持大體與民休息遇大事敢爲西征策旺例當協餉公疏給疾苦狀得免永
甯爲滇黔蜀界壤年羹堯屢拘苗犯不得大其辭請剿欽差會勘三省制撫咸在公曰此鼠竊吾爲公致之
巫言役各一人苗民畏公威信立即赴轅待罪公據其情入告事遂寢撫黔十餘載創建修補遍地甘棠於
公皆爲末節公奏入其鄉行與官聲等陝撫陳公請祀鄉賢而我黔名官缺焉伊誰之責山左何公名儒也
知不自用朔望必謁聖升明倫堂與諸生講明朱程之理同日赴講約所進父老而與之言所在問歷任善
政蓋將大有造於黔未幾奉詔還京黔人思公賑饑修學建橋愛民諸惠政不置君子惜其功之未竟焉高
公其倬以靜鎮節制兩省士民陰受其福鄂公爾泰改土歸流平定諸蠻辛勤十載功在百世士卒疲於征
伐議者或疵其紛更詎知養賊如蠶癰潰不可救前明安酋之叛幾危省城鑿戒不遠君子之所爲衆人固
不識也巖學中能以道德文章造就士子者則有張既亭孫莪山沈西園張匠門諸公昔黔以小省學使多
係道銜受制督操守滑於請託劉公某不得行其志拂衣而去自既亭張公始以翰林視學黔中風采峻厲
無權重如王宛平莫誰何從前積滯揀拔一空以黔地艱於購書刻勵學齋並古今文集至今多士賴之
莪山名震慨然有繼續陽明之志與劉龍門同時相得甚雅拔諸生百餘名於陽明書院膏火又燃於龍門

造就則公力任之每出巡回輒寢食其間與諸生講學不倦雖抱病亦不稍懈曰吾若死當埋骨明左右其任重道遠有如此者西園沈公名翼機視人才風氣嘗吾分內事於試童子尤加慎嘗謂諸生已為學校中人童子能文額於數不加獎勵或以資改而他則後雖欲振拔無由仰摩則隨所至為採訪親書匾字進其子若孫勞之酒而拜贈之神鼓舞善維持有功於世道不小匠門張公江南才子之一也名大受提學監省時書院久廢又無同志如劉龍門公自任之膏火悉出清俸所披士或百而授徒如其館穀與之制憲高公其倬漢藩李公衛皆道人捐千金為公助德信不孤公之望重為何如今撫軍張公名廣泗布政則陳公德榮兩君相與有感張公恢擴崇廟置樂器祭器請改提學於南關以舊署益棘閣修明遠樓增曠舍陳公覓工泐教民組織修北城郭創三城樓於其上內城舊建閣於東子城祀文昌建城於北子城祀文帝各如其位皆重有關於民社將圯公俱新之適聞張公現在委員查都勻河陳公又將修次南門橋完海甯未竟之功關雪壓湖為觀瀾兩君子造福黔疆無時稍暇吾又烏乎窺其所至哉

論曰九州無禹一水窟無稷則阻飢無契且近禽獸有數大聖人出而其地遂重以人非重以地也黔在宋元以前深林密箐久為虎豹豺狼之所居苗獠彝犛之所踞千百年來視若廢壤闕於前明恢擴於我大清聲名文物遂與中州鼎盛徵司土諸君子懋德懋功曷克臻此記曰非有功德於民社者不祀則有功德於民社者之宜祀可知也考之志乘有明諸事久公論定類皆請祀廟廷我朝方興未艾公道在人余故表而著之尊先型範來茲切向往且以備他日賢執政之人告焉

全黔苗獠種類風俗考

牂牁未開其先為苗獠雜處種類各別風俗固殊焉未入版圖採風者不之問也志稱有虞氏伐三苗高宗伐鬼方史固有之未詳其說漢武帝定西南彝以其地為牂牁郡仍以其人官其地故種類風俗多不可考蜀漢濟火從征孟獲封蠻甸國王則安宣慰之遺祖也唐普露始率其九郡入貢逮宋普貴納土得賜爵至元而阿晝又以軍功授昭勇大將軍世襲宣慰司加繼甸侯奉朝廷正朔然不納貢朝廷以化外置之故其種類風俗亦多不可考明洪武初年阿晝子靄翠與蒙古歹各以其地獻明祖大悅仍世其官宣慰司築貴陽省地命都指揮顧成鎮之浸設流官遷一吳六姓實其地然城北即宣慰舊城諸種類實遍處此故終明

之世每多苗害我朝德威所及羣苗向化窮鄉僻壤盡隸版圖其種類風俗班班可考按其種類則有猓
狛家狃狃狃狃人洞人蠻人八番楊保龍宋蔡家並諸苗三十餘種其中以苗名者又凡二十餘種類在
新貴者曰花苗在廣順者曰克孟拈羊在鄉甯州者曰青苗諸苗之中惟茲四種類多純樸畏朝廷急輸將
爲主人服役不敢玩其次則龍里之白苗思州之短羣苗貴定之平伐苗爛土壩之天苗或僱役或力作雖
娶葬無禮夷俗類然尙無乘乘搶劫出入爲民害者紫薑苗在都勻則與獨山州之九名九姓苗同其狙詐
嗜殺尤甚谷蘭苗在定番性凶頑善擊刺出入必持鎗弩蠻黨皆畏之其族氏皆不大繁故雖凶頑嗜殺猶
不至大爲民害施秉有生苗銅仁有紅苗黎平有陽洞羅漢苗興隆凱里司有九股苗偏橋有黑苗之數種
者凶狠狡詐異於羣苗時結黨爲大盜之患明季往往嘯聚稱亂官斯土者非精明強幹恩足以結之威足
以惕之繩其下不至以糧草差徭荒其業苦其身異類視之凌虐其婦女而魚肉其種類未見能久安而不
蠢動者羅羅卽盧盧有黑白二種雜處平大黔威間黑者爲大姓白羅羅其奴隸也俗尙鬼故又名羅鬼歷
漢唐宋元明雄長諸苗最強大今就衰矣狛家則貴陽都勻鎮甯普安皆有環青門左近雜居民而耕種之
嗜殺喜爲盜村落牛馬少不謹卽被盜去然其性猾而婦人女子又勤於織富者居多且盛朝富庶居民十
倍無復聚衆出劫者矣狃狃之屬有五種各以其類不通婚姻竊頭狃狃男女咸竊其髮死則積薪焚之猪
豕狃狃與犬豕同牢等犬豕又何殊焉打牙狃狃其殆蠻齒之民歟腰間類圍幅巾謂之桶裙花布者爲花
狃狃紅布者爲紅狃狃貴定清平石阡黎平古州往往有之性固狡未苦狛家之猾故其人多貧黔之西南
有番子焉以八番土官長之服食器用與漢人同平其地爲定番一州土人則歷代遺民也狃狃亦曰楊黃
散其種於都勻石阡施秉龍泉黎平龍里萬山之中荆壁不塗門戶不扃出入以泥封之婚喪以犬相遺變
人卽俗所稱雙耳子也男女冠氈一片雖垢不浴唯普安有之蠻人輩新雷丹行二司管轄性犷戾以丑戍
爲場十月朔日爲節洞人則性多忌喜殺出入夫婦必隨在黎平者尤惰於耕故洪州之盜爲最楊保播州
之裔其黨最繁明馴珽平其地設流官守之爲邊畿平越兩大郡至今漸化其俗頗類漢人又有所謂木老
者性狡悍善製刀尙鬼知長幼之節馬鐙龍家狗身龍家蓋徙驢氏之訛其種有四善石工好依深山林木
凡茲羣苗種類既雜居復星散其勢弱其力單與居民互處久將漸化非若生苗紅苗之足慮也宋家蔡家

則楚子伐宋伐蔡逐竄夜郎帝王之胄遂爲九種蠻夷良可悲夫不知其類無以善其俗不知其俗無以教其教其人格其面明先王之道以道之將見用夏蠻夷而有苗來格不難再見於今矣

按以上三考係選拔孫承霖從學省垣時得之舊家藏本不欲自祕爰贈刻于此庶不負作者苦心並足爲考古者之一助云

三考應行採入通志不僅關於一郡茲爲載之用俟他日通志之修以備補深可也

辯

國朝

天乙山文筆洞辯

徐如澍

郡城東南數里有兩峯并峙高插重霄在江流去處爲城水口青鳥家謂銅仁地脈發自淨梵山二水屈曲相送七百餘里至府城江宗門外匯而東注水口二峯關鎖全局地輿靈秀之氣得此盤紆最爲有力此一郡之勝概也俗謂雙峯又謂天太乙峯二乙者天乙太乙也按巽爲太乙峯在巽位應之固宜至稱天乙頗以爲疑城西二里許有山端聳突出對之不期敬而思敬山半有石洞爲文筆洞稱是山者皆曰文筆洞不曰文筆山洞屬山不以山名而以洞名亦僅見也余少隨先大夫任長於蜀歸應童子試時乾隆辛卯科試也入泮後卽以是秋登鄉薦壬辰春闈報罷往來蜀黔間蓋在兩仁之日甚少且方攻舉子業未遑他及迨官京師驅車軟紅中忽忽寒暑十九易以乾隆甲寅丁外艱回籍值苗爲亂率鄉人設卡堵禦靴刀帕首歷有時亂平服亦闕請咨入都補官十餘年庚午復丁內艱又有貴陽之役至今七十有一矣勞勞塵網計於本地諸名勝竟有未能一躡其巔者筋力就衰尤慚蠟屐歸田來日長無事讀郡志省志以當臥游昔所信藉以徵之昔所疑藉以析之如城西之山不曰文筆洞山而曰文筆洞又東南之山何以名天乙疑而未信者溯其命名之始乃有以得其訛誤之所由也府城西三里之山俗呼文筆洞郡志原名峯嶂其洞名牛角洞明提學沈公思充名是山曰正人峯峯名正人斯山之純龐敦厚見焉至水口名天乙峯者卽志名文筆山郡志稱文筆山在府城東二里省志以爲在城東南五里是東南之天乙峯實昔之文筆山無疑也其峰峭拔干霄而直上適肖文筆故名若名以天乙於義何取然天乙之名其來已久豈竟無所据哉熟思之辛爲天乙正人峰在辛位術家以巽辛二方起謂天太二峯得位殆謂是歟後之人不知在巽位者一爲太乙一爲文筆而訛文筆以辛位天乙之名又以文筆之名名辛位正人峰之牛角洞互相訛誤相沿弗察名與實不相符非一日矣今以郡志省志證之城西辛位之山曰正人峯城東南水口之山在太乙峯之左者曰文筆山則皆仍其舊矣辛位之山上應天乙前賢雖未及言考其方位不差毫釐正人峯殆卽天乙貴人也牛角洞名文筆洞或曰因對文筆山斯名之夫太虛遼闊自然之妙蘊結而山阜其一定者也乃正

同

辨

一

人峯也忽以爲文筆文筆山也忽以爲天乙任人命之山似無如入何也名豈有一定者哉然山之精神與其氣象人人所共見又曷能聽轉移於衆口之悠悠耶有正文筆之實自有正文筆之名實之至者名必歸人又其如山何今爲正之以復其初俾得名與實符然滄海桑田變遷不一吾又不知後之名是山者更復何如也

明

議處烟苗事宜

謝東山

貴州之患惟苗爲劇然所以處之訖無定論者遙度易言之過也夫自古取苗之道有三懷柔謂之撫奉命興師謂之征審其順逆而創艾之謂之撲滅然自古用兵未有大得志於蠻苗者豈中國之力不足以勝之哉勢不便也故征未可易言也夫撫之於取苗也猶日用飲食何可緩也願異轍者苟以慎重爲名又不免於變寇而階亂是撫亦不可獨恃也所以代征而佐撫者有先幾撲滅之法焉可以於亂萌伊始便宜行之者也此法行則兵不必衆糧不心多而功倍於征懲者一二安者萬億而無傷於撫是可則爲也而好事者或以爲無功而不前畏難者或以爲無傷而不問至寇愈熾禍變愈大於是大舉之說復興而勞師糜餉之不可以歲月計者可知嗚呼則胡不圖之早之爲愈也

國朝

禁裁罌粟

喻勳

雅片之害流毒徧天下其膏煎自罌粟說者謂罌粟之禁不可不禁夫罌粟之名中國藥品中及花譜內皆載之以其花大如芙蓉又曰阿芙蓉嘉慶間來自外洋產於五印度其色黑故有雅片之稱不知卽罌粟之汁所製以成者也禁例之嚴莫甚於道光末然其時萬不及一今則十有三矣一旦欲禦而絕之自非易易使此物僅產中國奉一王之法尙可諭以科條束以刑罰無如今所售者多半來從海舶其能盡拒之乎凡欲盡絕一事必先清其根源根源不清未有能盡其流者故欲絕雅片必先禁外夷通商不然徒爲外夷買豎增價將奉中國有盡之財而陰以附益之也獨是今日通商之局其不能禁也明矣爲今之計當略其小而權其大大者莫如國計民生貴州數稱荒瘠近以種罌粟之利每年他省來販入黔之款不下百萬而獲煙在插秧以前與穀仍不相害是民生多獲此無窮之資也且每年煙釐約有十萬金而非此則他貨寥寥所入頓減是國計有藉於什一之利也如以治家言禁子弟忽食尙無保身節用之道以濟時言禁地方勿種反不免妨民病國之弊矣古今聖人御世治世莫大乎時今日之雅片時爲之也且此物漸染已及百

年人之誤之者幾有日用飲食相安若質之意昔商鞅廢井田而民怨王莽復井田民而亦怨蓋時有不同更曩轉足以擾民也夫雅片之害不僅酒色之爲害雅片之惡不啻豺虎之爲惡然王者雖仁不能絕人不貪酒色天心雖愛不能絕人不違豺虎力有所不及勢有所不可天地帝王亦嘗退處無權以聽芸芸者之自榮自枯於其間此所以爲大也然則遽不能禦絕乎非不能絕也特其計甚迂而其效至緩耳欲絕此害必教化大行復其治爲三代之治易其時爲三代之時使民爲良民士爲賢士而不忍梗長上之令子爲孝子孫爲順孫而不忍違祖父之言又使四夷賓服奉琛獻贖所謂流毒之物不忍以入仁人之境而殃天下之民則不特嚴禁秀民而民自不食不待痛絕通商而商自不來矣不此之求或以爲種者吾拔而棄之不違則倍其賦以入官賦重則自不種矣此未嘗非禦之一道然皆不能不假手於廩役稽查甫委一人叫囂已徧四境是徒爲訛索資爾愛凡者可若是乎國家深仁厚澤所以爲興謀者當因勢利導未可強所難能否則雷厲風行雖收崇朝之效而民貧地瘠日見生計之非豈策之得哉

康熙元年夏四月余奉天子命理銅從武陵峽入龍門得觀東山之形勝百丈之巖巖崖兩江之清流
畫其中必有忠孝節烈至今噴噴煙青編爲後世軌範下車後訪之士大夫所記載父老所傳聞或沒焉而
不傳語焉而不詳蓋因兵燹焚燭之餘春燕巢林嗣駝荆棘不復問矣然猶得點志殘本於寒煙野箬中
約略指點當年事曰某也忠某也孝某矣貞而想像遺徵景茲芳閣不勝今昔之感焉應治西齋有劉氏三
烈嗣在乃既毀於戊子年土寇之變矣瀘州刺史劉長君保其嗣孫持三烈續行狀示余乃悉知劉之先恕
齊公宦遊蒼梧棄捐中道兩如夫人攜弱女孤兒輿輓還里可謂大不幸矣胡天不眷卒遇猶猶三女子者
遂相繼踴躍俱葬於江流當是時行路聞之無不流涕淑媛高風千秋如昨也乃劉氏孤兒小江公卒能婉
轉出虎穴奮翻皇衛斬賊首以報三烈於地下何其壯哉始信天下不世見之人必處之以夫憂大患至險
至危乃見其寒不改葉霜不改柯之節操而後與之榮名以永珉石垂無窮使天下後世知孝烈所以傳天
之所以成之者甚委曲變幻而不測也余讀其行狀觀其終始竊怪清淑閒氣聚於一門而小江公亦奇男
子也當其倉卒遇難事也無可奈何其不至死者幸耳遠既入猶巢以九歲藐孤異類逼處當自分抑鬱以
老即日書木簡付江流亦不過晷月思家望風懷想而已矣後幸遇張侍御公獲歸故鄉卒得此木簡之力
斯已奇矣然父仇不共飲恨終天卽能致身青雲詎料假手天威獻俘雪恥以大快仁人孝子之心哉迨夫
始終曲折以成令名烈女含笑於九泉孝子揚威於異域如此之奇而正正而奇授之江矣而不死納之猶
巢矣而得歸歸矣而且立功名名威矣復宦於粵西俘賊四十餘人以祭三烈仇復矣又遍覓諸俘迎養老
媪以報當年不殺之恩旣而宦成歸里門請之當事卒致表其門曰貞烈小江公之心必如是而始無憾焉
謂非劉三烈之精靈所默佑而維持之者乎嗟乎世道凌夷古風難再彼忝顏無恥蔑裂彝常者何可勝
道試較劉氏一門當不知汗透幾重衾矣當今 運維漸激揚丕振行將紀頌幽烈鼓吹休明如銅鄒三烈
之嗣其可以廢乎哉爰爲之序

山雙峯閣序

梁慶宸

多佳山水惟東山最奇水繞山根山浮水面陟山嶺而呼波浪飛起崖石響答有金玉聲余心乎愛已
播茗作少憩雖不能如謝公之著屐坡仙之放鶴也然處殘疆而苦勞瘁求灑灑出塵塵百無一有獨登

此山藉山容以滌煩襟豈在踞胡牀吹柯亭氣撲眉宇人始不俗也哉雖然其勝也以閣有山水無其人
傳有其人無文字不傳山水人文之相遭而不得一題詠之所留其筆蹟則亦不傳考郡志昔有大觀樓詩
歌滿壁今樓亡矣可不別爲之創俾人文山水相得而益彰乎余以是戒我工師構閣於其上見夫天乙太
乙兩峯左右屹峙日月掛峯尖雲霞爛峯脊倒影入江魚龍震驚且其峰色變幻不分晴雨日盤旋於閣之
內外恍以詩通酒債索我游客壯哉觀也爰名其閣曰雙峯獨是經營此閣爲力甚艱非得高僧眞率者作
將伯助予予懷弗遂也閣成予疾而眺焉山之半有石拔起如張巨翅則神鳳山也濛濛細雨山如着衣雨
霽而日出晴霞炫錦則曬袍山水上鳧鷖聞款乃聲驚飛於山脚亂流中則買客行舟也石洞火明漁歌唱
徹則夜半魚梁也芙蓉高聳直瀉銀河巖腹散繁珠潭心捲亂雪則南嶽飛泉也縱目天際空虛寥廓無不
可想像而得者又東則洞庭之秋月而西則錦江之春色也眞率請于余曰是不可以不書遂爲之序

三烈祠序

馮修來

蓋自湘編紀美篤生閩關之實形管流芳絕擅冰霜之節故幽光之表著不僅當時而貞德之詡揚堪垂奕
世若銅鄒黜氏想齋公者本族豫章分支黔服文辭有譽薦在燕臺風範可師官於粵嶠王休徵之足賴豈
必海沂劉公幹之沉疴遠愁漳津遂卒於蒼梧別駕維時有男從宦僅與公表哀之年有女在帷正苟采隸
燈之歲又張郭二夫人年同一十四則皆公之次室也巴峽奉喪何減瘦輿之哀慟扶南不靖豈期微側之
騁騰舟過昭平卒逢搖變二姬一女蹈水俱亡揮袂不驚投簪無辱萋萋洲草非似漂陽之波淼淼灘流洶
彼虞江之岸夫女娟持楫但聞何激之歌楚姬待符獨著漸臺之蹟豈有三人矢節萃在一門萬里捐軀終
靡二志者乎別駕公子是爲小江公於斯時也穉齒莫從舜巢遂入龔思光之受繫吟嘯無殊包曲阿之見
囚譴誦自若方今韶訖彌足矜奇而乃投翰天英寄言河伯幸繡衣之相遭竟南冠之可贖遣遺舊國不暨
前徽宗族或驚鄉閭共歎中丞封事亟待旌揚天子崇恩特優祠恤表其門曰貞烈眷欵附於祭典禮也是
知宋國有賢用表女宗之室廬江守義寧惟從事之門三烈之靈由斯昭矣然自永嘉不兢野地多艱三月
連燒絕類咸陽之火雙江橫激何有白門之樓邈矣專祠空餘茂草余至編之二年郡守關中梁公司法錫
山顧公眷彼清風緬茲遺韻郡署右偏訪祠舊址乃爲經理而別駕之四世孫瀘州刺史劉君率其子弟仍

奉祀焉樓棟再新几筵重奠臆連朱鳥瓦映鴛鴦城擱曉雲去來流照江乘春水上下迴濫雖彼山木成陰
轉接女郎之廟瀨波堪繫長留烈婦之祠未足以儷此芳規彙斯懿跡者矣

蓮池圖詩志序

徐 蘭

靈運登臨之興而平婚嫁之恩有志未逮自昔歎之余以芒屨竹杖放情邱壑魚鳥之間者四十餘年因思
天壤間名山不朽往往境以人傳人以詩顯奈何攘攘塵途作緣山水領略清幽之景者代不數人人不數
時是安得臥遊圖惺之以當清夜之鐘哉客有嘲余者曰先生老死不出鄉足不能遍名山徒欲對丹青而
切溯洄是按圖索驥耳謂山水何余曰不然裹糧蠟屐不如覽尺幅山川探途問津不如讀經遊數語况夫
峯巒形勝指顧可收燈幻煙雲凝眸而得有不得登眺而悉其勝乎吾謂東偏二十里碧嶂青崖丹臺翠巘
有六龍山者峭壁千仞危峯中忽劈一洞池形如花瓣泉香味冽是為蓮池其地舊屬三苗負固明萬歷間
討平之始歸郡治然壅塞未開人跡罕到明季川苗復楚亂居民避難於斯及我朝定鼎鴻鴈安集無相上
人以茲山清幽勝地因卓錫焉湖蓮池生於鴻澤開自昭代舊志未編佳名不列顯晦殆有時歟無相住山
十餘年於池前石厂構楹三楹以奉牟尼因高就下結僧寮以棲為茲山大開生面矣會癸丑冬吳逆竊叛
鄰城士民挈家避於茲恃險無恐是蓮池之靈匪惟侈遊觀實踞形勝全生靈以福國庇民不幾與
五嶽四瀆之功并垂於終古耶予登山覽勝自己未始由官舟字沿溪行二里許至山麓循夾道松林盤旋
而上峭壁數折遊。巖以登如旋渦巖壁及金其巖則又坦夷開朗日月光華浮於眉睫俯視萬壑白雲
蓬蓬生脚下不儘如昔人所云盪我心胸也由是望靈臺華表塔天柱見其高焉訪柏崖梅塢石屋龍湫
見其幽焉他如霧縠煙巒風泉雪瀑耳不絕潺湲白不窮蒼翠朝暉夕陰應接不暇吾儕歲修其閑固亦鳴
琴適意之所也何肯以人間仙境獨讓之方外乎余與山之鄰村龍橋唐子蓮菴訂交白首隨獎偕游復得
孝廉黃子石林歲薦袁子金菴相與唱酬輒多題詠故有時避暑蓮池集我同人有時孤行雲山盤旋彌月
所弗拘也一日者松和尙與余坐嘯臺賁山茗聽風蟬奏響論及開山無相老人頗工詩與昔之前輩縉
紳往來贈答僅存什一即中葉大模禪師雖能大暢宗風曠置福田而恨不能詩吟明派住持度與先生遊
勉學吟詠益念此山前後見知於刺史彙菴下公邑令學菴見椒兩王公每為登臨賓客集皆書把酒

賦詩逾今十有餘年文人墨士者方滋不少佳什倘無志以紀之終致散漫不幾令後之慨今亦猶今之慨昔耶予以爲然補松出素藏蠹耕仙人所繪蓮池圖示予因坐池上援筆弁數言令侍者彙集成帙與圖俱存他日者據圖誦詩效宗生臥遊藉以養性陶情當清夜之鐘是余之志而補松或不余靳也歸以其言述之客客乃怡然歎曰先生之言良不誣矣後有作者繼此爲之將以成一郡之奇觀而垂名山之六讓事非淺鮮安可以無志余然之請卽爲之序

重修三烈祠序

徐闈

吾銅甯民節孝三烈其事在前明正德末年劉恕齋公官梧州別駕以疾卒於任其子小江公扶纒歸里舟次昭平縣之莞藤有搖賊爲亂劫舟搶掠卒然遭變其女姊展秀庶母張郭氏慷慨就義全節投江其卓纒卓行傑然出烈丈夫之上矣時小江公以九歲藐孤被擄賊巢昭平令聞報遣官殲殪之江濱助舟送纒歸銅甯聞於黔粵上憲荷諸當事協力斡旋脫小江公於賊巢公旣生還鄉井由是動心忍性奮發青雲嘉靖丁酉舉於鄉後歷任粵西復官平樂同知會侍御張公撫黔具三烈懿徵請旌天子表其節曰貞烈勅提鎮督郵征勦殲醜獻俘顯幽雪憤命於黔粵兩地春秋祠祀節誠烈矣遇亦奇矣當時後世景慕不置矣猗歎盛哉閒氣所鍾靈寧有窮哉閭生也晚而又拙於文不能頌揚懿美以附昔賢之末然前明傳敍毀於戊子兵燹幸有三烈四世家孫一山公明末任蜀瀘州刺史鼎革歸里於康熙乙巳年具行狀請於當事新其祠於劫火之餘一時郡邑巨公薦紳賢士作爲傳序詩歌與家乘相輝映時間應童子試每過祠升堂仰見輪奐崇高門廡整肅瞻拜之下竊謂踵事增華于今爲烈矣夫何甲寅之變僞逆背叛竊據滇黔蹂躪七載人民逃散祠宇傾頽溯自一山公整新棟宇以光遺烈十數年來又復風雨飄搖諸多剝落今劉子怡棕昆季毅然奮興亟欲葺之屬序於余闈不敏不敢以不文之言辱命然素忝世誼分不容辭僅按家乘約其始末弁之簡端以便後之人聞風興起而並冀三烈之孝子慈孫相與守之于勿墜云是爲序時雍正五年歲在丁未冬月日也

崇祀文昌帝君序

王士儀

郡城東山巔有文昌閣其創制數百餘年矣夫文昌之神祀之誠則科甲蟬聯文人蔚起所在皆然非獨吾

銅然也世傳帝君有九十三化日司科甲富貴之錄者吾聞文昌六星一日上將二曰次將三曰貴相四曰司祿五曰司寇六曰司勳爲天六府計集天道而其司祿之神則謂爲東晉越嶺張亞子在周爲張仲按六月詩有云張仲孝友上應列星下爲名宿則文昌是也父早逝事母至孝執祖之喪哀毀如禮奉先職爲保氏俾白駒汚水以警宣王其忠孝之大節凜凜若此古今祠而祀之其不在於斯乎非徒祀之已也古之大聖至神卽古之忠臣孝子苟大倫之無忝雖百世而可師主則上卿沒則明神在天星辰在地河岳無一道也今欲揚休紹烈莫若祀之誠又恐祀之難爲繼也謹遵傳云每年二月初三日恭逢帝君聖誕爰約同志諸君結爲祀會以昭崇祀之意俾後世之子孫高山仰止思與鬼神合德庶幾本其忠孝以贊爲文章豈非在會者之厚望也夫

中園集自序

王士儼

庚寅秋七月余因邑乘刊竣遂將拙吟付梓適有知友詣於余曰夫詩也可易言作乎夫詩以傳聲聲以形氣氣以發志志者性情之統會也性情正而興觀羣怨事父事君鳥獸草木之類情名物象數之引事皆得其正焉故山水者仁知之性情也樂山樂水者仁知之性情之所寄也作詩者將必南遊罔買之國北息沉默之鄉下無土上無天吾能往來汗漫徧九垓以極八挺而扶搖羊角之風莫得而逆焉而後吾之爲詩天孫機杼寂寞太虛曠然高寄無有方所已昔人謂不行萬里塗不破萬卷書不能讀杜詩讀詩尙然何可易言作乎吾子蛙步蠅飛管窺蠹測日事筆墨而謳吟之可矣妄災梨棗以鳴於世則不可余曰固然而抑有說焉余家銅城之東山下昔先君子有園曰拂塵中多竹桂芳幽季蘭露荷風菊霜梅雪以時爭妍因日偕弟友子姪輩優遊其間敘樂事於天倫悅親戚之情話時余方習舉子業不能一言以紀其盛自甲子薦薦後或教授南黔或讀書中祕或鳴琴西晉余皆有園焉物因地置或十年或三載或四易春秋皆無常在顏曰半園隨寓而安不必存求全意也東坡居士云苟非吾之所有雖一毫而莫取惟江上之清風與山間之明月耳得之而爲聲目遇之而成色取之無禁用之不竭是造物者之無盡藏也嗚呼噫嘻余得之矣在江上則江上耳在山間則山間耳皆非我之所有獨吾性情之樂卽境而呈志發於氣氣形於聲或因時紀事或借景抒懷誠可謂下無土上無天不計工拙而得是吟焉則誠吾半園中物也他日歸臥拂塵塵邊先君

子之陳迹庶幾乎仁知之山水九垓八埏之汗漫舉可收入一編中矣敢以質之吾友友曰可半園王士儀來庵氏自序

募修水屋閣序

唐蘭

間嘗博覽輿圖知名都大邑山阿水澗之間在在皆有梵宇神祠表鎮樞衛藉以培靈秀而扶氣運非僅供臨眺遊觀之謂也銅郡東之金波灘上與小鏡湖相對有水屋閣在焉其脈自天乙蜿蜒而下橫鎖江心爲府城水口山半有丹岩壁立數仞若崖色如赤則城中立應火災前明建既濟祠春秋享祀當事竭誠躬往所以消祝融咎一郡人文秀氣甚盛事也迨戊子兵燹野火焚燎其祠竟歸烏有幸國朝定鼎江山復舊前任邑侯趙公創建高閣名曰水星取以水制火之義且親書水字於丹崖之上墨蹟淋漓迄今數十年城中一炬潛蹤復燃無慮則閣之所係非淺鮮也值茲春仲淑氣清和余同二三知己偶遊其處俯覽一水澄清環流如帶鷗鳧上下帆檣來往仰視天太兩峯矗矗表撫景盤桓留連不倦適寺僧退菴延坐於茂林修竹閒把茗暢談敘及叢林較昔雖盛無如閣經歲久風雨飄搖脊穿瓦漏梁木將頽苦不急爲修治前功盡棄其廢可立待矣爰乞言於余以爲首倡余謂此閣前人創建休咎所關非同野寺閒寮但樓方外况今歲莫化洽年豐歲稔無有不樂助之者所慮功多費廣千金之裘非一腋之集大廈之屋豈一木之支是以不揣固陋無述閣之巖末如此其闕係如此以偏乞文武紳耆及城鄉諸君子共勦厥美命匠鳩材期以告成將見閣勢巍峨千秋輝映從此表鎮樞衛宣水火既濟之功變陰陽太和之氣佑民阜物其功豈在嶽瀆靈爽下哉是爲序

送竹村師歸銅仁序

唐樂宇

樂宇得侍門下三十多年矣字年十四應童子試公拔置前茅後又以壬午鄉試第六名出公房丙戌字成進士官農曹主政公在四川及字蒙恩簡昇貴州平越府知府字以爲公銅仁人字至黔嘗得登長者之堂觀仁里之俗以快數十年敬慕之私適公轉授江西建昌爲由相值茲謁公京邸早晚侍從方時依左右獲聆教言乃公以贖台之項亟欲回里設措計相處甫數月又賦將離此心其何堪也公在四川循卓之聲雖婦人女子皆知之請略言一二公嘗復記憶之也如在綿邑有九龍山向來囑匪屯聚民以爲苦公率緝獲

要案敷事境賴以安每科歲舉行考試及義學月課集諸生童講解經義即舊出新生徒侍聽欣然即賦性愚魯聞之皆有開悟生公說法頑石點頭不是過也又有爭水利興訟始前明案積百數十年公爲設法築堰以時宣洩利溥而訟息至今凡謂徐公堰字父以海鹽工程核減時邑令陳承追甚迫字以六王卜之課謂此事非現在邑令所及辦字因據課相所言將來息案之人籍貫姓其年貌以告先君子年餘公至查知寒家實然力完繳即以產盡上聞再駁再上至奉嚴飭先君子憂之公曰勿憂我既以產盡報是我事也公持卷赴省以實請事乃得已一一如課中言嗣有制府幹役犯賭公懲辦如法遂調任保縣壬午分校鄉試折封唱名堂吏甫出聲公聞字萬輒拍案起呼曰唐樂字中矣衆皆駭愕制府詢知其情亦喜之字之受公知如有宿世緣宜其常侍左右也乃數十年來睽別日多真有黯黯不能已者又戊子歲王師征緬甸川協濟雲南軍需馬匹多以疲瘦駁回總督阿公慮貽誤干咎委公接運時駁回之馬陸續在道公迎而止之亟赴滇廠選驃壯者先行解交飭各解官時其駕豕畜養有法走調監收馬匹總兵烏公接席傾饋烏公心服聞月而四川全省協濟之馬掃數交清矣此皆公任吾鄉時事字在都門得之鄉人傳說者善政甚多正苦不能縷述耳公在江西建昌福壽漳州聞士凡之敬愛公也如蜀上官同官之禮待公也亦如蜀以公之才措諸一邑而一邑蒙其麻措之一郡而一郡被其福乃究不能竟其用惜哉公凡事聽之天從不意爲迎拒執法嚴然亦曲盡人情公之歸字復何說我聞銅仁多山水花草禽魚如仙勝境公又神明健甚快登臨以適情時動靜以養真書引期頤正未有艾惟是落落如字安能於春秋佳日從公於東山雪彩聲江開也乾隆五十三年歲次庚戌暮秋之月於泐教言公歸銅仁請常置此案願閱之當如字常侍左右也

跨鼈亭序

唐 崑

余承太守命監修銅巖之跨鼈亭既歲半論者以爲余與其功余何功焉總其成者太守贊其成者明府同其事者地方紳士余何功焉然余自監修斯亭余亦有余之苦心亭已成諸略言其概天下事有似易而實難者非身親之不知也凡興功賞有餘則事易集此地非比於通都大邑股軫之戶無多除官捐民輸尚煩籌畫銖積而寸累之既不下累閭閻亦不上虧公帑難一也建亭事雅工役多視爲緩圖非加之聲色無以振其懈情藉一懲百受者議者謂爲已甚怨有攸歸難二也巖之巔徑僅二丈許圍亦僅六丈地狹則

狹則布置局促有煩意匠難三也至觸暑冒雨飢不時食渴不時飲凡在工者同之余張蓋往來指示作法舌本乾而足齒重乘任其勞更無可諉天下事之似易而實難非親身之不知有如此也亭之成余與同事諸君子始得歸無過焉幸矣余何功之有哉樂輸姓名例得書諸石因弁數言於其石

陳兆熙

銅郡山水奇秀人文代興近科以來後起乏人頗覺減色講者謂府學聖廟殿宇向指界在午丁之間術家所忌宜爲撥正并應用龍上起水之法於東山後甲方建造奎星閣培起文筆召秀氣以起文明茲據閣屬各紳士稟請修葺前來夫風水之說本屬虛渺難憑然人傑必資於地靈其事又不可不講惟是移動建造工費不貲所賴閣郡捐輸方可鳩工集事爰綴數言布告同志各爲量力共勸善舉將奎閣興而廟向正斯學校振而人材出撥科發甲起鳳騰蛟豈徒閣郡之光榮抑亦守土者之樂觀其盛歟時道光元年孟夏月上澣

書院田序

楊棟秀

事莫難於創始亦莫難於守成有其創之弗克守之良足愼焉銅自設郡後即建書院置課士田其端起於前明林公大輔鄭公應麟張公佑清三太守捐貲爲之倡維時鄉先達亦輸貲爲之助用是課士有資人知向學美哉始基之矣逮明季疊遭兵燹官廨民舍半歸零落其書院課田之廢墜竟數十年無所歸宿乾隆三十五年秋得署府陶公郡伯鄒公同心樂育雅意作人復修書院清查課田擴舊有之義舉增新置之莊田計慮屬詳不遺餘力俾書院廢而復舉課田籍而復存且令按地納租量入爲出頻年遞增計穀五百石有零由是山長修脯不缺諸生膏火常充郡人士勵志名途後先相望僉曰微鄒陶二公之力不及此前輩張孝廉敘之詳矣厥後書院因遷其地租穀有名無實加以經理非人徒滋冗費近年來竟致修脯膏火兩有不繼噫有其創之弗克守之誰之咎與公祖陳春宇先生縣尊文小園先生下車伊始亟欲振興適值原任通司副使徐雨其先生賦閒在籍余亦讀禮家居爰邀同廣文萬孟班鳳膳生員萬凌震黃掄謝楊再晰楊通選張煦照蔡王明旭金兆觀楊掄彩陳萬鵬等諸君親履課田依據清查其有好猾佃戶逋欠租數隱匿田畝私典私售偷減舊有供給

如佃佃等處有報新舊又併薄
載有糯米黃米今紅梅皆無之

並豪強侵佔諸弊逐一清查而釐剔之按

所入之數定所出之規計每年共收穀若干石應支銷若干石完者裁之如學師每年所分租穀之類是也簡者增之如山長束修之類有應舉行者添設之與之共是也皆遵府縣主裁立為更正自是課田不致虛設租穀不致糜費修脯膏火不致無所取資諸生肄業其間者必倍加鼓舞從此人文輩出科目蟬聯在斯舉也是為序

遺愛橋碑序

王成璐

雨畢而除道水涸而梁成先王之令典維昭也茲雖僻處邊陲亦通川楚達漢對赴神京之大道前此之橋年久沙崩春夏雨集病涉者多今歲五月鳩工修治適余自松皋攝篆來經此地衆紳首攀轅阻道丐為此橋發軔因留旅舍少憩茶香之餘並請書其事於石余不文嘉其意之美樂其事之有成也進首士者問之則胡學良賈旭堂各捐錢若干以倡此舉襄其事而樂輸者為何明河王燦然以下則又集腋以成之者也名為遺愛者所以答衆紳首殷殷之意蓋橋得余而名益彰余得橋而名益永焉知此邦人士不以愛余者愛橋又不以愛橋者愛余耶橋之幸亦余之幸矣夫莫為之前雖美弗彰莫為之後雖盛弗傳銅之繼此駟馬高車而過者未知凡幾是則余之所厚望也時道光庚戌仲夏之望舊守王成璐序

補修學宮序

周夔

千古有不變之道而道莫隆於聖千古無不變之時而時莫敏於兵以聖人之道當兵燹之時幾疑道不足以救時時適足以病道矣不知時之所由敝強暴者不循道立異惑衆者不明道倡亂糾衆者不遵道此兵戎之所以興而聖教之所以晦也當此時而欲救時之衰革時之薄易時之俗移時之風仍非援之以道不可銅仁府學宮肇自前明我朝康熙二年重建嗣後補葺或改修歷有碑文可考此非當事諸君子不憚煩而為是以壯一時之觀瞻也蓋聖道明則學術正學術正則人心靖而世道隆然則文運之興衰風之升降胥準乎此乙卯秋銅屬教匪滋事城為之陷學宮亦被摧殘迫汙則從而汙道之不明未有甚於此時者矣不見宗廟之美百官之富又未有疏於此時者矣余承乏是邦丁巳二月到郡觀其宮牆傾圮室無壁戶無門東西兩廡片瓦無存而先賢先儒及名宦諸祠牌位更不知歸於何所心竊傷之時干戈甫戢人尚皇皇猶未暇經營也爰先培其牆垣完其閤閤為藩籬之計及親歷兩廡徧為撫輯七月後地方已靖人心亦安因捐廉鳩工其規模無所增損惟於體制未盡善者如四配之宜分龕節孝之不宜

與名宦鄉賢對祀後殿之不宜間以明倫堂因稍爲之更正務期合於道以端風化之原焉嗟乎時至於兵時之敝業矣道至於聖道之隆極矣銅郡瘡痍鋒鏑之餘幸覩又安而不急爲昌明聖遺以正其學術以靖其人心時之衰何以救時之薄何以革時之風與俗何以移易哉吾願士之升斯堂者遵聖之道無偏無黨體聖之道無反無側將內焉垂創其子弟外焉矜式於鄉閭而相觀而善無不同游於大道之中何至啓異端曲學之變復爲世道人心盡乎此余所以迫於補修之意也因記之以爲郡人士勸

重修考棚序

周燮

銅仁向無考棚遇學使按臨輒赴鎮遠應試而銅距鎮三百里關河修阻人苦馳驅前周小湖先生守斯土因道里之迢遙憫生童之跋涉爰上請命於朝廷下詢謀於紳士倡修考棚松銅士子聞之無不歡欣鼓舞踴躍解囊計所募約萬餘金是以不踰年而歲其事今觀其遺址洵壯觀也亦盛舉也乃未二十年遭遭兵燹院宇蕩然無存不惟萬姓之捐輸百工之經營羣賢之規畫盡付東流而三年大比考試屆期將仍附之他郡而棄奉明文我固知其不可也將復需之歲月而有乖大典我尤知其不可也丁巳春余由松來權斯篆時千戈未戢閭閻未安下車後見被燬者考棚如皇殿書院學宮亦待購葺而於考棚特屬重修惟是昔也集千狐之腋以成裘而土壤不辭故成其大細流不擇故成其深今欲廣爲勸捐如當日之給繭分司而齟齬之餘元氣已割流離之後瓊尾堪傷嘆杼柚之胥空忍鑼銖之復取因勉捐鵝俸以庀材鳩工而李生仁杰楊生葆光自願出貲分囊銀鉅於五月二十一興工九月二十日告成規模如前其畫棟雕梁摧殘於兵火之中而猶可因者亦存焉鼎新之韓子所謂莫爲之前雖美弗彰莫爲之後雖盛弗傳前後之相需也固如晝哉而吾尤有感者想修時其創者必不料其毀如是卽料其毀矣亦必不料其速如是卽料其毀且速矣亦必不料其復修而值時之艱復成之速如是然則事之成敗果有定耶果無定耶吾以爲時勢所值亦惟盡其在我而已又何所慕於前而因之何所私於後而開之耶因直書其所見以泐諸石

因副戎去思碑序

從來爲武將者不第以無貪婪爲難而以無廢弛爲難亦不但以無廢弛爲難而以廉勤並著更能有備無

愚俾我銅營如磐石之安苞桑之固則殊戛戛乎其難遇哉其惟前任協憲閃公乃無足相難乎公蒞銅仁彬彬然一儒雅士也且一耿介人也其寬待屬僚無論已前此兵燹頻仍我營百無一有每值倉皇告急之時徒爲束手無策之嘆公廉得其情因而整飭戎行繕修器械凡營中應有之物莫不殫然具備卽間有費用不敷亦嘗捐俸補苴在不知者不過目之爲廉勤並著而已迄於今我公去多年矣一緬厥勲懃懃懇懇百廢俱興欲爲我銅營造無疆之福而錫太平之休則豈但廉勤之畢乃事哉爰溯顛末爲之泐石以誌永矢弗設云

協營公立黃太守去思碑序

黃國賓

竊維撫字心勞則宏覆載之量痼源念切自無吟域之分蓋恩可運施民與兵咸歸共戴意無偏重文並武一視同仁如我部伯黃公者秀秉湘江才高楚水綺齒早膺選真英年卽撥巍科昔時木鐸是司羣沾化雨今者銅江來守咸庇慈雲乃雙旌甫駐適逢小醜跳梁而五馬初乘卽統勁兵勦寇雖彼時會儲告乏哀聽鴻噉幸我公繼餉先籌慨捐鶴俸視弁兵爲一體誼切同袍士卒若一家恩如挾纊四野之妖氛盡掃數年之餘孽全消方虞漏網有魚重懸賞旋看入籠得鳥同止典型凡此我武維揚苟非公忠曷濟勳成偉烈端賴和衷浹洽滋深今迺移而去瞻望弗及殊殷依戀之懷爰立石碑奉揚大德恭撰燕語敬頌神君頌曰種穆神君克寬克仁軍民一體有脚陽春武克禍亂文懷遠人他邦借寇擊轅莫伸異日竹馬庶其來巡陳觀察去思碑序

喻熙

公諱枚琴山其號也山左昌樂人庚子成進士登詞館遷諫垣頗負重名乙丑來守吾郡未幾擢貴東道時行署設銅仁因駐節焉歷任九年與閭閻同甘苦共勞逸茲於其去也感其德不忘爰述其概而泐諸石初公官京師十有六載直聲振聳下清節著當時迭膺文衡拔取多卓越才兩分會房大魁皆出其門得人稱盛越丙辰簡放川南道察吏安民治行卓著繼攝臬篆鞫獄平允蜀人頌之無何以川省內得兼轄處分解任後督師平賊復三城士民乞留竟不就其度越人遠已次年特旨召見授銅仁府知府旋奉命分巡黔東方公來銅時苗教猖獗屢犯城下公先固防守後編保甲整頓軍同仇偕作殲孽剋免脅從城鄉由是安堵有警則飛羽請援楚蜀兵先後助勦未有如公之朝呼夕至者以故先聲奪人控穴得子下游各郡轉

危爲安賴公之力爲多所購開花田機各火器初分攻隣境竄賊屢經制勝嗣調援上游立克香爐玉華各山險要全黔軍務從茲得手功亦偉矣而公未嘗自伐非公忠體國烏能若是獨念銅鄆孤城與寇逼處向者重賴客兵接應往往兵未至則議捐議罰以儲犒賞之資既至則移室移家以避繹騷之苦不知病於賊猶望兵病於兵復奚望乎自公來郡一洗從前敵愾無分釐取自民間饑饉薦臻瘡痍徧境而卒得保全無恙者非公之賜而誰賜歟軍務甫平方冀挽留公駕手定善後章程乃一旦若陶彭澤歸思浩然解組而去閩郡士商軍民不啻嬰兒之失慈母依依眷戀弗忍一日去諸懷僉相謂曰是不可不有以紀之謹爲序

會壁光

捐助賓興碑序
竊維銅仁郡縣夙稱文獻之邦志乘所傳後先輝映本道前護東巡篆駐軍於此方值軍書旁午學校事未遑深理偶觀風月課進諸生而試文藝數陳經訓卓有可觀時或論忠孝貞廉立心制行之道無不感激思奮余善都人士之樂從教也鄉里薰德詎乏善良卽禮讓以靖干戈具在於此豈特區區科第已哉然國家設科取士多由鄉會兩試黔亂削平有日斯典不難再遵余奉調去不及與多士觀賓興之盛特捐贖百金交新任義民葛君飭郡之誠正紳耆置田生息爲異日舉貢之費葛君向稱賢明必能經理得當嘉惠士林於以踵其風而要諸久則余雖去不啻駐銅崖江上身親大比之歲見多士發軔有資相與奔騰於雲路也是爲序

新增賓興序

李楨

鄉試之年多士志切觀光不勝拔茅連茹之想然願雖奢而力不逮竊嘗慨之同治三年荷蒙宮保巡撫部院曾於攝綱篆時捐廉游助賓興銀一百金嗣蒙前府主葛添助五十金嘉惠士林同深感激同治十二年袁前府存有罰鍰六百緡交城防局首某等經理生息以作異日修志之費時有遴選楊燦廷參軍羅景菴前來商酌以修志雖屬美舉而急切未獲從事何如添作賓興似於目前有濟且後世亦並賴之又念創垂之心未忍盡廢擬將此款平分以三百緡添爲賓興以三百緡仍備異日修志之用是蓋兩美兼全瞭不見議於搢紳先生而遭斥於當道父母也楨見二子所論甚合深爲許可卽與盧元臣司馬舒彰五孝廉黃旭堂廣文錄情稟呈府憲轉詳宮保暨各大憲當蒙批飭允准妥議覆稟核辦楨等欣感違卽覆稟定案以本

年九月初一日分撥存款作壹分起息交城防局首某等照前經理如紳首等交出或置產或生息再行由貢監中議派公正紳士接續經管按三年一換互相清查庶免侵蝕事值經始合將原委臚列勒石以垂永久後有好義者從而增益則尤此邦人士之幸而亦楨等所厚望也夫

按此碑係同治十三年甲戌仲冬公立時城防局首士則李鈞萬寅李正榮羅介福傅煜樹雙源澄也

贈廖小明雙竹序

喻勳

嘗見禍福之說之足以動人也豪傑之士亦所不免要其學有未至耳勤於學者見理必明凡事之來前者順以應之其未來者聽之固所謂澹然無欲焉不惟禍非所畏福亦非所希且心之所嗜在學孜孜焉矻矻焉窮理以盡性盡性以至命至命以達天禍福之原早洞然矣又安有畏避與希冀之見存哉然執是以求豪傑猶未能幾而欲以概流俗不綦難乎吾友廖子小明篤學士也淡泊自甘弗慕榮利今歲館於城南劉氏古屋半椽茂竹環焉夏初生二筍破土而出適當臯比左右不失累黍廖子異之日爲濯漑未幾漸及屋廖子去瓦而出其梢今又解籜而枝且枝圓葉矣見者咸以爲瑞謂必有非常之應嗚乎是說也持以愚流俗可也或聞略者流猶足動焉而烏可以入篤學之心胸哉雖然其異亦有足紀者向見近竹居者其筍往往穿壁而入然恆在廢室頽廊人跡罕經之所不再日而槁矣即不然或錯節盤根重出疊見無足當意者有矣未見几席起坐之地既無雨露之潤竟有萌孽之生且日滋月長馴至干霄有如此筍而其天然位置之間又巧相值並相峙若斤斤較量於尺寸多寡之數而未嘗稍差喜亦僅矣哉倘所謂座中佳士左右修竹者不誠堪爲廖子慶乎至於祥瑞符應之說三代而下史不絕書後儒廣其意曰德足以當之則爲瑞否則爲妖禍福無定形亦視其人何如耳今篤學如廖子固無愧佳士之目即不必論其德奚若而名實之際亦庶乎不虛矣一時名流旣爲詩以紀其盛余忝有詩癖頗爲同人所知附驥之舉必不能辭然朋友之贈主乎規非主乎頌鋪張揚厲諸君之能事盡矣區區之心竊欲廖子守其篤學之常毋蹈流俗之見舉一切禍福之說俱不足置諸慮中安見今日之佳士不卽爲異日之醇儒而盡性至命達天其德詎可量耶廖子勉乎哉余日望之矣

建修蓮池文昌樓碑序

喻勳

吾郡山水甲黔夷奇秀莫如二乙而幽深惟蓮池爲最自國初無相上人始闢蘭若二百年來修真者咸棲
上焉道光己酉余隨伯氏魯翹暨仲敬侯讀書其地壑壑重巖日夕煙嵐萬變飲清泉餐白雲不復知有人
間世心甚樂之其刹宇構自洞中皆以樓居下爲文蔚殿湫隘卑溼獨輒不安爰商於心碧禪師欲謀所以
更新者以力絀而止洎值軍興余輩咸投筆去不相聞者十餘年丁卯歸里庚午乃獲重游見刹外有翼然
凌空者詢爲文昌樓蓋已將神像移祀於斯矣迨請參住持智空和尚即故人宋君宋少有任俠名以騎射
受知於學使胡公與家魯翹同年入泮當時靈氣飛揚眉宇猶可想也是夕聯牀話舊知和尚與我後感觸
滄桑生平一付熱腸冰消雪冷於丁卯冬就心碧禪師披剃並出私橐營建文昌樓起戊辰春正落成己巳
季秋木石磚瓦各役計費百金有奇旋以莊燬於賊重置農具器用兼修整田堤爲工尤鉅繼又金頂圯傾
山門懸磴崩絕頻年完繕備極拮据余於是服和尚之清修艱苦而尤幸舉心碧禪師與余輩所謀焉未逮
者一日滿志躊躇其愉快爲何如也獨念余方讀書時年少氣盛謂拾青紫如芥邇來六赴鄉闈五薦不售
敬羨僅博一第遠滯都門魯翹雖經小試然已長往不返追念曩日豪情都如夢境垂老頽唐迄無成就以
視和尚皈依如來出大力豈爲勝地護法積成無上功德相去何止霄壤近僧二三從游於茲講藝和尚復
來請曰文昌樓一段因果惟君最悉是不可以不誌遂援筆而爲之序然扶靈闈與俾山川深藏幽絕之致
發露無餘則有鄉先達萬徐二公之神在所不復贅

余輔丞郡伯遺民桑本序

向如愚

詩之序曰甘棠美召伯也召伯之化行南國其民愛而思之見其樹如見其人故無護之無已也其詩曰蔽
芾甘棠勿剪勿伐召伯所茇說者曰蔽芾甚也甘棠杜梨也剪去伐戕其榦也芾草舍也言召伯舍於甘棠
之下以布文王之政故愛其樹而不忍傷使之蔽芾然盛也其次章曰勿剪勿敗召伯所憩說者曰敗殘其
枝也言暫憩於芾而勿敗則非特勿伐已也其卒章曰勿剪勿拜召伯所說說者曰拜屈其條也說與稅同
停車也勿拜則又非特勿敗已也以見人之思其德愈久而愈甚也詩之頌召伯者如此矧明明賢太守守
此郡治此民興利除害無一不彰彰在人耳目其遺愛顧可漠然忘耶昔崇峯中丞守漢川政民爭譽蠶而
遵義紬遂與蜀錦爭價是蠶桑之利不獨武侯思以遺子孫凡關心民莫念切授衣者莫不欲講求而利導

之也銅仁處萬山中山多田少曠土隙地所在皆然其宜於桑也夫八而知之矣卒未有賢有司乘時因地
觀隄而利導之又何怪數千百年不聞其利之興也戊子春觀察余公來守是邦審其土宜遣人購桑萬本
以給民民爭植焉行耳前旁堤畔盡良疇低隄高原悉成葵蔭桑既樹而蠶以興詩所謂婦無功事休其
蠶織可以免矣且以昂易粟不惟可以無寒而亦可以無饑以絹輸官不惟可以足衣而亦可以足賦是民
之食利於桑者其有暨極耶夫以太守之賢興民利除民害其彰彰耳目者詎僅有此而耕桑爲治民首務
卽此一端已足徵其賢而與召伯之甘棠無以異安得不敬愛禮惜之無已耶自是由太守而觀察而方伯
而封疆以布愷澤於天下將帥被生民功施社稷勒之金石播之聲詩與召伯爭烈此公之志而民亦以此
望於公也又豈惟是區區者與良有司賢二千石比休已哉如愚愛之慕之樂吾郡之民食其利於無窮也
而又以于役松皋不獲登公之堂一聆其教謹濡筆書之以寄詩人甘棠之思且以貽郡之人兼告其父老
子弟勿翦焉勿伐焉勿敗而勿拜焉使之日新月盛如蔽芾之甘棠俾遵徽行而執懿筐者取之不禁用之
不竭而袖杼之聲遍乎閭里是劉公藹不得重美於前太守桑可復再見於後矣豈不懿歟

諭 燾

新任郡守韓公改定徵收條約勒石序
嘗封疆夷爲郡縣則夫郡有守縣有令皆斯民所托命者也古所稱賢守令者不必有要結之惠不必有牢
籠之術更不必有脅民之威迫民之勢惟是興民利除民害以與民相安於無事如是焉而已故守令而不
賢雖有聖君賢相於上而民不獲其福守令而賢雖有貪吏蠹役於下而民亦不被其殃是守令者又父母
斯民者也一郡一縣之中有父老有子弟有縉紳先生或秀而士或樸而農羣然而父母之有措施一拂乎
民將父老各私其身家子弟咸吝其財力縉紳先生切齒而交譏樸者秀也狂奔而赴訴惡在其爲民父母
耶三代以後惟漢多循良其以廉能慈惠稱者不一而足跡其爲政大要有便於民者則培之有苦於民者
則汰之而又嘗爲之計久遠謀萬全必使一時悉蒙其麻白世胥被其濡苦心孤詣一如父母之於子體恤
阿護無所不至斯時之民有不詠愷悌而歌孔邇者誰乎今之爲守令者則不然陵民之膏以媚其上父母
乎刮民之脂以飽谿壑父母乎竊盜縱橫民生日蹙水火疫癘凶歲頻仍不能顧命而復恣意需索父母乎
爲吾赤子日顛倒困躓於役隸下人之手乃坐視而莫之禁父母乎有痼弊弗克知知亦弗革父母乎其於

民也如此勢必至民貧且病且流亡且起而爲盜是守令之愧乎父母者比比然也吾知聞父母之呼必悚惶踧踖幾無地以自容而今之曠澤面目處之泰然者可勝道哉我林公謫人公祖以名翰林來守是郡深觀地方興衰之由默察政令得失之故知爲民興利莫要於薄賦爲民除害在去其苛征前太守厲竹樓先生值離亂之餘爲更新之治人心翕然口碑載道今則時勢漸移弊端又起小民痛催科之煩而衆怨日熾識者鑒前車之失而隱憂倍切我公祖初攬轡便隱然有利濟之心甫下車卽慨然從紳民之請仿照前規盡革弊弊旣頌示以昭畫一復勒石而垂久遠其興民利除民害與民相安於無事爲何如者夫莫爲之前雖美弗彰莫爲之後雖盛弗傳我林公與周公保赤誠求後先輝映豈不俱卓卓然賢守哉嗟乎昔賢霸其途虞翊郭汲之流頌禱徧于當時聲施光於史冊然所傳治行尙不過落落數端我公祖學術之深邃度量之恢闊識見之高遠將來本所蓄積而次第布之知可法可傳必更有遠邁乎諸賢者然今者蒞任伊始其行事尙不多表見而父老銜恩子弟戴德縉紳先生濡毫而作頌模者秀者踴躍而輸將古昔盛時下一令而感泣遍三軍頌一詔而歡呼及萬姓此景此情不圖竟遇諸目前也詩云樂只君子民之父母非賢守令之謂而誰謂乎謹爲序

蓮池庵捐輪碑序

補遺

朝神

郡東十餘里有蓮池庵靈異境也幼聞前輩遺其名勝思欲登覽不果甲寅夏始克揣徒課讀其處至則景物荒涼遊人希少雅有一種幽深清遠之致而拮据之况殆不勝情詢之住持興濟云其師圓寂後宿債拖賠伊于胡底狀若憾甚余悵然久之次年秋興濟忽致書於余云寺中數債悉還絲粒無欠余訝其償之速也心竊疑焉旣乃知衆人樂善好施蓋僅還其七而以三輪於寺也憶茲山關自無相上人繼傳於大樓重修於補松下逮純中和尙莫不敷揚宗旨參透大乘遐邇名賢輒多題詠詎不甚盛歟無何寺中多故漸就傾頽積年田租佃不補出藉非有濟師極力維持與夫衆人同心輔助茲山不將鞠爲茂草乎嗟夫盛衰之理固常如此而余來遊雖不獲於純中極盛之時而猶得於濟師振興之會其亦非偶然耶自接前書悉其情事方深喜濟師之能得衆心尤深喜茲山之能得濟師庶幾復有大模補松之望而轉爲余輩之遊茲山者一幸爰踴躍卽事略敘巔末并勸衆人姓名及捐輪成數以示無忘若夫山水之靈奇樓臺之創建則萬

徐二公碑記言之詳矣余何贊
退太守惟一王公致仕序 補遺

張素

方今聖人在上和樂翔洽四海同風郡縣之民待治於上如赤子當歡笑之際保抱揣轉不必擇人皆可以
順其欲而適其意至於得所親愛依戀方新而必欲強而去之則啼泣隨之矣歲丁未華州王公祖諱惟一
由江左銓陞來守茲土甫三月以衰老致仕議者謂公之來固嘗觀丹陛請天子訓而後來者也而遽老耶
或曰公來沉靜簡默往返省會凡月餘精神意氣誠不可以少壯比或曰衰壯之分在官政不在文貌也公
來此挈僕從不過五六人囊書錢穀身自捫擋案上無留牘每日據公座廳斷臺臺終日無倦容遇凶頑傲
劣軌法亂紀者輒蹕厲風發叱咤如雷霆觀者為之股慄客至門迎接款洽非翫歡笑不得去公之於事亦
勤矣然皆能瞻舉不以為罷是豈衰老之人所能強支而偽為耶或曰公在江左有能聲歷署大郡其視銅
也地瘠而民貧備料不易訟獄難沓被告不投訴捕之則鋌而走規奪鬪殺聞於道路刁悍之風傳之上游
非一日矣公或者不欲久居此而自以衰老請退耶或曰否否公任事纔兩月不聞敲撲而額糧應輸者實
倉廩矣催科誰欺初不車受狀百餘紙公分別准理為之勒限遠者七八日近者四五日願被體佐悉來聽
鞠直者伸屈者服刁悍者豈猶昔歟強梁棍徒聞風無跡城鄉市鎮無夜警焉使公得留此一二年未始不
可以臥理也何以去為歟歟論議行者止坐者起嘈切錯雜不可指數亦不可以數計如是者兩月而公
之行有日矣郡人留公乃囑素紀公蹟以誌不朽素不文何能稱揚盛典謹按郡人所為私心竊議乎公者
而公之治銅與民之戴公亦約略可思矣爰采輯書之卷軸以塵於公公行矣屠官之樂何如林下銅之民
誠無福依宇下如赤子無能為也瞻念之而已矣

銅江唱和序集 補遺

徐如蘭

黔省屬牂牁之郡山仁在楚蜀之間風景依稀煙光縹緲有山有水堪入畫圖一草一花足供詩料惟念地
靈之久鬱必需提唱之有人惟我廉階先生攝篆來茲宿符蒞止賢聲夙著訟牒多問五馬鞭絲每行春而
按部一篝燈影輒徹曉以忘眠為搆新思以光斯地所慮慮或孤行人非同好聯吟既少索和無多茲者謁
林鄭公竹香戴叟劉醉侯為諸侯之上客姚秋士實佳士之清才又有鑑湖逸人桂林華胃才較高於羣輩

蒼萃在於一時極目騁懷揮毫落紙一十二景景景有詩五六七八九人人人能賦自發未之殘臘迄甲申之暮
春花信探尋二十四番剛過錦箋稠疊百七十首而贏謝學本荒蕪年尤老朽自註歸田之賦敢勞問字之
車迺不棄硯硯見拔珠玉由是步趨原韻因而就正方家正疑白壁之陳或慮青蠅之玷不謂招來局外
並教得廁集中微俾何知慚惶滋甚莫輕良辰美景最難逢賢主嘉賓今特梗泛萍飄除我盡他鄉之客
異日風流雲散對此儼接席之談聊述短章用誌溪山之幸更期後會重添唱和之篇

修蓮池洞口振海觀音大士金像序補遺

徐閣

余嘗考稽釋典知佛生于殷末竟成于周初太宰嚭問孔子孰爲聖人子曰西方有聖人不治而不亂不言
而不信不化而不行蕩蕩乎民無能言焉自周千餘年至漢明帝夢金人丈二飛空而下殿廷問之羣臣傳
毅奏對聞天竺有二人號曰佛輕舉能化身有日光所夢得無是乎帝乃遣蔡愔等十八人詣天竺求其道
得其書圖其形及沙門摩騰至京師由是化流中夏數千年人心皈向堅不可移亦已久矣雖其道與吾儒
帝二五之授受有異然處舜以大孝而極尊富享保之榮牟尼以至孝而證大乘無上之果始藏以孝而
救母拔苦海而恩推編頌大士以孝而救父度慈航而德遍羣生其即吾儒由親親而仁民仁民而愛物之
由本及末歟至于舍己利人博施濟衆破人慳吝誘人爲善皆佛願力所宏欲使大千世界無一失所不亦
與一帝二王養欲給求一視同仁之道異派而同源也哉况夫若觀音大士者慈悲憫世恆思超化萬劫普
渡衆生故心願見聞身化萬億凡諸有情有求必應險者能使之平危者即予以安不惜千手千眼以援救
之其奈萬劫之險阨日滋大士之慈悲難備遂亘古千秋以菩薩身說法而未有紀極也如湖之蓮池嗣哈
壁十尋奇峯百疊鑿於鴻蒙太始闢自鬼斧神工一勺靈泉不竭久爲神龍淵藪嚮在往代未開此山
間雷雨驟驟至溪濤洶湧居人莫測其由逮康熙丁酉歲無相上人探巖壑之幽深愛靈泉之奇異用開此
山建閣石厂修靜牛餘一日有神物出遊池中紅冠禿尾長可丈許上人拈香禮之祝以同修證境勿損名
山因窺池峽邃深杳不可測度後或破壁飛去恐不免變谷變遷也爰於石厂前樓奉牟尼像以鎮斯山塑
南海觀音大士像於洞口以防其患嗣於壬寅夏夜上人復夢神物化身揖而請辭覺後果陰黑竟日及晚
風雨大作池漲泛溢上人焚香祝語陰爲物色鬼神物縮小如蚓隨笕水蜿蜒流出甫畢巖口頃刻迅雷疾

電波捲濤翻雲作雨而去山樓殿閣毫無崩墜里人爭傳其事以聞於郡太守及諸當事咸嘖嘖異之使非牟尼莫安此山大士捍衛洞口烏知不有滄桑之歎歟迨後無相逝而大模繼起大模往而琴川以癸巳住錫此山明年甲午四月八日之夜雷電交作如前第覺四壁巖壑呼吸震動令人駭絕及四更時復有物隨寬水而出較壬寅年威勢尤烈平明始息視崖厂殿閣屹立尤昔此四十餘年再見之異也不知此中神物是一是兩奇幻莫可思議厥後竟杳然矣豈蛟龍之族固窟藏于斯耶不然何靈贖之多也而要非佛力之呵護維持不至此惟舊制以大士像安置洞口匪獨靈境暗蔽臺基偪狹抑且巖乳溼侵法身剝蝕久將朽落不堪縱佛性長存佛慈永昭而金剛體壞色相失真其何以肅人心而崇瞻視住持已於上年募結衆緣修建捲棚于洞前安奉大士金容上不掩蔽池光下可崇高法座甚盛舉也第大廈非一木能支美裘乃羣腋所集因籌簿乞予言以告善衆余思前序謬爲諸檀越許可何敢再以不文之言饒舌瀆聽然幸我銅郡數年豐稔人樂佈施必不鄙余言之紕繆而勦茲盛舉有更甚於從前者是爲序

南北喻氏昭穆序補遺

宋程大昌

譜牒者家之序也宗者所以序昭穆也左爲昭右爲穆昭爲大宗穆爲小宗喻氏自宋之南渡有南宗北宗之分宗爲禰以繼其祖祖以繼其曾曾以繼其高是故家序之世派乘而爲百世之眺也或者曰君子之澤五世而斬然不知皇王之澤以地繼姓以氏紀官蓋民之初生瓜瓞不知其幾綿綿矣魯祚不知其幾繩繩矣詩曰無忝爾祖又曰無忝爾所生又曰言念爾祖聿修厥德孔子曰宗廟致敬不忘先也孟子曰親其親長其長是故尊祖敬宗親親長長皆良心真切之發見而爲仁義之所從出修德之管也人皆知有其親而不知有其祖等而上之而能知其祖其所自出者否也若是則不惟忝乎其祖而亦忝乎其所以生非修德者也

程大昌休道人曾官吏部尙書

進忠錄序補遺

明胡卒運

司馬遷曰人誰無一死死或重於泰山或輕於鴻毛此固人死生之大凡也使泰山鴻毛之數別將積項黃臧者死牖下者爲得天之全可乎先祿賜君讒真筑仁人也出守灤河值敵人入犯勢甚猖沿邊守者望風屈膝不知凡幾而公獨孑然抗節秣馬增障捐精賣錯以待凡數閱力窮城陷遂以身殉死之日援

筆賦詩以見已志噫古云慷慨赴死易從容就義難若公者其少愧乎事定之後直指具狀以聞晉秩錫廩崇祀榮享邑人爭歌詠其事以爲俗訓時余按部黔雅聞其事而未獲登公之堂也公之季弟煜以文行聞且交頌於郡邑然凜以儼室自嚴不獲見余強而致也庭謁之際不暇他及首以公之行狀進日以序請余不能文而頗慕烈義不敢辭余思夫天地之間一氣而已矣得氣之正者爲人其正之全者爲聖爲彥其氣之正且全浩然塞兩間則爲節爲義爲忠爲孝然而盈天地皆人上下古今數千餘載其爲聖彥爲忠孝節義不少概見見其爲節義死忠死孝尤若求寸璧於珉珉之中搜馨芷於蕭艾之內歷百禩而不一遇也蓋人之死生亦大矣居恆拔一毛損一甲卽改容變色至刀斧撼其胸鼎鑊逼其側而甘之若飴此豈無所得而然乎同一含齒戴髮員頂方足而偷生者視顏者浪浪無聞藉項膏馘者比比而是而彼獨卓然如羣驚之孤鶴叢棘之衆草夫豈猶人之所得而然乎此其義於尼山之殺身成仁子輿之舍生取義而龍逢比干輩則具其氣而變用之其最烈者惟睢陽常山文陸諸君子一腔熱血照耀史冊令聞之者懦夫欲舞頌之者千古而見而楊公殆其儔乎嘗慨小醜跳梁流氛煽爍豈翳寶強母亦守土者縮頸咋舌寒膽慄股未有出壯心烈氣爲之死綏抱鼓以曠星又師設如公者不令之死事而令之固圍天下事豈真羣束手也乎余職司采風凡境內忠孝節烈義得瞻仰而挹睹之乃惜未登公堂謁公龕余實滋懼而獲披茲錄悉公梗概且副一言以見志焉余厚幸矣公弟熒以孝友著於鄉日文采蜚靡慷慨激烈有公餘風夫一以忠節見一以孝友聞一以死扞圍一以生許國公之家其正氣全氣所鍾乎時余東裝海溪日無暇晷篝燈掃毫工不工不文亦聊以調俗也詩曰心乎愛矣遐不謂矣中心藏之何日忘之余之謂也時崇禎丙子歲孟秋望前一日巡按貴州監察御史前翰林院庶吉士嶺南某謹書

旌忠錄後序補遺

明孔貞節

嘗聞忠者民之望也人臣竭股肱之力加之以忠貞其濟君之靈也不濟以死繼之則溧州守李我生是也我生文章方駕作者上盟壇坫其令宜章令淳化守蘭州嶺而守溧州法不貲而親令不苛而事核所在皆著循聲亡何己已冬邊警事起我生擐甲枕戈登車堅守者凡三月未幾城破永平諸邑皆墮風鼠竄而入固志適生內顧我生曰我一腔熱血灑此矣衣冠向闕再拜作詩自刎而死其詩句有云忠肝應不滅壯

志敢偷上倚與卽常山雖滿不是過也夫家士幾百年而食報於臣子如我生者能幾人哉夫忠精之氣上貫霄漢必燦爲列星流爲風霆散爲卿雲凝爲瑞露若是則我生雖死而謂之不死可也祀典云以死勤事則祀之慨曰強顏難死節諸臣自山右三忠之後已已知鄭國昌張鳳奇何天球羅成功李獻明徐澤而我生最著丙子則又有巡關王公肇坤餉司王公一柱別駕王禹佐輩安得津潤合祀於郟城俾令枝翠旗霓旌雲珮日往來于葢轂之間以翊衛宗社且使入臣知死忠者百年之後藻芹猶香而人人顧惜靡恥必無難苟免之事其曷維于經常考多也我生弟煜以兄死事卹典及名流贈善藥爲旌忠錄問序於余余與生有一日之知而弟煜又余北雍所拔士論其孝友廉潔且腹笥淵富詩賦風雅此刻不忍死其兄亦義舉也因題數語付我生家賢名時傳之賜進士及第柱國光祿大夫太子太保禮部尚書兼文淵閣大學士總裁國史玉牒同知制誥起居注日講江左諸撰

附忠烈事實疏

編煜

崇禎三年春王正月朔日灤州守楊燧死節於時文吏狗土或毒或絀僅畿東數人而灤人夫手劍自成人人詫異急稱曰忠烈也烈徧傳郡國無不曰忠烈楊公而忠烈之稱遂若謚不肖煜亦得稱曰忠烈兄云雖伯兄身死綱常易名之典宜請於朝迺有待焉第懿行顛末綴辭者未之或述也昔季禽沒門人欲誅之其妻曰二子不如妾之知夫子之深也遂誅之夫知夫者妻則知兄者宜莫如弟矣因爲之疏以入家乘蓋古紀事有疏謂其質直少文也伯兄諱燧字汝元號我生大人早艱嗣訪玄禮斗以求續督誕兄之歲母熊夢黃龍繞柱圍果一帶雙寶庭階碩兆九已知其不偶矣生而穎異目所過五行能了凡應試試愈困志愈堅人人業儒不售寄攻苦志于兄誅讀丙夜不寢母以緝繡佐焉大人每謂曰吾族世居華陰後徙太原自令公以武功禦河東先廣惠奉朱勅征南蠻著績欽拔爵士世守嗣仁至今枝繁族盛封爵汰削非復祖宗之舊矣惟是清白忠貞先代所貽只此四字兒輩識之他日受用不盡也兄以義經中已酉試教上春官不第爲二人養出宰宜廉爲政寬嚴有體講約勤政息訟邑有庭空草具之語時湖以南苦旱齋宿禱禱不應兄持香與城隍誓曰某與神約期再三日神不力請雨於上帝某執斧碎神像神若有靈獨譴邑宰神若無靈棄壇拈至三日果滂沱徧邑屬人謂宰誠所感衡邑隍學院韓康

契漢陽周家宰諱嘉謨美其事爲之播傳備載靈甫兩篇時東粵徐公諱兆魁臺楚殿最守令註兄上考兄晉謁以遮陽贈曰期爾異時亦如本院其愛重如此循聲正慰丁先慈艱還里宜人立祠尸祝後邑火延燬民爲鼎建嗣補淳化淳則秦之罷邑也其吏徵雖不前甫受事旋解印去兄到部多所撫綸于兩造鞠平時謂民曰以爾贖錢償爾積逋爾民兩相勸勉上以頑梗目爾邑幸獨其吏耶淳民因相率輸將令獲道參罰者清德之軀移多也武進學憲鄒公諱嘉生前守西安謂人曰吾擁三十七城才守如錫淳化指不多屈鄒公喜謀士鄒邑試藝每較閱謂兄具眼甲子量移蘭州蘭爲三邊孔道民苦遞驛田畝鬻軍衛氏僅十有三而軍衛不肯代民差民日罷兄爲調停故蕭蕭不得徧覆軍衛而民困遞驛遞站價額數之外復有會省協濟贖日津貼年來乾沒道府以下相沿爲列膏潤之餘僅給二二積年夫馬頭耳兄知其弊蒞任詳兩臺請革漏規均派驛遞已與當道相左矣州近邊時有警報兄嚴保甲卽土紳亦輪次守城不無怨望道繆謂兄勞民兄曰士紳各有身家借債僮僕原非已甚州有銅廠閉久矣開之禍民道府利欲開兄堅欲閉愈銜之孤子一身人人謂兄官拙也兄恬不顧惟嘆曰曩謁天官與姑蘇陳公明卿諱仁錫進賢傳公奇庵諱冠同中丙辰銓選兩公膺增籍後竟偕捷鼎甲望重史館若我羨急升斗致落俗更坑塹今思兩公天際矣衙署嘯歌賦詩遊戲日進諸生張略朱長治段應萬輩課藝而事上之節益疎上益怒於庭揖時借事呵斥兄面質曰清姑價以遞驛遞嚴城守以備邊防皆本州職分應爲至若銅山久閉難開承奉事多疎節如此罪過迺煩盛怒乎拂衣而出監司失色因以浮躁申祭兄上十難十不利條款徧詳總督撫按三請告養杜門一月士民軍衛走西安走寧夏走固原匍赴泣留兩臺司道各發檄慰留制臺李公諱從心下反牘曰十難十不利誠如詳鑿鑿偉績真可見之施行者有何避忌乎利器以盤根錯節而見邊地倚重其安心供職願養爲小顯揚爲大要當奉覆畫而歸可耳此非可歸之時也兄恣李公知遇勉心視事值學院蔣公諱允儀巡蘭忌者猶府怨甘心焉蔣公曰無論其宅卽捐修葺廠具見愛士愛民先是學臺調考跋踈供饋士民苦之兄爲構修廠以便考試士民稱利兄在獨僅年餘而除害血心滋上譖譴噫嘻不獲上而治固古守吏所難也傷哉將報奏大人計音至矣甫離而舍沙者謀以計典中兄幸學院袁公諱鯨按河西凡守令涇渭密有稽覆不輕寄耳目中者計格不行嗟嗟

貴竹孤蹤越在苦塊兄何以得此于袁公乎大都兄所歷州縣皆難治之地難與之人兄惟以清貞力砥狂流讀禮家居哀毀過安豐而至性孝友內外無間容止溫溫如玉人相接如飲醕所餘膏俸分贍昆季親族而已棄如洗弗計也性嗜花手自種蒔友有佳石甚鉅兄爲請置庭園日相陪對燈贊有曰石與主人忘言得意但愛奇如米芾而無其顧好古如又恭而無其癖耳遠心虛中羨茗焚香自樂靈聯曰身似鏡花宄家因好事貧燈曰可易以官因却贖貧兄笑曰清畏人知子欲人知耶年四旬有七殯无嫂吳遂構生墟于壩灌榮前警兆命燈題曰立廬兄喜曰吾生不能與子雲草立經死當與王弼譚玄理不虛快乎願其內室曰寂居燈曰此唐姚崇所自題壽藏也八柱承天事業行將比崇始礪石待燕公未晚也擴竣于中飲酒賦詩有司空圖意俗以爲諱兄曠達自若燈徐世曰生死一致富貴浮貴兄大逍遙矣第蓼莪在念魏闕情兄能無嗚乎兄曰吾寤寐弗諼有如弟言相對泣下故兄之勉出而肯補灤州者切切爲君父恩未報也灤爲左輔劇州兄加意撫綏首草義耗不但輕減第自邊變來先任州官前後透支錢糧萬三千有奇而正支正解反成積逋兄爲徹底清楚而當事者議欲加派地畝兄謂恫爾儉民忍言加派惟於灤七二驛車馬扛夫並衙門各役工食設法撙省移緩就急而元二年本州俸薪等銀俱盡捐出以作抵補如此既不加派小民又不虛匱願額行之二年夙透完矣詳上撫院此天下民力竭矣孰有嘔心拮据肯捐俸完公如該州者乎即此一事便堪循良矣如法遵行按察陳拙灤州透支銀以萬計該州設法撙省減扣而又捐俸兩年以補前透所不足十年所不結之局完之二載倘令前守盡若是安至灤觴以累今日乎應行紀錄以示激勸刊錄成書經略高公序略曰透支銀兩向欲加派于民公蹙然曰灤之民力竭矣尙忍加派乎于是不得已爲撙節調停之計且捐俸抵補籌畫多方蓋公不忍以加派累民亦不使缺額無補其苦心熱腸即古循良奚讓卓異之政此政其先聲哉灤屬偏山產鉛商居奇貨而關門遠化遠取別境價值不貲兄爲具詳督撫略云火器之需惟鉛是賴鼓鑄之需亦惟鉛是賴查偏山一帶橫直二里延袤五里地僅彈丸而鉛其淵藪也今以本地方之人開本地方之山與本地方之利蓋地主不用買山錢其便一募夫不用招境外其便二同類不致雜匪人其便三共濟不致滋紛爭其便四守望不致憂叵測其便五且逐末多而生聚衆其便六趨事勤而遊惰奮其便七以一百二十工計算

總得入官鉛七萬七千觔有奇其計工授食六分之鉛每日每人得鉛十觔有奇合一百二十名共得鉛一千二百斤有奇不試私賣每熟鉛給價四分又約一季總計變價鉛一十一萬六千一百斤應發價四千六百餘兩以每季初發價即以每季終銷算庶幾日食有資山中所有歸之山中公府所需輸之公府耳要以此中會心得力號必官居其功錙銖不得下侵而民惟見德民收其利膚髮不惜上用而官足市恩矣查天啓六年內工部報商每鉛一觔作價六分今止四分耳况又益以每日每人入官鉛耶總而計之每季只費鉛價夫脚價共銀五千八百餘兩應解到關門運化鉛一十九萬三千六百斤每斤只費銀三分此孰盈孰縮可悉數也於以佐車需充國用或者其在斯乎詳上督院批劃畫公私制劑利物與夫至之行之分之用之着着合宜等等有法一篇治安論食物志勿作文移看該州有體有用學問於此窺一斑矣如議急行之據臺陳勸詳開採錫山鉛礦條圖詳悉收其利而去其害真可佐邊籌一籌矣永平府疆批火器戰勝之長技也東西用武需鉛不實價於今三倍住昔該州加意邊事精心籌算取山內之產濟軍中之乏而且開民間之利一舉而三善備矣至條畫詳當的可施行無剩議也崇禎二年三月內督院奏內一款云臣督屬灤州州臣楊燾採鉛濟邊據詳每歲得鉛數十萬斤比買價半倍但以爲黑鉛止可彈子不可點鋼然彈子之用更急也緣此言之則產鉛不獨灤州如廣東連山英德廣西武宣俱產優鉛宜於鼓鑄者彼中據按司道急公應自先臣而有司中如楊燾者有能倣其法以開採者乎其守令開採有功行取優擢以爲急公者勸云云不肖因嘆如灤產鉛伯兄偶出心計遂每歲解鉛數十萬而價值較往便宜五千七百有奇前此徒飽商棄也兄曾謂煜曰作邊吏須從邊關起見於大利害處着實與朝庭與當事焦勞籌算自有一番經濟出東政事之暇即坐借枝園中嘿想關外情形忽有所得或有所聞即具手奏星夜馳獻當事當事謂兄芻豆征解不爽已見急公兄種種經畫切中邊防欲以邊道題陞若俾尙淺時按臺陳公諱睿謨關臺王公諱會圖屯臺羅公諱元賓俱蒙薦剡紀錄而相國錢公諱龍錫都憲易公諱應昌左省傅公諱朝佑惠翁奕書官詹孔公諱貞運賜詩褒美焉伯兄一片熱腸祗意遠隔恢復與有榮施耳寧知邊警興於崇禎二年十月念九日率衆內犯千里震驚畿東郡邑望風瓦解兄與士紳盟血誓以圖恩勉以忠義整備器械號召漢民日夜巡守堅壁敢不就近遂繇玉田直至通州兩

月中祿甲枕戈捍禦之苦心方俱竭至蠟月初七午刻始得京城捷報兄差人往都致書叔岳劉司城
云十月念九驚怖邊報我夫妻子女只以一死誓斷無再生日矣兩月以來會衆死守眼不乾淚食不下
咽寢不貼席日夜防守惟恐失我朝廷封疆傷哉傷哉守茲土者欲爲治世犬也得乎哉幸接大捷報仰
賴天王聖明延祚無疆竟使片甲不遺隻輪不返真我兵從來未有之捷伐也豈非天厭其惡陰使之自
薄都城下甘爲釜魚凡肉耶閣衛妻奴又博萬死于一生自何日敢忘天地生全祖宗庇佑功德也岳翁
歲下肯過署借杯酒以洗甲兵乎云云不意蠟月除邊兵轉攻永平三年正月初四日府城遂破本州
士民驚愕披靡無復固志伯兄持守益堅然竊竊者強半矣兄迺喚集捕快百餘名厚賞盟誓曰我等爲
國死守疆土萬不肯降固圍不得只有一死至望六日州人吳三鳳自永平傳飛報來云金王發兵五萬
復往良鄉勢如破竹處處投降本府官民俱已歸順隨有本府逆生四人查招降僞詔前至深誠兄聞怒
髮上指于城上傳諭逆王不許放進武生李際春徐汝德等公然糾衆削髮請降舉前廳書捕快不復爲
兄弟矣期七日兄使劍語姪名世曰事勢至此即欲如前率衆不爲我事矣即欲如前募衆不爲事矣
法令不行恩義難結或可以一死勸衆乎迺呼州同張萬壽更目何之鳳與鄉官陳三緯上堂兄整衣冠
向北拜曰慶朝塊土小臣死守三月奈降者逃者難以義激廉不屈今以一死報國因取印交萬壽曰衆
等曰汝等受國厚恩母爲不義違吳萬古書寫詩云外侮橫臨日惟憤執節誠忠肝腹不滅壯志敢偷
生詎謂身家重寶甘社殺輕邊關將吏何以報吾明又書遺言一擲擲筆拔劍自刎而亡遺書噴血滿
紙固述者時者所不忍讀也嫂劉氏見兄刎死于內層取繩自縊兄女八齡見母縊亦縊家婦救解俱不
得死嫂泣謂世曰我生長劉門三烈之門必與爾父同死言已取繩復縊世泣稟母曰父爲綱常而
死世雖不肯肯忍獨生所不即死者欲扶父親以遂首丘母如自盡爾極難扶世亦必死長兄名時在場
聞此惡耗亦難獨存雖我一家死難見者何惟痛父忠義使吾等何能生爾等所不忍時大兵
圍境無從從扶傷者兄收傷者有德焉降叛人尙有故主之思相率擁護十里許放圍
家得以脫離虎口復幸開平春元公諱養壽重兄節烈家兵乘機一略護送重至田家莊
丘公諱承嘉遣官兵營送天津使兄樞得以南還者二公力也姪世燭語煜曰北平初失降者百計相

謂大勢已定死無用矣父執不聽報人與三鳳亦誘世曰富貴可圖何必故鄉世溫語對之向預父子見
定安有今日時世年未弱冠也嗟乎嗟乎兄以孤身驅久疲之市民捍方張之烈焰及至勢力不支決不
以此軀辱他人手竟棄幼婦孤兒以死其守城之苦殉節之苦雖九廟實式靈之向使人盡如兄前無斬
關者爲之倡後無削髮者爲之應則我兄不死灤土不失何至慘傷如此也嗟嗟越寇齊境雍門雋請死
王曰金鼓未接而死何也對曰昔車右爲先君御車轂鳴而車右自殺今越寇齊境甚於轂鳴也安得不
死乎逢仗劍而死越聞齊有烈士遂退夫堂堂守臣寧出齊土下卽敵國方張知灤猶有烈士不愈于金
紫而披髮左衽者乎昔易雄爲春陵令聞王敦作逆雄持檄列敦罪過後敦收雄以檄示焉雄曰有之惜
雄位微力弱不能匡扶國難今日卽戮得爲忠鬼迺其願也嗚呼兄願遂矣死何憾哉禮科給諫盧公諱
兆龍家宰閔公諱世學宗伯李公諱騰芳先後疏題一時死節諸臣國昌張鳳奇何天球羅成功李獻明
徐澤及兄瘞教聖旨遣死難各官忠義可尙張鳳奇贈光祿寺卿湯燦何天球各贈光祿寺少卿羅成功
徐澤各贈光祿寺寺丞乃各廢一子入監讀書而兄名次反在何羅諸公先且贈爵與羅徐有差此又異
數也大同空曹公諱珍屯田司增公諱料元題疏奉聖旨楊燦羅成功准各與祭一壇造墳安葬又巡按
直隸張公諱學周具題永平府准官羅成功灤州知州楊燦各死難卹典復奉司空曹公具題看得灤州
知州楊燦命叨一邑發激千秋方邊陲之甯息未幾值外敵之勢是燦方畏懼兇鋒而赤心無改登鬼錄
而正氣自存欲表孤忠巨靈典奉明旨頒給造墳工料銀二百兩夫匠一百名每名給銀一兩其該給
銀三百兩各該布政司委堂上有一員前去墳所依式督理完日將給過銀兩數目造冊奏繳崇禎六年
內督臺朱公諱燮元臺梁公諱炳輝邵伯藩圻王公諱台產山陰朱公諱啓元先後奉文遵旨辦理
鳩工查前生塋湫隘迺命堪輿十兆卜存城南熊家屯杆壬山丙向行委經募曩君九制督修於崇禎
七年四月初二吉日道符祖奠藏玉墓隧輝煌炤耀山岳矣天子之聖徵臣之節從此千古矣先皇灤
建有忠祠已經入祀名宦本年七月內安臺劉公諱士禎巡銅鑼關郡公舉牌行署學憲楊公森擇元
月望八日崇祀鄉賢諭旨明興文臣袁諭者僅曾定衛右通政趙公侃賞賜府副都御史公節其祭
祭並賜香僅赤水衝大僕卿張公孟弼清平縣工部尙書孫文恭應龍至以節烈著聞特賜葬祭履沐

恩則惟兄一人卹典下頌之。煜以勺水奠兄曰報君報親如兄者盡矣兄於地典費志令不十倍
衰乎向使兄爲和敵師臣媚敵師相卽身都罪爾遺臭尋親萬禩而下且謂誰氏子也雖兄年不中身大
業未竟而丈夫出世舍忠與孝復有何業人壽百年易盡百年而後回視碌碌偷生者孰不朽孰朽哉或
曰子川伯子以今茲乎煜曰愚知兄知夙昔也下帷時與兄逃覽古昔兄見某某忠則喜見某某奸則
怒此固愛舜真性也安有身處其地而甘以不肖爲後人怒罵者乎兄初與從叔借寓從兄柱史署中
時疏夢某樞要人閱其疏掉舌兄慙息曰士爲鳴鳳母爲寒蟬疏竟上權貴側目從叔歸謂大人曰兄子
大有氣節且年少識老又在朝久意當路有進曰某樞要力能成敗人倚之可致通顯兄曰成敗繇人卽
泰山視等冰山耳言者色沮夫不受辱貪婪而必乞休與不受辱而必致命前後念匪二也灤署近日樓
成兄詩有寸心許國奠于盤固已情見乎辭矣夫夷齊不以淑媛感激正則不以女嬃改操非素潔樹
立能乎大都士宦人守潔者性貞守潔自無異物可戀性貞惟有道義關心故無伯夷之清謂有伯夷之
節吾不信也見危授命之豪傑甯待見危授命之日知乎則知兄者不必弟在鄉而鄉之人知令宜宜之
人知令淳淳之人知牧蘭蘭之人知牧灤而灤之人知之也人於是嘆曰楊君以節烈著剛從野公之世
澤長與譽宇公訓誠豫云從野惡人父諱衝大人諱維芳譽宇其號也其伯兄生平知遇前未悉載如嘉
定伯崗公諱奎大宗伯王公諱祚遠馬公諱之騏驎督楊公諱鶴楊公諱嗣昌王公諱尊德熊公諱文燦
中丞熊公諱尚文給諫胡公諱永順臺諫副公諱廷曾銓部楊公諱廷詔都督樂公諱應祥方伯劉公諱
觀光潘公諱潤民督學楊公諱師孔憲副歐陽公諱行郡侯吳公諱廷禎至奉常陳公諱伯友計部丘公
諱雲驛司李公諱賽中則兄已酉座師總督司馬傅公諱宗龍給諫楊公諱棟朝銓部劉公諱上選學院
楊公諱宇東萊郡伯朱公諱萬則兄已酉同籍並因銓次以示子姓季弟某謹疏

按忠烈楊公諱灤爲明萬歷己酉舉人守涿州孤城力盡自刎炳然大節照耀千秋奮志僅選舉梅賈中
載其名並無專傳殉難事實均失考通志止云任涿州知州殉難贈光祿寺少卿餘亦從略此次纂輯前
志余周咨博采于徐蔡文集中有公一小傳稍悉梗概然亦不詳因爲增潤編入列傳迨志役將畢忽動
侯楊君相過以一卷見示謂得之忠烈後裔題曰旌忠錄其家先代相傳珍藏勿輕示人故從前兩次修

志未經採入余受而讀之覺楊公英光浩氣如在目前且統編生平學術治績有體有用直是聖賢中人
僅以豪傑目之猶淺之乎論忠烈也今其後裔夷爲編氓久矣此卷湮而不傳二百餘年之久必鬱至今
日始一旦昭然豁露豈顯晦固有時耶小子何幸得躬與修志之事爲忠烈公謬贊一詞亦足豪矣所恨
者公爲吾郡第一偉人其死節爲吾郡第一偉烈乃以得之稍晚不獲冠于卷首以爲光寵于心快快茲
采旌忠序二篇補遺于藝文中其事實卽附序後庶與列傳相爲印證甯失之詳毋失之略發微闡幽理
固然也喻勳附記

萬氏重修族譜序

喻勳

論者謂家之有譜猶國之有史不知其理雖近而其事則殊史所以紀興衰治亂將使後之覽者心焉識之
以爲某也賢某也惡某也賢而治某也惡而亂而用是相爲警惕勉其所當爲以戒其所不可爲此史之所
繫匪淺也至於譜不過次明穆別親疏明世系重宗祊而已他何關焉蓋其事固與史殊也雖然祖宗有明
德孫曾不勝紹述之心父兄多遺行子弟難掩幽厲之贖則譜與史其理原有相近者又况子長史記兼採
世家孟堅漢書並登列傳則史且有資於譜而譜之不可廢又豈第取重於一家一族已哉然吾竊見夫今
之爲譜者矣不問其世系之何如第見有名位顯赫者雖惡且疏不妨引而親之有身世單寒者雖賢且親
不妨疏而遠之其不致貽宗祊羞而素昭穆序者幾何矣是不獨非修譜之意且亦大背作史之首吾友淮
川萬君績學有年老博一衿而志恆鬱鬱然其教品立行篤於風義非希榮慕寵者比也余偶與之談及譜
史異同萬君曰此固鄙人居恆感慨炎涼章中所嘗語也君何言之親切乃爾我萬氏自前明居銅代有幾
人而譜之廢而不講數十年於茲矣今將有重修之舉又適得子發聾振聵之言有可爲攀援勢利重誣其
族者作一棒喝是不僅可爲萬氏子孫警惕也而亦未嘗不可以警惕我萬氏子孫矣請卽以是言爲之序
可乎余曰唯唯用書之以弁於譜端將使爲子孫者覽之有以知所勸懲而不致汨沒于勢利則雖謂家譜
作國史觀焉亦無不可

虹橋書屋雜著序

喻勳

唐宋以前未始有古文之名古文者對應制之文亦言非自有文字來卽別懸古文爲一途也唐宋試士有

專科而遂專有廢制之文昌黎韓公嫉制科文卑弱弗派思有以挽其衰爰自爲文以別之而古文之名同
時相切劇者爲柳其後承以歐陽永叔王曾三蘇爲之羽翼而古文乃益盛逮制明復以四書入試取
士謂之時文學者沈溺于中古古文愈遠矣由是談古文者創爲體例以爲非是則不得與於古文袁闥齋
先生謂古文中着不得一切綺語諧語排偶語詞賦語理學佛老語考據計疏寒暄應酬語是爲一弊然文
章盛稱兩漢吾不知兩漢諸賢當臨文時亦有所謂古文之體例與十弊否使一操筆而即在在懸例禁於
意中是以作文爲桎梏又安能發揮性靈自抒心得而獨往獨來於千古耶愚謂作文一事當以讀爲立品
爲先讀書多則聞見博立品潔則志趣超聞見博吐詞自然雅馴志趣超命意不落凡庸有一分根柢自有
一分英華有千秋行詣自有千秋著作使二者皆不足而日斤斤焉以爲吾得古文不傳之祕是亦有人結
習未除豈遽足爲定論乎况簡齋所言十弊卽持以衡秦漢及唐宋八家之文果能胥免於是耶文一不
於是卽亦不得謂之古文耶不知古文二字最後人自爲界畫而昔賢則根柢行詣不可企及有時發而爲
文但覺浩浩落落行乎不得行止乎不得不止耳而他何計焉雖然自立法垂教而論圍應嚴厥體例若深
藏其稿留以存一己之真而道生平之素將直寫胸臆達其所見雖前無古人後無來者可也更何間有所
謂體例與十弊者哉余八歲就外傳十二歲應童子試受知於廉譜王公蓋以名翰林來守吾郡者也其是
頗自奮十五歲入泮後日隨兩兄學爲舉業然非所好獨於詩古文詞有深嗜旋以軍興停科控擲戎幕
十年雖飛書馳檄不外筆墨生涯而隨手應付何足言文丁卯奉諱歸里爲不獲親視先慈舍歎焉俱
灰矣及吾營軍事告竣復擊瘴試因追念慈闈昔年屬望科名之懷慨然重握鉛槧取少時所業者書之
之詎知文與命仇升沈有定五叨房薦兩陪賓選而故我依然每謂生不能養殞無以策將何所託而傳我
先慈有子得以稍慰於九原也惟頻年來青氈坐冷除所爲時文外亦嘗從事於散體卽云無當大
書經世之志立於行之心往往因以自見爰檢若干篇爲彙抄之用俟世有知者憫其所遇之
根柢行詣或禁從而歎曰此調不彈久矣微喻氏子吾誰與歸是則欲求所以慰先慈者得
於科名而稍得於著述歟區區之心竊冀此爾塗簽其稿雜著云者蓋不敢附於古文之末而與
爭毫芒於十弊我行我法惟閱者諒之而已時光緒丁亥孟秋虬橋主人自序

銅仁府志卷之十七

藝文 記 紀事

明 記

銅仁府題名碑記

魏文相

寰宇皆郡也郡皆天民也剖符錫命郡各置守作天牧以風四方吾遠邇小大美殊焉貴州古鬼國之城距京師萬里西南荒裔也銅仁郡一明興始建百亦全設後以簡裁去同知通判知事照磨檢校等官其地僻居萬山中林箐岑峴劍鋒指攢苦霧瘴氛時忽昏翳不免豺虎蛇虫之虞領是郡者拜命率快不快不憚其遐且小即疑其猶惡難馴惟近來大改圖矣間有瘴厥者日悵悵然冀轉糧始弗屑理無異秦人視越人之肥瘠信如是則銅仁似不必憂亦無庸置守任其泯泯焚焚互相魚肉而已天子惠養元元而資二千石共理果若是乎哉夫守之於民師也義則師也愛而親之則父若母也父母師師不可以遐小猶惡待子弟也以遐小猶惡待子弟則煦息之仁作新之義子弟於父母師帥奚情異尚祇以我之先得者應之竟為異局矣傳曰先事之不忘後事之補也現首雷陽千秋墮淚蒼鷹乳犬口雌黑金可鑠石可泐而否臧在人心者不化是題石非徒衣職官亦以昭官箴使守土之吏惕然思懼炯然法戒不越此已矧自長陵改紀置郡於黔之東徼初全設尋裁一守一推蘇司六附郭政流自近年始合幅幘不當中州一縣而田廬東南鎮落也談治者率易言之不知犬羊出沒蹂我黎元則緩懷難瘡痍未起膏脂幾竭則租庸難簡陋襲故弊孔叢張則振刷難民雜軍士地逼川湖則程督難倚此諸難是以展采不易莫觀成堯况典城遐方卸冰壺霜鏡不上聞上聞詎盡登進自非卓有定見成敗不搖者罕有固志吾輩幼學何事除伏再懷而爾爾前守如王公恕李全資坤勞公周相輩夫非郡長老所傳述治行者耶乃其人不數數見如龜毛鳳影然不可盡咎於下修而上不應矣銅舊有題名而郡守之次盈因謀於連城譚雲更置一石揭以不文之詞

銅仁總兵府題名碑記

譚敬承

題名記者記後先同寅之姓字也自昔英雄輩起於草莽間龍蒸虎變樹勳底績如雲臺嶽閣 標者或書

其氏或書其官又或書其籍與功載在竹帛垂之景鐘率皆以其共濟艱危戮力王事雖時有先後而各題則一按貴筑古牂牁靡莫地也谿洞箐谷藂蒼紛糾南接滇雲北連楚海右抵永播烏芒而聯絡東巴左顧南丹泗城而直逼西粵蠻酋各據一方世為邊患國初門創建總鎮督府於省會特遣勳爵重臣守之兼提督湖川西邑平清等處地方權統三藩轄在臨路若副參守將將領俱聽節制百餘年邊徼寧謐瘴癘潛消而四郊無虞黔南安枕矣此銅仁舊設參將自石公邦憲討平銅而於嘉靖中晉秩都督移鎮此郡嗣來郡醜聞發聲息屢聞遂以銅為幕府而省署往來為行館銅去省僅七百里孤懸萬山中自石公剖符後代鎮者如安公大朝以及郭公威賢豪八九作或以武功立祀而尸祝焉或以智勇底績而立名焉或以廉約自守而鎮靜焉各先聲稱碑滿人口當時有一留心於此而鑄諸片石今則與銅柱並永矣豈泯然無聞乎承叨躡後塵細懷勞勩謂後先諸公不宜寂無所攷著此亦遊宦者之缺典也迺借磨一碣於堂西側將次第登之後之視今亦猶今之視昔蓋一律也豈徒濂竽名位沾鈞聲譽已哉惜其省碑歲久蘚蝕不能詳考先哲名諱未能並列為憾焉後之登斯石者慎毋曰略先詳後致余譴也萬歷己丑之春

銅仁分巡道題名碑記

張斗

黔自古號鬼方秦漢來羈縻而已至明永樂間先後建彝臬二司與都司鼎峙將以中國之治治之矣仍分清銅等道內外相繼而思石兵巡道則駐節銅郡與總督提衡而治銅故介在一間適川湖貴九種苗賊淵藪出沒不常動輒千百成羣誰不蒿目而股憂也夫禦南倭北狄智謀響應兵糧饒足日不吝財爵重賞以懸之而此區區以幾營哨以數疲卒當其鋒且其條來倏去疾如掣電巉崖絕頂走如平地其視南北之水陸可憑者誰難誰易而諸材官豈盡無強勇敵愾以效死力者哉然而蒙爵賞者曾有幾且懼三尺尾之矣若之何其不難之也銅苗故屬兵道節嶺思南則遠守道駐鎮銅仁則恃當時守道張公克家兵道應公存卓灼知其遠且恃也又灼知其難也上讜兩臺更置互易巡按御史毛公在會同巡撫都御史舒公應龍題請允其議於萬歷十四年奉勅改駐焉今又越十餘載所在視為傳舍未有礱石此誠一缺典也已前不具載爰自方公以下至不佞計五員衷其姓名等而紀之石且為之記

馮侍御弱壁重建銅仁城碑

楊芳

按銅古西南羣地諸土酋互相雄長我明威德遠被取其地而郡之領長官司者六邇復廢銅仁司爲縣附郭其地高山峻谷階苗環處其中苗性嗜殺戾鬪焚掠無日不警嘉靖間始創城高不盈仞弱者奮袂一躍不必羽而登也所巒僅拳石上復善潰不必淫霖而墜也縣以及肩土郭孤懸郭外策不必久遠而委之虎口也丁未夏大雨爲崇城之嚙而圯者十有七家各枕戟自衛皇皇莫保朝夕適值指使南海馮公以按部至察吏安民諸所興革罔不悉備以時周行睥睨間潛然不勝其憂曰銅非無事地也不蚤治彘且生心今日之勢奚啻厝火臥積薪乎遂檄所屬規度舊址並增擴縣城周遭爲丈一千一百有奇其崇一丈五尺而羸厚稱之悉以巨石鱗次自甃之石以上則陶埴而裨堞之計直若干第公格匱乏民力莫支公譴捐俸助之不足復發贖銀若干金爲諸屬倡秋毫不惜資於民而直需之力子來之衆赴工恐後經始於丁未孟冬落成於戊申之秋不閱歲而郡縣俱成際舊日廣十之六高十之三堅固精工宛然天造居人無不帖然臥者父老子弟皆舉手加額而賀曰馮公出我於湯火而衽席之也爰屬郡人職方鄭喻子爲祥符令馮子士英走狀於余俾紀其事余維夫子繫易至坎則曰王公設險以守其國至師則曰君子容民畜衆夫坎者水也險也師者地中有水也曰師則險莫大焉環銅皆苗用武之地也師之道無時不當講者直指公蓋有見於設險之旨自爲容民畜衆第一義也夫直指公代天子巡狩權重而望尊舉察百僚城隍非其顯任也卽不秦越視之誰肯以身擔之者乃公獨爰省頽雉殷憂如燬城一日不完公不能一日去念真有一夫不獲時予之辜之心昔周之興也內順外威四夷賓服既治且安矣願拳拳營洛邑城朔方日夜勞來無疆惟恤公起家中祕指日以文武之道入相天子薄海內外將尸而祝之何有區區一銅也余不佞謹因父老之講廣易書之義而繫之以銘公諱奔垣字弱壁東粵之南海人萬歷辛丑進士由翰林庶吉士爲名御史云銘曰天險匪登地險 陵壯哉茲城陟此金湯神禹舊疆麗彼職彼外銷邪志內作士氣狡彘遠避誰尸厥功猗歟馮公萬禩無窮

銅仁縣題名碑記

邱時可

邱時可

吾屬以東西南北各回地千百載之上千百載之下之異時仕同官官同地詎非人生一大奇蹟故有題名以識其奇此不刊之金石也銅草萊初闢百度未備然以十易春秋一易長吏矣題名之制闕然余蒞任輒續

之明年時亦當代慮先後之無以屬已爰命工伐石植於廳之東隅宦茲土者命得次第書之以紀同官同地之奇耳夫官與地同則奇地與官之心同則奇之奇其心同者品同品同者建樹亦同前可俟之後而不惑後可考之前而不謬讀其名而神交一堂何問東西南北與千百載之上下又何至如末世之相代而還以相刃哉若曰父母神君之名草木知之則有邑人之心版口碑非一拳石之所能識矣碑始於甲寅春城於乙卯秋豐城熊應岐董其役碑成而題其額者蜀左綿邱時可也遂並記之

陳使君望洲修銅仁學宮碑

諭政

我明威德覃敷薄海內外咸籍其土而郡縣之又爲之建學張宮以崇文教雕題椎髻之羣罔不耀於光明漸於禮樂蒸蒸盛矣銅爲西南微地前代自爲聲教以兵力各相雄長學之建自我明始然時方草昧功惟求成一切規制因陋就簡辨材不良陶甃不具或摧折於霜雪或消蝕於歲月圯者譚修修者復圯幸望洲陳公以文獻世家守是邦教化洽翔者三年於茲每謁廟輒慨歎曰學宮何地豈異人任耶謀之司理張公邑令邱公司訓葛君相度詳議檄經歷歐陽君董其役鳩工命匠堂垣殿廡次第維新樞星門舊址數椽露立不蔽風雨爲之市蓋材仿通制覆以鴛瓦衛以門鍵葢棟鱗層闢昔人所未有紅門近市翬譁樹屏障之列楹翼之巍巖數仞耳闕者無自入他如鄉賢祠之另建雲路坊之再造俎豆籩筐爵簠簋之屬易木以銅增諸殘缺咸足不朽蓋公自下車迄今無日不以修學進士爲事工既竣司訓葛君目擊公之苦心謂不以無紀而以屬予予不佞無所辭而爲之記曰國之大事在祀而聖祀尤重司土者誰非孔氏徒誰不以此爲兢兢耶然爲於可爲之日易爲於不可爲之日難學之設字以內不知凡幾匪賢之贖餼則帑羨也銅爲郡不能當中州一陋邑公帑罄懸物力稱誦公復清介絕塵孑忍以一錢一粟累吾民前後貲費皆三千石俸也此之難爲何如夫公加惠學宮既不難捐俸以造士士生斯時感采芹而興頌亦思所以報公者余請究言之今士之聚齋宮稱學者不過啣晤章句工制業以取青紫譬則女之冶容而曼姿也粉黛而羅綺也語以聖賢性命之學莫不頰頰縮舌不以曠絕而高視之則以陳腐而唾棄之士之制舉非一朝夕矣以青紫爲的而欲其不爲制舉業奪其所素習而強其所唾棄是以骨去蟻以魚去蠅也乃聖賢性命之學豈真有甚高難行豈真迂而不切物情耶其人則父子君臣兄弟夫婦朋友也其道則思義序別信也是人

人生而有之不以賢智加愚不肖減也吾夫子之教弟子首之以入孝出弟繼以謹信愛衆親仁至學文則以餘力此聖賢性命之學下學而上達也士人誦法孔子舍是復何學焉又何以仰答公修學造士之意而稱爲聖人之徒也陳公諱以耀江西泰和人張公諱希賢湖廣江陵人邱公諱時可四川綿州人司訓則貴州畢節萬如綺經歷則江西龍泉歐陽世臣例得併書

開建蓮池菴碑記

萬任

山以六龍名誌靈也池以蓮名誌異也蓋在而池應一氣感召必然之理招提蘭若舍是安建乎然山川之靈待時而顯否則雖近在耳目之間亦觀而莫過此也距城十餘里卽云險峻亦入跡可至乃設郡三百年來卒未有卓錫者豈非不常之勝慨造物祕惜而不以輕畀哉時維丁酉無相上人經過其處道眼所及若有冥契攀躋而上石厂天成軒爽幽邃實爲樓真奧區中出一泉地狀似蓮澄澈甘冽不讓曹溪靈液此非有道者不能居而居之者亦於道力有助也上人曰吾清淨人得此清淨地可於此面壁老矣時則居人翕然共勦厥事剪荆刷石鳩工庀材鼎建樓殿恭奉西方聖人復構後殿專安大士次第措置靡不咸宜惟山門路由絕壁出入維艱暫以梯引行者色歛後募工修砌重住便之自開建以迄落成歷年十餘檢嶺荒蕪闢成梵境崎嶇仄徑易作康莊登謁者或義爲清涼佛地取稱爲地上天宮直與宇內名山相爲伯仲矣上人自幼潛心釋典已契真諦繼復杖履武陵請其昆尼於語嵩和尚次受付囑於壁林禪師而益有悟入大暢宗旨時而跌坐冥參時而升堂普說爲衆生指迷登覺開人天眼是大有功於法道也憶吾郡在昔環城內外列刹相望今雖漸次復興然鄰囂而鮮靜致循故而乏奇觀其邀靈於天造地設者有幾卽今赤縣神州縑素實繁紺宮琳宇等於旅寓其力作以瞻僧徒捐置以資焚獻嚴戒力而堅願力者有幾茲蓮池創設雖藉檀助而拮据經營上人之行最專而緣最勝矣是不可無以記

蓮池常住田碑記

徐以選

向常遊覽名山奇稱飛來峯幽稱桃源洞皆古今勝概也然又有不飛而奇不遠而幽如銅江之蓮池洞者其境殆尤勝焉夫蓮池洞離郡城甫數里耳山水靈奇獨自神工石徑峭折險疑天造一登其上則雲烟變幻景也愈佳洞中有泉四季不涸外翼以菴纖塵不到矚目翠竹蒼松盈耳溪聲鳥語水月相映花草爭妍

幽人坐嘯其間宛然極樂世界昔聞士民避亂數載大衆悉荷安全此雖普濟之恩實亦地利之驗也既有無相禪師翹之於前又得大模上人繼之於後得法授自黎陽南泉山融徹和尚厥宗於鼎州一元寺明遠老人適孫淵源衣鉢德著銅江禮佛修真自耕自食綽有南韶苦行之風而又樂與名人詞客往來笑傲煙霞慈悲所暨遠邇皈依樂助多金以作常住噫嘻有異地更有異人層巒聳秀之奇濟衆避秦之德視靈鷲桃源本不多讓况有恆產以垂不朽哉余雖年踰耄耄筆視久疏喜茲福山廣佈法界長開中書君當爲起舞已奚忍負此山靈乎故紀之

國朝

重修關帝閣碑記

張扶龍

古銅郡面背山巖壑激窅蒼蔚深秀川林繡錯振古如茲矣自明德既衰狂罔蠶起苗裔出沒青燐晝見幾無一塊樂土洎我聖清定鼎四方風動鄉之憑恃險阻割削盡焉余是時分巡是邦殷憂凋敝徒見山高水深無邊勝覽綠巡警東隅有格舞樓數間地無幾許創自萬歷丁酉情景宛然而茂草鞠之矣迨政通人和百廢稍興余爲之新厥舊制斷椽列牆迺丹迺堊不費公帑亦不拂民情工作告竣然後神妥而人安樓曰格舞蓋爲銅苗意也余易之而直題曰關帝閣庶令觀者咸歛過者羣悚使銅苗舉首心惕也下有堂曰虛受余易之曰樂取亦以人之有善嗜不如我更欲一一樂取之也覽者曰是誠可以壯其觀而永其傳矣嗟呼農桑旣治必用禮樂以登彬雅苟其不然即當藉茲神佑蕩滌妖氛下乂蒸黎上揚天子之休命庶審建官之意若徒資遊覽供登臨不過徼倖福綬保全名譽豈惟我輩之愧抑亦國家之憂也繼起者與余同志嗣而葺之則斯閣也其亦有助焉爰礱之石以爲記

重建銅仁學宮碑記

顧岱

蓋聞世治則學校興世亂則學校廢此言其已然而未明其所以然也古聖王右武崇文儒教蔚起凡厥庶民皆知禮義廉恥而天下蒸蒸海內乂安及其季也絃歌輟而干戈起文行衰而姦宄生詩書榛莽盜賊縱橫遂至瓦解土崩而不可救屢代皆然昔東晉末造清河李邃猶請勅修孔子廟給戶洒掃立庠序以敦學者且曰事有如賒而實急者此之謂也豈非特見歟由是言之學校之興廢國家之治鼎係焉皇清定鼎威

被八荒覃敷文教黔中十郡之學漸次修舉雖郡縣有司之力居多良山聖天子雅意作人而望風承旨者比肩恐後也銅郡兵燹十有七次而學宮變爲牧馬地矣今幸諸君子共勦厥事復覩當年之廟貌載成今日之豆籩行見文風丕振科名鶻起誠大有造於茲土也是役也計五年而後竣始其事者分巡道徐公道黃公太守梁公也終其事者推官儲士與順岱也始終竭蹶其事者教授羅之琬也維持而左右之者知縣郭萬國馮修車經歷范文在也至捐力輸工補所未逮則闔郡士大夫皆與有功焉然規模雖已略具而文采尙多闕然制更有竣乎後之君子

重建銅仁學宮碑記

梁憲宸

凡事有天作地作時而人不作焉未備也如我黔邦天命方新天作也土地既闢地作也時憲克頒時作也於是設官分職興起教化大都其作也以人牛羊人牧之田野人治之啼饑饉寒者人衣食之邇德風俗人一之而人同之作於人者夥矣要莫重於學校學校也者有國之大典也上而天子下而牧長靡不建學以行道蓋文學不講天下無故事久矣若乃祠之學宮盡灰於兵燹其所僅存者惟古柏數株柏陰下狐狸走白晝燐火然中宵耳余守茲土即欲入廟而思敬蔑由也考古陳常於時夏必先心化於辟雍曾是學也可廢而不舉乎第所慮者銅之民如落落晨星然銅之尹也如夜雨疎燈然銅之鄉鄙村寨也如梅花幾樹點綴於深山窮谷然疲困既極殊艱興作可奈何雖然舉廢則難設法以舉廢難而弗難也爰進羅學博與商酌焉夫羅學博宦也而操觚勤於士師也而下帷勤於弟子才大識深經濟中人也凡所條議一以不病民爲尙余心然其說而猶懼法之不如心也乃爲之反覆思維茹荼苦省日費留其餘以庀材鳩工僱功授殮考績斯時也郡之乃僚咸相助爲理即鄉之薦紳先生洎子衿罔不效厥力學宮於是幸告竣初未嘗病民爲也是誠設法舉廢難而弗難者矣余然後升轡於文廟肅如也拜瞻兩廡往哲如見也泮池清澈底影落文筆峯儼然春浪之化魚龍也至若啓聖公別爲特祠淵源可溯也明倫有堂創於廟後俾師儒與諸生日講學於其中詩書以振而禮樂以興也若此者疇非人之所作也哉然則學宮之作也非作學宮也所以作爾士也爾多士居則作其盛德出則作其大業大作之利州蔚爲邦家之光庶小負學宮之作也夫

新刻銅仁府題名碑記

梁憲宸

我聖朝建官惟賢法乎周制意蓋重保釐也越在庶邦領郡作牧釋宵旰憂務先名實實之所至名亦孚焉當考漢史思畫中之守美淮陽之治名之盛也到今傳之夫名者實之賓也名不重哉故國典所褒或紀之臺或登之閣或書以屏或題以柱凡以重其名也豈遠在荒服遂泯泯歟借他山之石攻具官之玉則斷碣題名不可缺也其義何居大約俾爲政者顧名以思勤者勉怠者懲臧者勸否者戒忠於國愛於而民仁心仁聞蜚英薄海是留題者一片石也實乃玉其官於成豈曰虛名也哉溯我銅郡代有貞珉然而舊矣頽矣清興出守自宸伊始宸恐非所據特新其碑以自警並約略其詞爲之弁後之居是邦者先我名實報我天子定不以吾言爲謬也

鼎建銅仁府大堂碑記

梁懋宸

人臣之出爲郡牧則必先肯乃堂凡以堂者朝廷之德意於是乎宣草野之民隱於是乎達大易云嚮明出治蓋有以也然事在規起尤宜慎之銅江設府治自明永樂始其間起而作者有人增而修者有人非不美哉免也乃經兵燹盡成瓦爍荒煙蔓草蕩厥制矣余以戊戌冬受事憂心凋敝計呼鴻雁集於中澤定非露處可與通志爰剪其茅爰伐其竹構榑椽以莊蒞亦庶幾乎權宜之法也不謂乙巳春火災告警城惟瓦爍然後進我蒸黎告以堂之興作余鄉也屢有是謀迺遲之又久蓋其慎也曷慎乎爾聚厥材費若干鳩厥工費若干余敢輕舉病吾民哉木則求之山箐中工則役乎民之不自給而備者磚瓦灰石之類雇而營之省民財民咸樂以應創始於乙巳夏落成於丙午秋堂楹已聿新矣前有儀門庶我心可如見也後有衝齋或尙存梅閣之遺風焉於最顯其堂曰仁民前此不暇問堂者爲吾民也於此不得已而爲堂者亦爲吾民民有幹年吾堂之基址也民有捍禦吾堂之綢繆也民興德行吾堂之梓材丹雘也凡此者所以仁其民也仁其所以報聖天子也余也是究是是圖敢不其難其慎也哉然則斯堂也可無記乎凡事草創非光大不爲功因敢以銅崖片石付之磨礱以俟乎後之君子

東嶽廟常住田碑記

陳蔭元

郡成東郭有廟焉爲東嶽尊神之行宮羣嶽聳秀以勢蜿蜒依山鑿池茂林修竹足以供遊衍之樂時值春和景麗野色撩人余以客署之暇散步其間瞻殿宇之崇隆仰神靈之赫濯因思東嶽爲泰山之宰護國庇

民禍淫福善無論冠蓋紳衿農工商賈登斯地者莫不凜然敬畏則其所以寓勸懲而昭法戒誠大有功於民社非閒菴野觀可同日而語者古聖設教之意其在斯乎此廟之立故足崇祀千古而不可一日無也徘徊久之時有住僧性心掃石烹茶揖余坐語因述此廟創自先明其中樓臺殿閣亭榭園林亦極一時之盛一二薦紳耆舊猶能如^姓如^姓言之迨後狐鼠干戈人民寥落其淹沒於斷煙榛棘中者數十年矣幸我朝定鼎混一車書物阜民康百廢俱作於甲寅歲吾師如果自蜀至銅見其壞屋殘基頽垣坍塌由是立願重修堅持善行不數年而煥然改色雖不能如碧瓦雕甍流丹炫采然而前後殿廡左右廂寮亦差足爲神所依矣後欲少置田畝以爲常住永遠之圖遍叩十方隨緣樂助聚沙磨杵願力宏深十有餘載而吾師告逝歷茲又數年性心不慚涼薄謬繼前人以師襄尊稱爲運息約積五十餘金爰作浮屠舍尖想購良田永供香火乞余一言以記之並列其同事之姓氏勒諸貞珉誌不忘也余愛其地可助遊觀敬其神有功民社嘉其僧能繼師志而相與有成也是爲序時康熙三十四年歲次己亥仲春

孫公碑記

陳蔭元

孫公名成龍字海雲北直順天府通州人也由行伍歷官雲南督標大廳庚辰歲公來協守銅古迄今十載於斯矣夫銅仁一郡乃天末遐方與楚蜀接壤沿邊一帶係紅苗雜處之區彘性梗頑每難控制而威名素著才藝過人者莫克服其心也公下車不遑朝夕訓練我軍士鎮撫我人民且親臨邊險周知地勢情形設汛安防嚴加捍禦凡一切措置駕輕就熟無不精詳盡善焉數年來士民得安枕席蠢爾革面歸心猗歟盛哉洵所謂國家之干城巖疆之堅壁也癸未冬湖廣鎮軍紅苗大肆狂逞仰荷天威遠播會師進剿以公熟諳邊情提兵深入未逾月而奏凱雖古名將何以加茲今值特簡陞授廣東瓊州總兵公之威名才藝小試於銅行將大施於粵矣但軍民等如失所依欲留不可惟泐片石以昭功德於無疆云爾康熙四十八年春二月

重修關聖帝君廟碑記

顧起鳳

起鳳乃直隸天津縣人矣叨沐國恩由磁州都閫擢陞銅郡左營遊擊於乙亥孟夏蒞任府治雖然僻處然山明水秀大有可觀先謁文廟體制森森次叩武祠垣墉落落拈香既畢四顧蕭然遂私心竊憶我朝

崇文重武祀典攸隆爲何斯廟獨至傾頽因細詢其由部屬答云此廟乃當年營中所建迨後移協松桃葺補難繼是以漸朽起鳳雖賦性愚鹵景慕前徽奈才短力薄不能上伸其敬視此荒涼奮然有補修之志但初入汛地職守當操營事宜練各大憲巡邊稽嚴用至刻無寧晷茲幸考校事竣略有餘閒商之標下二司把總吳玠吳正義矢願捐俸重修二司亦以爲是乃鳩工庀材自六月至七月止廟貌煥一新脫非我帝君在天之靈何以至此但起鳳於兩月間慰勞工匠視廟中有碑銘三一萬歷鑄製一崇禎重修一康熙補建其文字字琳瑯起鳳髫齡時專好試劍愧不能文且珠玉在前敢以班斧貽誚然既捐俸同修因不揣鄙俚謹將原起之由聊書數語以紀不忘惟我帝君精忠貫日浩氣凌霄繫馬臺前時聞嘶風赤兔洗刀巖畔旋聽叫月白猿茲則文筆連雲於祠前雙嶺巒秀於廟側春雲放霽晴雪流輝南嶽泉飛巨星河之遙夜東山閣峻發鐘磬之清音勝地相遭神威愈赫誠哉銅邑巨觀久矣當年古跡非起鳳等不學無術所能道其萬一也乾隆二十一年歲次丙子仲秋月銅仁協左營遊擊顧起鳳謹記

禁革碑記

貴州銅仁府爲飭鹽禁革一切陋弊以甦民苗商旅事乾隆二十七年三月二十日奉貴西道王 按察使 司 趙 布政使司 尤 糧驛道 求 兵備道 四 憲行奉太子少保兵部尚書總督雲貴部堂兼貴州巡撫 吳批本司道等會詳查得黔屬各地方官有征收錢糧額外浮收重加火耗多索票錢以及短價採買藉差 使名色濫派夫馬一任書差指十派百折收肥己或藉供應派索豬雞鴨竹木柴炭馬草刑具監茨等項 種種陋弊不一而足應請酌定規條分別嚴行禁革嗣後凡有差使需用夫馬無多者遵照本司道等詳定 之例即用額設夫馬如遇要差需夫至百名馬至五十匹以外者預計夫馬若干分別上中下輪流撥 應每夫一名給銀八分每馬一匹給銀一錢六分行令地方官當堂給領不使書差假手侵扣其應買 器皿什物等項概用現照價平買毋許長隨衙役轉給致有染指苦累鄉民至於監倉公館例應官辦不應 絲毫派累卽科場需用等項原有經費開銷例不派取於民若地方官需用什物短價採買並兵役人等強 取民苗物件巡攔額外抽收稅錢或因詞訟而索取錢文或遇辦差而攔禁商旅以及修理城垣按糧派折 屯弁放債盤剝苗民等項陋弊若不禁絕苦累難堪應請飭各府廳州縣一體痛改前習永遠革除務期

錮弊不生民無擾累仍責成道府不時稽查倘有陽奉陰違定行詳揭請參毋稍寬貸等情詳奉批示如詳一併通飭遵照永行禁革如敢陽奉陰違即行參究仍取具遵依碑摹通備案繳等因奉此合行遵奉刊示以垂永久仰副大憲洞察民隱剔弊除奸之至意所有禁革條款開列於後

計開

一辦差需用夫馬務須遵照詳定之例夫在百名以外馬在五十匹以外者始許雇募鄉民分別四鄉上中

下村寨除去鏢寡孤獨核實造冊酌撥夫馬輪流應役照例給價毋得重撥濫派濫罰苦累民苗

一嗣後報買務須照價給發民有餘糧之戶照價公平交買各戶揭出示知毋許一概派累倘藉端派擾以及短價勒買定即嚴參治罪

一征收條丁銀兩例應照額征收原不許額外浮收重加火耗嗣後開征之期務令民苗自封投櫃永不許書差人等多贖票錢刁難捐勒致滋苦累如敢苛征多索分文察出官參役處

一征收秋糧嗣後務令民苗自行執擋量收不得任聽書役斗級人等藉端捐勒浮收多索如有包納重征分別嚴參治罪

一向來各屬_{正糧}及交盤鋪倉墊席俱向里民派取甚屬苦累嗣後永遠革除毋許仍蹈舊習致干查參

一嗣後各屬交盤倉糧或需用人夫亦應查照應差之例每夫日給工價銀八分如白役民苗者定行查參嗣後民間詞訟務宜速審結即令歸農永不許書差人等持票下鄉派取鷄鴨酒肉並索取鞋腳錢馬錢及鋪堂使費等項倘有仍前需索擾害者定行查參從重究處

一丁差銀兩例應隨田辦納日去丁隨仍向賣田之人追納實屬苦累現已詳奉通飭悉行立限過割如有胥役仍再苛索滋擾者官役分別查參究處其不遵過割之買主照律治罪田產入官

一民苗入城賣鷄鴨柴炭小菜等項文武兵役攔阻強取不給價值或短價勒買一概嚴行革除倘再違犯查出重究

一四鄉民苗手攜零星貨物並麵豆棉等物入城者永不許巡攔人等勒索稅銀致滋擾累如有不遵察出

官參役處

一修理城垣原有帑項開銷至於按派折民苗銀兩尤于功令凡遇修理城工需用入夫務宜據實給價倘再任聽書差仍前派折包攬官則嚴參役拿痛處

一各屬文武官役家人鄉保里長土司土目人等或藉供應各名色派取猪鵝鴨柴炭等項一概永遠禁革如有不肖書差仍敢指十派百折收肥己者盡法究處

一各屬從前派令民苗裱糊公館監牆蓋茨或需用木植或修理旗杆需用麻筋等項悉行禁革嗣後務照市價平買違則定行嚴參

一文武各官所需日用蔬菜器皿什物概不許差役下鄉濫派以致按察多索折銀入己如有違犯一經訪實官參役處

乾隆二十七年六月 日立

禁革碑記

兵部侍郎兼都察院右副都御史巡撫貴州兼理湖北川東等處地方提督軍務節制通省兵馬紀錄三次喬 為嚴禁官員到任餽送禮物以肅 功令事照得地方各官身居民上務在居心清白屏絕苞苴到任伊始風聲所樹即應嚴禁陋規洗除積習以澄吏治而肅官方今本部院查得普安縣新官蒞任各寨頭目向有餽送馬匹猪羊等物名為初見禮書役家人均有使費歷任各員雖聞有却不收受及止收一二色或發給價值者但陋規名色並未革除相沿日久必致漸開徑竇夤緣結納由此而始一邑如此別屬難保必無合行嚴飭示禁為此示仰各屬民苗人等知悉嗣後大小各官到任地方紳衿土目寨頭人等不得絲毫餽送禮物如再敢違禁餽獻一經察出與受同罪或不法丁役指稱新官名色勒索規禮使費許被索之人據實赴上司衙門首告以憑按法參究治罪本部院言出如山斷不稍為寬貸也各宜凜遵毋貽後悔特示 乾隆二十七年八月 日示銅仁府知府白烜敬刊

革除協濟青玉兩縣夫馬碑記

竊照銅仁府縣向不協濟青玉兩縣差馬自乾隆四十二年值中堂公阿 赴滇辦公需用馬匹甚多前任糧儲道國 檄派銅邑代雇民馬解送協濟經前縣馬汝洲飭令里民辦解過馬一百匹逾後青玉兩縣遂

搜爲常例遇有差使過境均令里民辦應馬匹各前任亦相沿辦理查銅屬並不產馬所有協濟青玉兩縣馬匹係里民按糧出賞赴隔屬地方重價購買馬夫預期趕馬上站照應守候應差之日始給馬匹草料馬夫口糧爲數不敷多係賠墊較後長途往返馬匹又多勞傷倒斃實屬苦累據縣民王添爵等赴前撫部院永輔門具訴批行飭查茲由縣府詳請飭令青玉兩縣嗣後或有如四十二年之欵差經過仍令銅邑幫辦其餘督撫往來差事概免派累再查銅仁府屬轄地方亦有協應青玉兩縣馬匹遺累里民與銅仁縣情形無異應請一例革除以免傷枯等情蒙按察使司陳詳蒙撫部院李批如詳飭遵仍令立碑永遠遵守取碑事送查等因除將碑摹申送外謹勸石遺守以垂不朽云 銅仁府知府趙與愷銅仁縣知縣費承勳刊立乾隆五十二年歲未丁未季夏月日

重修東山寺碑記

福慶安

銅仁之東山爲一郡之鎮上有文昌閣閣前爲奎星樓鄉人崇祀歷有年所泊乾隆乙卯春苗民蠢動予奉命專征督師黔楚銅郡爲大軍後路軍火餉糧道路轉輸悉由於此因假廟中隙地暫貯軍需是年冬十一月守者不戒於火廟災樓神無所子聞之首倡捐廉命四川蒲江縣知縣董銑等監其事鳩工庀材閱月而成前增山門重設左右廂因其舊址而充拓之所以壯觀瞻昭誠敬也山之東偏爲東山寺向與此廟爲二院今併爲一使住持僧本性供奉香火以垂久遠於是紺宇琳宮鐘魚肅穆東登是刹者頂禮諸天快覩山林勝概余亦仰賴神庥督兵深入擒獲賊首掃穴犁庭從此苗境肅清封疆綏靖俾此方之民咸得安其土樂其業永享太平之福則神之覆冒斯民者其未有艾歟是爲記

嘉慶元年四月朔日

修建魁星樓碑記

杜器遠

魁卽斗也一至四爲魁五至七爲杓合之爲斗又曰奎居二十八宿之一主文昌亦主武庫繫體於天有象而無像焉而祀之何歟夫三辰民所瞻仰載在祀典幽宗祭星法有明文祀之於禮爲宜考郡志舊有文昌閣魁星樓建於城內東山昔宋初五星聚奎一時名臣理學史稱極盛銅郡山川拱秀披形家言與五星聚會相合是殆地之矧靈如宋初天之垂象乎以故前明三百年來人文蔚起甲於黔中嗣疊經兵火城社邱

墟而文昌閣巍然獨存於是奉魁星像祀文昌於龜側前廣文周公輝儀欲闢右建樓以奉祀事闕終寢乃復迎奉於文筆閣再移祀於書院香火雖云無缺而未立專祀終非所以安神靈昭誠敬也癸丑秋司鐸王公國璜與郡庠生王純蒼職員萬君初唐君伯鵬等始建樓於文昌閣前商之先後首事咸歡欣鼓舞各願量力共襄盛舉經始於甲寅仲春八閱月而功竣雖棟宇粗具而規模宏敞庶神有所棲瞻拜者亦有專闕焉正議丹旌雕彩以壯觀瞻無何苗民蠢動郡城各寺胥貯軍火工乃暫停未幾守者不戒閣罹於火樓亦殘缺相王福公督師來銅捐貲倡建命四川蒲江令董公董其役庀材鳩工啓其宇高其臺丹其楹刻其桷不閱月而閣與樓煥然矣是役也雖曰人力寧非神之靈有以默啓之耶行見文風丕振科甲蟬聯戶裕家豐民安物阜其有裨於銅之人士豈淺鮮哉今日憑斯樓登斯閣復觀當年之美盛載薦不朽之馨香相王之禮施董侯之經營弗可沒也因誌其巔末並樂輸各姓名於石以紀之嘉慶二年仲夏月

改造樞星門碑記

東論

雁題

郡學宮建於康熙四年歷今百餘歲矣由大成殿至戟門廡序其闌榭棖題雖稍彫薄而規模開展局勢堂皇前後尚屬勻稱惟樞星門以木爲之而覆之以瓦如尋常之脾榭然不獨難勝風雨之摧而氣象卑隘體制未安學博戚君司鐸來茲愀然不安慨然捐貲百金有意改造時逆苗蠢動天威致討軍書旁午有司有徵發期會之煩小民有芻蕘糗糧之役余奉調來銅卽赴正大松桃辦理軍務飛芻輓粟刻無寧晷自乙卯春迄丁巳夏逆首就擒烽烟始熄武功初定文救宜興戚君具述其意余曰凡舉事有裨於士民者孰不毅然爲己任矧學校重地哉且亦非君一人責夜願爲之而料不堅工不固猶虛費耳爰命在城紳士助以樂輸余亦捐俸共襄盛舉採石鳩工屹然柱立中額樞星門左額金聲右額玉振名以實副巍巍大觀經始於六月落成於十一月夫戚君以廣文薄力而雅意振興如此此其意誠不可沒也惜其人已亡未及目睹其成焉余因序其巔末勒之石碑願之士當頌戚君之德于弗衰云

重修跨龍亭碑記

徐正青

郡有大小江皆發源梵淨山重灘澎湃二百餘里至郡城之南而其流始合合流之中有介石屹然而時謂之銅巖巖有亭建目前明嘉靖年我朝康熙間重修之至嘉慶十三年亭復圯余適承乏是郡郡之人士請

復之余惟鄗自苗氛肆虐仰賴朝廷洪福以撫濟勦以威成恩閱數年而其醜始撲民之元氣未復也地方之防禦未撤也士卒瘡餘絃歌之罕聞也凡有闕郡乘未克舉行者不能以悉數有司蒿目籌之何有於一亭請之者復以術士之言進謂是亭匪祇飾觀相陰陽觀流泉前哲所不廢余以爲事當務其實耳術士之言奚足慮然亦有說焉銅巖爲郡之名勝靈秀獨鍾士每登陟斯巖足資吟眺又往來是邦者名流薄宦游客詞人多泊舟於亭下郡之人士樂邂逅之相知因與上下其議論是足跡不出鄉而通交遊於四方也語云事其大夫之賢友其士之仁其取益豈少也哉士者民之望士誠得所切磋而學正民即從而化焉在一鄉一鄉化之在一邑一邑化之將見秀者讀愚者耕守禮畏法不惟郡之文風由是日新即郡之民俗亦或由是復古也因可其所請鳩工庀材計日而落成之此余重修斯亭之意也願共勉之有厚望焉

王湛恩

籌捐書院獎賞碑記

郡縣書院之設始於我世宗憲皇帝守土之吏爭以崇尙教化嘉惠士林爲先給之膏火復加獎資甚盛事也銅郡向有書院生童膏火取給於課士田租而獎資竟無所出不足以鼓勵人才嘉慶丙子冬余再守銅篆縣令劉君春谷修舉廢墜政通人和尤孜孜以誘掖後進爲己任曾有公款錢三百緡力請於余畀之書院擇殷實紳士徐孝廉廷標楊文學曉左上舍之祐翰流經理出納按月取息以爲課士獎資之用俟積有贏餘仍置出以垂久遠其用意良厚而貽澤長矣夫下有嚮往之機而勿能導有司之過也上有振興之化而弗知奮抑亦人士之咎也多士生長邊陲得賢令尹振興而引導之尙其砥礪廉隅東修圭壘立乎大者爲之根柢然後雍容乎詩書之囿卓躒乎詞翰之場不以寡陋自安不以浮靡相競仰副守令教育之意爲世通儒豈徒循應課期虛食膏火已耶余嘉劉君之志而望銅人士之爭自濯磨以共底於有成也因允其請而爲之記

銅仁書院碑記

劉朝祚

書院者人材之藪教化之原也昔姚江撫黔紹文翁治蜀之風集諸生講學因建陽明書院使黔文風丕振至今賴之銅仁去省七百里學者不能盡登其堂然則銅江書院之設又烏可已耶前明太守林公大黼鄭公應麟張公祐清後先濟美共置課士田數處振興書院納銅士於春誦夏絃故其時掇巍科登黃甲者卓

有可紀豈非崇教化育人材之明徵大效也哉明季疊遭兵燹院舍無存田租遂收入於儒學暨國朝定鼎以來聲教四訖薄海同風守令之賢較前爲盛獨書院因循未果乾隆三十六年署篆陶公雅意作人進紳士等於庭公議建修書院緣向來舊址無存因將雍正九年所遺銅仁協署廢基請詳院司更新修葺以爲諸生肄業之所復捐廉倡議庀材鳩工銅人士咸樂輸爲助未興工而郡伯鄒公蒞任欣成厥美一切經營悉用指畫田租地畝自是不入於學官招佃耕輸以爲束修膏火之資是則一公克紹前徽振興來學銅江書院所由來矣忽於乾隆乙卯年苗頑滋擾勦平後皇上保釐邊郡添設協鎮重將書院改作營署惟我郡伯鶴公當軍務倥偬之餘慮書院之或廢權將新城公廨改爲銅江書院延師課讀又慮大憲不時按臨搬移未便於是謀之邑宰朱公集城中首事者擇地而新之且曰書院肄業處必得絕煩囂遠市廛而又不出城俾守令以時往來稽其勤惰而進退之如是然後善僉曰誠如諭遂卜吉於古銅佛寺前兩峯左繞雙江右迴天馬玉屏時其前狝鳳石笏枕其後浮初月於漁梁秋輝未遠覽跨鼉於水面春浪欲生且山形開朗地脈豐隆不出城不鄰市真可以怡志陶情開懷豁自營讀書宅矣然非賢守令留心作育加意栽培安能有是矧銅公自丙辰軍需調銅求民瘼振文教捐清俸以修廢殘協輿情而勤撫字盡明慈惠美不勝書即書院一節計慮屬詳規模宏遠蓋不獨續承夙昔直可繼美姚江矣我銅人士庶幾束身勤學仰體教思震蔚雲蒸奮然興起以光太斯院則姚江爲余貽創其始公又爲我銅致其盛焉可以不記也

昭忠祠碑記

伍正榮

嗚呼生不忠良死爲下鬼人不可不知懼也生而爲英死而爲靈人不可不知勉也銅仁前經逆苗之變後有教匪之災自乾隆六十年至嘉慶四五年間在在兵燹告警殺燒慘毒大將軍貝子中堂福公雲南提督軍門花公奉命勦賊所有隨征文武官弁兵丁以及自願出力之生員鄉勇者民人等或折首疆場或因傷殞命皆能奮不顧身先後歿於王事銅之人至今道之津津大丈夫不當如是耶朝廷有卹典例得建祠以妥忠魂以障報讐乃僅奉木主度縣城隍之東廂某等恭違祭日視之怒也及詢木主紳士耆老僉謂兵燹後連值荒年死喪不可勝計又山間木植經安營設卡以來伐取殆盡計建祠所需工料爲費不貲其存公及勦輸之數難應支銷是以遲至二十多年之久輿論如是自是實情惟是某等官於斯土地方義

舉非貢倡之誰任其難况銅仁去年適值豐登穀價平減飢驅者漸歸本業議動工程較往歲應爲易舉因與同城同好公商之皆以爲是各捐銀若干謹卜於道光二年十一月十四日興工三年三月十三日歲事得正副二間大門一間說樓轟具風雨無憂卽於是月是日奉安神主馨香是薦神其來思區區菲誠尙其鑒之至於美奐美輪力有未遑請以待後之來者是爲記

昭忠祠碑記

徐如澍

蓋聞忠臣爲國恥在偷生志士成名憤不顧死功既在夫社稷亦重於邱山允宜廟宇之維新以奉馨香於不替溯惟乾隆六十年乙卯銅仁逆苗之變荼毒羣黎肆行擄掠牽連三省慘被焚燒天怒赫然勅救民於水火師行迅甚凜下令於風雷暨大功之告成恤死事而必錄恩綸疊沛誠懼昭昭人將軍貝子中堂福以迄文武各官兵勇人等優典均沾忠魂是慰惟時苗氛甫靖公帑未遑木主僅成專祠有待茲擇地東關外東嶽廟右捐贖購備卜吉興修道光二年十一月初四日開工十四日申時上樑三年三月十三日工竣爲庭爲楹如歧如矢無財不可爲悅事經二十七年其德罔敢或忘牌設二十五位從此春秋兩祭龍承聖天子褒卹之榮俎豆一方默錫我銅江太平之福諸公事詳國史無庸贅述之煩此舉盡愜輿情同志落成之喜石碧一片序泐數言以示來茲用昭敬止時道光三年 月 日

梵淨山禁樹碑記

敬文

梵淨山何爲禁樹也余守石阡郡卽知其地爲仙佛勝境說法拜佛之有稟定心九龍之有池前人之述備矣洎守銅仁之明年觀城南雙江合流處詢之邦人士曰斯二水發源於梵淨山之分水嶺下一支出大江會歸司江口達於城一支出小江平頭司壩洞達於城余喟然嘆曰嘗觀呂氏祖謙釋禹貢隨山之義謂隨山脈絡相其水勢以濟其川是知水源所自卽山脈所發斯山固銅郡祖山也不亦傑哉且余重有念焉者夫水者國諸大吏詢公事畢卽曰銅仁梵淨山惟黔中勝地名山大川職斯土者所有事子往茲土曷加里應一覽而盡者俾得勝壯觀而舒遠眸且因以省吾民焉亦守土事也適邦人以無知民某某近於斯山積薪燒炭具狀來白余止之曰十年之針樹木况茲崇山茂林豈可以歲月計宜止焉戒勿伐弗若焉未

可也嗟呼草木者山川之精華山川者一郡之氣脈自茲以往峨峨而巖巖者其山也鬱鬱而蔥蔥者其樹也爾雅曰梁山晉望也梵淨山爲郡治山不當作如是觀乎後之君子以爲何如因書與邦人勒諸石永以爲禁

東山記

徐 閣

宇宙之景無窮也而每窮於人之一心人心之樂無窮也而每窮於心之所累心有所累則雖位華恆廬時其前而不見其高也滄溟渤澥臨其側而不見其大也卽歷武夷九華天台厲宕而不見其妙也心無所累則雖一壑也必窈窕以尋之卽至一花一草皆足以動其遊觀之樂已銅江東山峙於府治之中峭削嶙峋俯江壁立周列千峯遠吞二水下視則城郭之蜿蜒市廛之邇迤錦繡錯宛若畫圖且也遙村近墅綠野青疇林麓煙霞江干花柳悉足供其挹取其中古木參天巉崖拔地有清泉之澄澈極曲徑之盤旋纖塵不到稱勝地焉自遭兵燹所謂紺殿琳宮徒爲灰燼是可慨也歲辛巳聞膺胡公以左政來喜其地靜民淳刑清政簡公餘之暇時或杖履登山愛此四無所倚特然中立於焉除瓦礫以搜其石之佳剪翳翳以漱其泉之潔斬荆棘蘼蘿以顯修竹之蕭疎茂樹之蒼翠顧而笑曰如此奇山曾不一著其名或者位置設施之道不得其人以致之歟一日邀諸同人攜樽酒坐於白石之上復慨然歎曰山奇矣使好奇者更有以點綴之不愈見其奇耶維時在坐者起而指曰山之巔蓬蒿滿目者昔日之大觀樓址也山之東石壁如屏下臨深潭者昔日之雙峯閣基也山之南怪石巉岉高下其勢者昔日之禪室方丈所由構也若今之文昌閣眞武殿不過從灰燼之餘聊存規模奚足以壯遊人之觀而盡斯山之勝哉公乃戰然曰誰謂爲山靈彌此憾也苟是山之奇平者臺焉高者閣焉望遠者樓焉小憩者亭焉而且構畫室於觀瀾之石焉架復道於環崖之磴焉曲檻迴欄相與左右者藥畦花圃焉雕梁畫棟相與上下者暮雨朝雲焉有此奇山而更有此奇景以點綴之四方好奇之士來由是而游泳焉詠歌焉鴻章鉅製以共是山爭奇者更不知凡幾矣今乃隱沒於荒烟蔓草中使其名不著無怪乎好奇之士鮮有知者聞公斯言余覺竄心不遠恍惚神遊於岱華恆廬之高也恍惚望洋於滄溟渤澥之大也恍惚於游武夷臨九華履天台登厲宕而目擊其空中之巖海上蜃樓之妙也豈但一邱一壑一花一草之足以盡其勝哉脫後有好奇者能就此由而

如公位置如公設施此山卽欲求隱其名以免好奇人之游覽亦有所不可得也然則東山主人舍公其誰與歸歟噫公之心真無纖毫之累視富貴往來直如浮雲之過太虛而此心湛然之樂無所往而不遇彼世之心有所累者不能隨地以窮山水之奇動曰靈巖異谷之境恆窮於邊陲荒徼也嗚呼景豈真窮於地哉亦人之窮之爾若胡公者乃可以不窮是爲記

新建銅仁縣養惠堂記

趙景福

建邑立治立治樹堂凡以爲民也民有病苦於堂是告民有利弊於堂是陳則凡所以養民而惠民者莫不待理於堂是堂之興廢與民之休戚相關焉顧可一日無此堂乎原堂所自始則創於廢司改邑之年而沿革旣久兵火數經遂成灰燼自國朝開闢以來官斯土者棲止民舍旦夕可安未遑遠計余甫下車訪其遺址居民曳荆榛而前導躡屐以登巽然高望東山時其左文筆居其右巖峯映帶二水環流江上勝概宛在自中羣則指之曰此宰治之基也余席其地而坐理焉堂之上草立數椽風雪不蔽一時吏寂人稀山空木落又不禁愀然曰余膺天子命叨牧是方錢穀兵農職掌所繫一旦露居野處其何以盡官箴而示民聽乎邑之申士率其里老公請於堂咸曰新之便第當蒞任之初日擊凋殘方撫綏未遑何敢妄興土木以重累吾民余固知復葺之難而又思堂之不容不復也爲之申聞於上命匠鳩工捐資以購物材經營相度一仍舊貫雖不能效丹楹之刻劃而規模彷彿次第以施或不失創制之初意焉乃民力不勞而功成指日子來恐後之意亦未始不樂觀其成也余用是有感於堂而題其名曰養惠正爲登斯堂者臨民出治無不當以君子之道自勉焉有是堂而民之疾苦可得而問矣民之利弊可得而陳矣豈曰堂高聽遠與民之休戚不相關乎是上與下交相成者斯堂也而養惠之義視此矣堂成紀其歲月勒之貞珉以告後之守土者見茲堂之復凡以爲民也蓋可忽乎哉是以爲之記

東山記

王沈之

銅之城面而皆山也其穿山而遠城者一江也江上有石亘若長堤雉堞臨焉左右與雉堞接而突兀奇峭者則東山也東山一面居水自麓及巔壁立千仞石罅中惟野花亂放飛鳥時棲人跡到未曾有而漁舟孤火明滅深宵則傍宿其下者也由城門入而右小徑橫斜亂石盈處長竹短竹新葉敗葉繚繚參差曲曲而

上而且虬松老槐盤結徑側樹石間取道而前有僧元公之靜室在焉方圓斜曲位置玲瓏則觀音堂依於巖畔也欄外補石爲墩墩下有精舍稜稜散洒洒落落則元公戲筆弄墨箴傲乎其間者也循磴登陟見夫瘦石羅列有逸如僧者有勇如虎者有躍然飛者有拳曲如老人者有藤枝穿其隙者有竹根蟠其足者而元公作亭於其間風至此而翦月至此而篩雲致此而墮依亭而坐則雙江之舟或往或來若吞吐於煙波之際而與亭相接也由亭折出路若絕而復通石將頽而更起有翼然凌空者雙峯閣也絕壁刻雲彩江聲四大字秀出天然非人間筆意然則茲山也其可爲淵明北窗之臥乎抑可爲東坡海外之游乎其或且爲羨門乘鹿之鄉與巢壺傲遊之域乎王子曰不可得而測也遂援筆記之

雙峯閣記

釋真率

銅城中有一山在府治東名曰東山循麓而登石磴折若干步乃極巔巔上苔蘚滿地林木蒼然若之大觀樓址也樓前有崇仙宮文昌閣畫棟朱楹與城中烟火相接互爲吞吐臨風南眺玉屏西眺百丈巖袍狎鳳之山羅列如置雙江遠焉江匯於銅崖經絕壁下搏漁梁有聲是則東山之勝概矣若夫嵐飛朝暮恍結蜃樓氣變四時宛成海市昔則展齒紛紛今惟蒼煙漠漠非其時有變更歟己亥春率至銅登山而俯江以筇指曰今日之遊樂矣哉徜徉竟日流連不忍去越明年率又自武陵來值郡守梁使君相邀至山車覽形勝得佳處緣籐而下忽見峭巖古壁圍約十笏而光怪可人使君指石曰伊能爲石友乎率曰石可友人恐人友石反俗石也使君遂構亭於巖傍造堂於亭側關險爲徑至者咸驚爲異境由是蓄竹種樹綠陰漸成靜引江光浮於凡席遙望雙流如客帆往來笑彼奔波者何如此小住爲佳也對岸有雙峯一天一乙太乙若左右峙者使君商於率曰是不可無閣以臨之工成顏之曰雙峯閣率因得日盤桓其間看雲待夜月焚香煮茗琴心翼翼碁響丁丁晴雪咸宜風雨皆妙此又率之居常靜會而難爲諸君子貽也因記之

梵淨山記

徐閣

鄱上游省溪司者距城百里司法西偏六十里有梵淨山高千餘仞危巖屹立孤峭崇邃遠視玉筍插天近視如屏自頂至麓劈分兩歧雙峯對峙中相距僅丈許石膚若鐵色後人設梯以登舊傳二佛以金刀劈分道場事雖無據而形勢宛然故名金刀峽山四面十餘里孤絕無匹左右去遠始突聳高峯蜿蜒數十里亦

純石無土與外山特異湖景山孕奇於鴻濛太初前明萬曆間始開闢登謁者從山麓上至金刀峽高約百丈仰面陟梯如蹈空而行連度三橋乃躋其巔每梯皆攀鐵絙始有憑依雙峰絕頂仍接以橋一切橋石皆朝謁善家背負徠升非可易得雙峯各構一殿至此則立身萬仞舉目曠觀空闊無際心神愉快未下魂驚骨慄者神室入殿左禮羅壘號 迦石謁慈氏兩殿孤峙重霄罡風陡峭不可覆以常瓦非冶鐵爲之狂飈掃如秋葉殿後各天生石屏作障名說法臺殿前有石穴焚香化紙石火穴左風穴皆於焚化時驗之香用旃檀鞞謁時且暮香風飄渺散滿一界俯臨深壑下視石峰林立巍然秀拔者爲太子巖磊落串珠者爲供養巖獻果巖頂平如砥者爲拜佛臺層疊若環函繡軸者爲藏經臺有似鐘鼓香爐者有似獅象猛獸者有似鸚鵡淨瓶者各以形肖皆從絕壑中拔地插空無所依傍蓋不知幾千萬落種種靈奇譎怪應接不暇如經匠心設施莫可思議誠天造靈境也尤異者峽之二天橋下倚石壁有定心池澄水一勺供朝謁者依次飲之人許一咽旋啜旆生罔測所出飲訖緣梯登橋心定無畏殆此山之效靈于佛而佛因得著其靈應以待遠邇皈依者歟但峯高氣肅歲寒最早自仲秋歷冬經春至次年夏方除寒布暖陟者非五六十三月不可山面銅仁而背思石三郡朝謁歲如蟻聚鄰省如西蜀湖南亦絡繹弗絕有禱輒應不爽厥衡禮佛者每出殿縱目千里風烟一覽而盡矚望須臾卽下梯出峽不可久留下山回顧有見峯頂空際佛光隱現五彩光中佛像莊嚴卽以是卜其人信心之誠應之如響或一身心不潔下山後風雷驟至謂之洗山雨蓋示儆也四圍遼闊羣峯延袤萃嶽起伏錯雜皆卑如蟻垤山左之月鏡山山右之鳳凰嶺爲斯山輔佐亦如五岳之在寰中若不欲孤立者然二山層疊而下綿亘數百里或結爲陽宅結爲名墓結爲司衛廟壇遠且大者結爲州縣其特結者則爲郡治祖龍兩江發源俱自分水嶺一支出大江省溪司江口達於城一支出小江平頭司鑿濟洞達於城二水匯於城南銅巖合流東注溯自有明迄今三百年來朝謁者趾錯踵接前呼後應靡有止息境土寧謐近山居民一遇凶歲叩求雨澤立沛甘霖蟲蝗消阻疫癘莫侵何莫非佛之感昭不爽歟無論遠近遐邇每當天清日朗升高而望獨梵淨孤秀插空爽人眉宇低回延佇依依不舍亦名岳畫圖也余年盛時屢欲登峯覽勝緣以塵擾未斷竟不果行遙謝山靈時呼負茲以制府觀風試士令賦斯山動余夙懷因思山突兀雲表巍然伯仲於南衡東岱其他五台九華羅浮鴈宕直將視若僕從迺知

造化生物不測亦猶生才不偶顯晦有時不爲地限大抵然也是不可無記故記之

銅巖記

徐 闈

銅仁黔之山藪也其最奇者莫如銅巖蓋雙江交匯之處而岬然獨峙於其中人之自遠方來者猝然觀之恍疑斯巖之浮於水上也小而險上可坐數十人當夫風晨雨夕烟樹迷離樓閣隱現疑有神人居焉俯瞰江流左右環抱魚艇往來款乃互答非徒足以供遊目其舟楫之利直鑿於黔之思石曷之遺義故商賈帆檣絡繹不絕必經其下至於皓月當空微颯初起水與石搏鏘然而鳴其棹歌之發於兩岸者亦若與此聲相應眞佳境哉山舊無亭前明正德間參議蔡公潮建亭於巖上每值鄉試鄧守賓與公庭宴畢餞之江干令多士渡江登亭爲占龍之兆都人士環城聚觀誠盛事也因顏之曰跨龍自閱兵燹亭久毀皇清康熙八年邑令趙公景福重建以維文風踵行賓興大典而科名復盛後以歲久廢圯康熙四十九年郡伯蘇公稷新建上下二亭易名爲小金山召於題聯曾有雙亭盪雲海一柱砥風濤之句公磨崖題碣以紀勝概銅士連舉數科文武據南宮者上人其歷有明驗若此越數十年而榱崩瓦落頽敗無復可觀其不至於傾覆者蓋亦幸矣誠以守是邦者往往欲爲修葺恆苦於力之不逮余每慨然太息以謂如斯山者使其生於遷都大邑爲王公貴人之登覽騷人逸士之憑臨詠歌品題以誌其盛其知名於世豈出大小孤山下哉奈何生於窮鄉僻壤之間沈埋抑鬱與衆山無以異亦斯山之不遇矣或曰柳永多佳山水得子厚而始彰然則是山之得聞於世其猶有望於後之賢士大夫歟

天台山蓮華菴記

徐 闈

郡之東下二十里關名黃蠟地與思州接壤截江負險設防以守爲黔楚西蜀水陸通要之津其水自城南雙江匯流迂迴百折而注於此其山則從六龍劈支起伏頓跌突聳奇峰下有怪石百丈嶙峋橫盤江湄眞天造吾銅水口一大關鍵也江之對岸檣籬竹徑間爲吾友唐子遠菴別業余嘗過蓮菴問山何以名唐子指示山形複嶂重列如花之有瓣有穗儼若芙蓉簇擁水面中一峯狀似蓮萼嶙嶙嶮嶮葱蔚奪目幾疑有劉阮仙蹤故前人襲天台之名以名之因顏其菴曰蓮華余徘徊久之恨塵冗歸忙不及登覽幾遺笑山靈矣嗣是戊辰歲刺史彝菴卞公來守吾銅刑清簡談登人和暇日或省耕問稼或覽勝尋幽壺觴嘯詠草

木皆春公偶披郡志見天台佳名乃乘秋風薦爽借邑靈樞菴士公招我同入於八月望六日啟舟以往余得從遊焉經兩時許至渡口維舟登岸策杖步行斷澗橫危巖屹立孤谷而入則吳砮磻于生餘始至山麓少頃朝旭漸開山光掩映宿露溼入衣履徐從山際蝸繞蟻盤而登乃至山頂頂有閣閣前廣不數武左右皆純石無土倚石松栢諸古木槎枒偃蓋若迎客狀公招諸遊人小憩以頭其幽徐步出閣得石坪雲盤諸勝石峽有巖越而上始造石臺臺可丈許四面峭絕遊人上憑凌虛之巔下俯不測之壑心神愉悅恐怖震搖公與客藉苔而坐見巖峯羅列水光山色盪胸豁目遠眺城郭烟景散茫文筆天乙諸山若漢若近時出沒於浮嵐空翠中下視平疇廣陌野墅溪橋江上蒲帆村邊茅屋皆成畫本且也榜人繫纜行旅休途山僧游客周旋於寒烟孤磬之間樵唱漁謳響答於山巔水滙之際卜公浩然曰此山水大觀也奈余以一官僕僕不能作十日留使得脫卻塵羈盡其幽討敢謂此山之不天台若哉爰濡毫題其閣曰蓮石仙宮更欲於巖間建吞濤閣以收江山之勝又曰惜余勝解事不妨存此議以待後之君子庶幾有繼余志而爲之時遊興未窮日已就晡遂乘月返棹蕩漾空明四顧寧寂惟覺江風遞響影籠煙樹郡已近初更卜王二公各旋官齋而余之一枕清夢則猶往來於天台間也是不可以無記遂記之

遊岑徠坡巖石林記

徐 閣

暮春四月初補松兩上人邀遊寺莊之岑徠坡予慨然偕往出城西門渡小江上馬頸吻見衆山拱翠萬壑堆青回視城郭煙嵐樓臺隱現宛然一幅畫圖行行忘倦緩步扶筇由危坡橫過至馬溝約二十里午後抵岑徠坡村居四五家新練環村山犬吠客其地已高踞山巔與大江之諸葛坡木弄高崖空相爲比肩縱目騁懷四望無際時日已就晡爰止於莊叟楊雲峯宅宿焉次日見村後石峯咸嶽嶠磊落橫亘山巔予特奇之雲峯曰甯止是曷益窮其奇耶因與二僧同登上有叢石十餘處各自成家絕不相類石色純蠟予以巖石嶺字之徘徊良久謂觀止矣莊叟曰否否深入百餘步中開隙地約廣二三畝可建精舍三楹左右可爲廊後脈盡石峯重圍合匝空地可分種松竹花木爲叢石別開世界處覺前之所歷至此營衛旋繞隔絕外山儼如城郭不復似人間境矣奇觀若此真造化中卓絕尤物予復名曰巖石林同遊咸爲許可相與坐憩巖桓因憶予嚮時以好石成癖每聞語及奇石毋論遠近往往邀友探尋雖得佳處不過落落數點歷歷

幾行而止未有主輔森然高下橫斜各相映帶愈出愈奇罕聞創見靈異若斯者嗟乎混沌初開以來扶輿磅礪之氣孕爲山川山川鐘毓之靈篤生聖哲人物並育理一分殊上下同流顯晦非偶以此石林勝蹟天地爲之覆載日月爲之照臨烟霞敷其容儀風雨滋其樞沐山花綴采野卉流馨樂鹿頻來車塵不至豈真遠隱遐荒甘處寂寞不欲與凡疑武夷天台雁宕諸名勝爭雄奇於終古耶噫甚矣石林生於億萬斯年之前樵牧日過其下而莫知其異今復於億萬斯年之後乃必待予而顯石林有知應快予爲伯樂矣予願謂二僧商約今秋各捐數金刪榛莽誅草茅結廬其下偶耕借隱以了此清泉墨石之緣豈不大快二僧共愜予言留連竟日薄暮歸村飛觴縱飲率成六絕本初謂予曰天下事如白駒過隙飛鴻踏泥偶然遇之而偶然喪之者寧獨茲遊乎石林大觀詩難盡意先生不可無記莊叟挑燈供紙筆爰書此記之

建修書院記 此記宜列武廟廟碑後

張立賢

銅仁之設郡也肇自明永樂十一年賢太守如林大補鄭應麟張祐清諸公元後濟美置課士田數處銅仁之士得所師從學益精進振巍科登賢甲者時有其人迨至明季疊遭兵火人戶蕭條義學書院傾圮存課士田租收入學官而刁佃肆姦欺隱過半未遑清查及我朝定鼎之初起瘡痍而喚咻之康熙三十七年設立縣學其義學則設於府署之東偏逼近衙門房宇無幾每年僅撥課士租穀三石九斗給義學師以爲束修餘租穀五十餘石盡歸府學因此縣學屢次控分俱經批飭未准三十六年內縣學又理前議府縣兩庠生員以課士田原爲月課賓興而設第地有遠近人有衆寡勢既難於遍及利當歸於實用且義學經前守胡已充私賞闔郡備銀贖回之後僅存空名沒前賢之美舉善後人之紛爭請建修書院俾兩庠生員得所觀摩至前明書院舊址久已無存查有舊基地勢軒敞氣脈豐厚以是右文卜云其吉衆議僉同具稟由府詳邀院司備准惟是協署空廢四十餘年牆垣階砌盡屬傾圮止存歪斜破爛門廳房屋五進共二十五間磚瓦戶壁十損其八卽此修葺已多不易况肄業諸生房屋必須新造束修膏火需費無出荷署陶公樂育爲懷計慮屬備既令變賣無益之義學基屋並飭清查田畝量加租穀且捐廉俸以爲闔郡倡因之好義之士樂觀美舉出賞勸事方值鳩工辦料郡候鄒公蒞任雅意作人欣成厥美凡書院一切房舍規模靡不親臨指示地土定界分明附近居民不能侵佔招佃耕輸亦足稍佐修理牆垣之用壬辰年正月初

十吉日起工至十月工竣牆垣屋舍燦然一新從此郡邑諸生肄業有地膏火無缺不至紛心此皆我郡公陶公栽培作育之德繼美前賢流芳百世者也生等躬逢盛舉承命司事所有承辦修建書院事宜工歸實用記有之莫爲之前雖美弗彰莫爲之後雖盛弗傳祇冀來學英俊植品勤學庶不負兩公祖及前明太守之美意也夫是爲記時乾隆三十七年壬辰歲秋七月

重修豐樂亭記

王光顯

丙戌秋先大夫守銅仁歲大稔慕歐陽子治滁之風作亭於東關水星閣禪院之偏顏之曰豐樂郡齋休暇輒偕朋儔僚佐往遊其間顯亦時獲隨侍焉辛卯春先大夫去任戊戌十二月顯復爲宰於斯過亭下則窗楹塔茨之屬漸就傾頽感慨係之謂郡憲莊公重以堂構相助而輿情亦咸樂鼎新適明年秋歲大熟乃庀材鳩工重修是亭其新增者惟外設圍廊旁開曲徑餘循舊制昭先人之儉也既訖功顯而歎曰先人自離此邦之後北走京師南馳滇海西出金川兩年間車馬所至數萬里而遙營帳郵亭席不暇煖卒以羌戎逆命報國捐軀其身後仰荷天恩褒卹俾靈輜歸葬鄉隴忠魂久已得所矣區區實所一亭寧冀靈爽式憑乎雖然經營規畫精神所凝注也人情於祖考撫玩之物猶將什襲藏之以爲手澤况遺構可聽其頹廢乎且天下事會逢其適往往有不可忘者先大夫秉德醇厚甘雨隨車五穀豐登人民和樂爰構是亭以誌所喜乃去不八年而顯承前人之節被國典之優仍作吏茲土貪天之功年豐人樂前後同符則先大夫之陳蹟卽小子顯之孝思也是烏可以不誌故備述巔末而作是文乾隆四十九年歲在己亥冬十月既望

徐如澍

移修銅江書院記
郡城在前明設有總兵官後經裁撤署遂廢乾隆三十五年署郡篆陶公詳准卽其地建書院是爲銅江書院乾隆六十年乙卯苗匪滋擾事旣平疆臣復奏請添設武備飭以書院仍歸銅仁協時縣令朱輔臣先生難之將稟請另建協署而郡之列名庠序者咸以爲歸之便遂卜遷下南門古銅佛寺前其地山之半附近絕無居民不惟苦於登陟卽日用鹽蔬薪炭購備維艱一勺之水亦求之不易時復穿窬往來夜臥不能安枕報失屢屢肄業諸生謂其不便既來者去未來欲來者胥裹足不前雖有講堂學舍惟鳥語花香烟雲棲息而已郡侯陳春宇先生呂侯文小園先生每接見紳士輒以爲言茲得殷家凸荒土一畝在江宗門右

亦山林亦城市面正人峯峯適當辛未天乙貴人之方小江水濱洄環抱堪輿家謂置書院爲最宜地圭欣然求售於六月六日卯時開工然開工後支用正復浩繁茲僅得片土不啻九仞之一簣烏足恃且銅仁自乙卯用兵以來連遭荒旱去年壬午閩左之細民始得飽餐第元氣未復勸輸之說談何容易現在府學宮大成殿大成門工尙未竣始事時置勸輸簿二十餘分因鄉多貧瘠未經勸到者十猶六七卽已勸之鄉其人自書樂輸若干數至今並未交納又十猶六七地方蓋藏大概可知非盡關出手之太膏也今復議及書院直無米之炊矣乃任其事者勢不可以復遏夫豈徒哉事之成不成亦惟任之者積誠何如耳今議移修書院工既非細而無推諉觀望之私衆以爲難而無畏葸遊移之見不可謂不誠矣山川有靈其默相之計日暮成我當拭目以竣後之肄業於斯者尙其專一乃心下學而上達以無負今茲之一片苦心也誠則成吾於今日移修書院之諸君子驗之誠則成吾更爲將來肄業書院之諸君子勉之也道光三年六月寶研山房記

補修學宮記

周夔

千古有不變之道而道莫隆於聖千古無不變之時而時莫敝於兵以聖人之道當兵燹之時幾疑道不足以救時時適足以病道矣不知時之所由敝強暴者不循道爭奪者不由道立異惑衆者不明道倡亂糾衆者不遵道此兵戎之所以興而聖教之所以晦也當此時而欲救時之衰革時之薄易時之俗移時之風仍非援之以道不可銅仁府學宮肇自前明我朝康熙二年重建嗣後或補葺或改修歷有碑文可考非當事諸君子不憚煩而爲是以壯一時之觀瞻也蓋聖道明則學術正學術正則人心靖而世道隆然則文運之興衰民風之升降胥準乎此乙卯秋銅屬教匪滋事城爲之陷學宮亦被摧殘道汙則從而汙聖道之不明末有甚於此時者矣不見宗廟之美百官之富又未有疏於此時者矣余承乏是邦丁巳二月到郡觀其宮牆傾圮室無壁戶無門東西兩廡片瓦無存而先賢先儒及名宦諸祠牌位更不知歸於何所心竊傷之時干戈甫戢人尙皇皇猶未暇經營也爰先培其牆垣究其閉閣聊爲藩籬之計及親歷四鄉徧爲撫輯七月後地方已靖人心亦安因捐廉鳩工其規模無所增損惟於體制未盡協者如四配之宜分龕節孝之不宜與名宦鄉賢對祀後殿之不宜間以明倫堂因稍爲之更正務期合於道以端風化之原焉嗟乎時至於兵

時之敵極矣道至於聖道之隆極矣銅郡從瘡痍鋒鏑之餘幸親父安而不急爲昌明聖道以正其學術以靖其人心時之衰何以救時之薄何以革時之風與俗何以移易哉吾願士之升斯堂者遵聖之道無偏無黨體聖之道無反無側將內焉垂訓其子弟外焉矜式於鄉閭而相觀而善無不同游於於大道之中何至警異端曲學之覺復爲世道人心盡乎此余所以迫於補修之意也因記之以爲郡人士勸

重修考棚記

周 燮

銅仁向無考棚過學使按臨輒赴鎮遠應試而銅距鎮二百里關河修阻入苦馳驅前周小湖先生守斯土因道里之迢遙憫生童之跋涉爰上請命於朝廷下詢謀於紳士倡修考棚松銅士子聞之無不歡欣鼓舞踴躍解囊計所募約萬餘金是以不踰年而歲其事今觀其遺址洵壯觀也亦盛舉也乃未二十年遽遭兵燹院宇蕩然無存不惟萬姓之捐輸百工之經營羣賢之規畫盡付東流如三年大比考試屆期將仍附之他郡而業奉明文我固知其不可也將復需之歲月而有垂大興費尤知其不可也丁巳春余由松來權斯篆時干戈未戢閭閻未安下車後見被燬者考棚外如皇殿書院學宮亦待補葺而於考棚所議處修惟是昔也集千狐之腋以成裘而土壤不辭故成七大細流不擇故成其深今欲廣爲勸捐如當日之給簿分司而蹂躪之餘元氣已剝流離之後瓊尾堪傷嘆杼柚之胥空忍鑑銖之復取因勉捐鶴俸以庀材鳩工而李生仁杰楊生葆光自願出貲分襄艱鉅於五月二十一興工九月二十日告成規模如前其畫棟雕梁摧殘於兵火之中而猶可因者亦存其舊而鼎新之韓子所謂莫爲之前雖美弗彰莫爲之後雖盛弗傳前後之相需也固如是哉而吾尤有感者想創修時其創者必不料其毀如是卽料其毀矣亦必不料其速如是卽料其毀且速矣亦必不料其毀之復修而值時之艱復成之速如是然則事之成敗果有定耶果無定耶吾以爲時勢所值亦惟盡其在我而已又何所慕於前而因之何所私于後而開之耶因直書其所見以勸諸石時戊午孟冬上泮

盤塘記

喻 勳

盤塘者距郡北八十里昔屬府治今隸松桃地山歐陽軍門所居處也塘廣三里許東南稍狹長而廊其西北南與墟市相接餘皆岡阜環繞約有峰六七西北兩峰中斷塘水由此曲折流出度以石橋峯多怪石或

如羊如豕如麋鹿有若仰企於巖者有若俯趨於麓者其石質寬坦處光潔如玉又可席地而奔而飲然無不與波光掩映向晚坐橋頭俯皎月初升水天一色從樹影參差中隱隱見墟市人家樓臺燈火與琉璃倒涵不無蓬萊縹緲之思東一古井鑿以石頗宏敞自朝至暮浣汲恆不絕回望西北一帶短橋長堤行人來往如在鏡中每日落時一綫殘霞自兩峯斷處射入塘中與微瀾激蕩光怪陸離幻成金碧世界洵異觀也余館適介南北之中故龍兼有其勝去秋移視於斯起居坐臥惟塘是憑而塘亦視余若賞音凡其所有無不畢獻於余前當其春也雨餘草長新水方生遠近釣徒咸萃於斯孩者翁者篋者笠者點染綠柳碧桃間妙絕畫意夏則赤日當天風來水面農人厚以灌田自低而高嘗連綴至五六所不休歌聲絡繹上下相聞聽之怡然若夫涼秋乍換白露已零望蒹葭之蒼蒼而伊人不見第覺空水澄鮮寒煙黯淡是又下勝搖蕩之悲矣無何朔風凜冽止水無波惟見浮鷗數點泛泛於冰澌雪影中一塵不起萬象皆虛則且與余就衰憊况大有似如斯塘者不誠堪爲余寫照也耶居嘗謂安得移斯塘於虹橋別業則余將老於是鄉矣既而笑曰何不達之甚也自大而論古今億萬載以余置身其中不過須臾卽同處百年終散局耳而何有於斯塘自小而觀蜉游以朝暮爲生死蠻觸以蝸角爲室廬余於斯塘歎然相處亦已逾年所得不旣多歟嘗見富貴之家構園亭培花木而終歲宦游曾不得一日歸享其勝視余之於塘何如也相傳斯塘初祇一勺迨後漸浸漸大計其時不過八九十年惟前鮮達人且距郡稍遠故湮而不彰耳道光季楊誠村宮傳予告歸里過此愛之肯以數百金相易不果乃僅以三十金得橋外小塘至今猶有果勇侯養魚池碑立於道左由是盤塘之名始稍稍著今復得地山軍門崛起其間適館余以主持斯塘因得日偕其仲弟實菴從弟衡生往來談讌而嗣君南村暨猶子裴然吉三輩又從余受業更相與時時講藝於塘畔蓋未嘗非千載一時之會也嗟乎塘苟有知前之見賞於宮傳者雖屬空談而其後猶得與余等聯文字交不幸中之一幸詎不足自慰也乎余故樂而爲之記記塘乎亦兼以自記云爾

雙竹記

孫家璠

家璠得聞小先生之名數載于茲矣辛未歲出應童子試始得望其顏色識其丰采始環飄于大風塵外意期朗然如神仙中人竊心儀者久之而歎老成宿學名下固不虛也時先生館于城南與璠師喻竹

君先生不時過從璠復得側聆其言論風旨益愛之重之而又欽慕之以不獲親依函丈爲憾先生性靜寧寡交游曠生徒外惟手一卷吟哦不休或端然默坐終日無倦容未幾館中忽生二筍于講席左右破塊崛起相去不矢絲粟似度以尺寸而植之者人皆奇之先生護惜備至而其筍亦似欣然得所不勝日解籜抽條大有凌雲摩霄之勢於是同人以詩詞贈者接踵而入戶限幾爲之穿至今西壁琳瑯室無寸隙矣璠維王民三槐數世尙登台鼎燕山五桂一門盡珥蟬貂卽陶徵士解組歸田不樂仕進而手植五柳以自況其文采風流傳播藝林迄于今不泯今先生之堂乃不槐與桂而獨垂竹者豈造物者之別有以待先生不畀以庸福而錫以清名使與陶氏之柳爲千古之韻事而遂以後先相輝映也乎司空曙云廬中佳士左右修竹璠不敏請移贈斯語

重修六家洞碑記

喻勳

自開闢來萬歲千秋而山川猶是風景猶是獨至歷興之間不轉眸而盛衰頓異今昔改觀者則以人事之可補天工也六洞嵐光郡治八景之一其地羣峯拱翠茂樹環陰巉崖間清泉湧出味甘而冽前中丞何公守鄆時禱雨輒應爰構亭覆之並崇祀泉神于中由是佳日嬉春炎天卻暑郡人士或提壺挈榼或汲水烹茶往往倚石而歌臨流而詠又地當孔道之旁與夫過客停驂游人親駕甚至夕陽向盡鳥語催歸猶有低回不忍去者其盛誠足述己未幾疊經兵燹屋宇凋殘矣香煙冷落矣荒徑雲迷空林日下衰颯頽廢之况過者慨之前太守黎公命僧覺先謀所以恢復者乃需貲甚鉅屢募屢多歷久未有成功及今守王公蒞任亢旱不雨虔禱于斯甘霖立沛因獲有秋公感其喜曾肅瓣香一再臨焉因籌資予覺先令鳩工庀材刻日興事茲則畫棟凌雲綺疏延爽登高而望而山川之奇秀發露無餘靜坐而觀風景之清新餉遺靡盡今之盛非猶然昔之盛歟于是歎由盛而衰而盛其畀自天者有定而盡于人者無常故卽事之廢興可以覘人之得失有志竟成古今來非常事業要視人之擔當何如能自樹立者豈以天限人哉吾蓋于斯地之廢興而不能無感也時工竣欲泐碑以紀覺先索于余卽書此應之冀並爲世之任事執業者勸其有樂輸諸君暨捐資成數咸附列于左

雲溪釣叟記

楊夏清

雲溪釣叟者非故逃名者也然世亦莫測其人夷考其行渾渾噩噩生平無所表見其所見者僅閭巷之交相惋惜謂叟何儂蹇如斯也乾隆末以苗叛負其親徙避大洞之南既定始得還舊廬讀書及補弟子員而不避俗其志學也期以法前哲之嘉言懿行晚年尤工臨池凡鄉黨中有索書者來無遠近親疎咸欣然與之迨其後造廬請者卒落蓋室邇而人遠已鄉後學伍黨南聞有客言曰頃過瀘陽北鄙矣見其山則磅礴水則潺湲中關一境則羣岫圍青亂流爭碧深壑曲澗與煙靄離合鳥語啾啾時鳴于幽巖叢樹間沿溪居民上下其宇者率多業漁意其間必有高人卒乃遇釣叟焉觀其中若泊然無求其外若怡然自得其人豈常漁者耶伍子曰此必顯堂先生也而何爲于此無惑乎近年相傳所謂空谷伊人令人神住者有由矣黨南素與其仲子游因以客言述于文孫夏清俾爲之記而雲溪釣叟之名遂以傳焉

補漏菴記

徐振基

補漏菴者六龍山之勝地也鉅茶園百餘步有小山五蜿蜒連續如臥虬下有流泉其聲潺潺飲之甘冽左側一穴風拂拂不稍休憩片時寒砭肌骨春夏之交草木茂密時際秋大白雲絮擁爲人跡所罕至余從兄厚田灑落士也家小康不屑治產業日與二三好友遨遊山澤林谷間有所樂輒經日不返遠有佳景弗憚裏楹以從一日得此山于咫尺慨然嘆曰異哉何道在邇而求諸遠事在易而求諸難也僕生于斯長于斯而與茲山相失也久矣如茲山者名都大邑所爲求之不得而竟掩藏于此榛莽中者不知幾許年豈前此居人之無識乎抑造物者之故爲祕惜而有待以闡其奇乎未可知也爰約友人舒子彰五韓子丕哉相與相其地勢劃其荒穢立壑于山之半顏曰補漏蓋所以補前人之漏也中楹祀文昌奉大士像于後雖偏將以發奎垣之輝而普慈航之渡榮世州世胥于是在非僅以供山中人嘯傲也而吾儕之嘯傲又未嘗不在是焉每臨其中推軒眺望則山之光雪之影泉石之清幽竹木之蔥秀啼鳥野鹿之翔游粲然悅日賞心以紛陳于左右於適客游歸厚田相招一至其處竟日流連不忍去因越宿而後返厚田遂囑余作記余既嘆茲山之顯晦有時而尤喜諸君之不負山靈也乃述其梗概而爲之記厚田視之喜曰此茲山實錄也請勅之石

紀事
國朝

徐如澍

苗性反覆無常畏威不懷德見利而忘利古人謂性有善有不善孟子嘗非之如苗之性豈非有不善者歟下愚不移殆信然耶前明洪武二年征苗亂隨征有彭九霄事既平因設銅仁司司理司戶十五年苗又亂隨征有彭世雄世雄爲寶晉宣慰司兩世隨征因移居於銅銅之有彭姓自世雄始後六龍山苗又恃險與民人爲難焚擄無虛日萬歷四十年鄧將軍名鍾晉江人也以武功屢遷都督來鎮吾黔奉命征勦公相其形勝曰此可以計取也因按兵不動與苗約好苗以將軍爲可掌上弄之遂撤備八月十五日山居之民延巫賽祭答報天神地祇遠近鄉民聚集羣苗爭下砦觀之與民人狎是夜大雨將軍率勁卒百數十人步行由小徑曲折登極巔縱火焚巢穴喊聲震地苗以爲兵從天來也歸路既絕遂奔竄遠走黃白水銀山即今之龍朋科甲壓寶寨等處苗人從此膽落不敢復出焚燒矣僅留降苗吳龍石麻白五姓之民至今有傳一
一夜破六龍之歌乾隆初年復蠢動蘇大有哈元生唐開忠張廣泗平之十七八年閩白玉保爲逆地方官擒獲平定之一十四年白老求爲逆地方官擒獲平定之四十九年勾布涼水苗人爲亂地方官擒獲平定之六十年石柳鄧石三保等爲逆上命大學士福康安和琳討平之然大半准其投降傳鼐洞悉苗人之叛服不常痛加殲戮殆玉石俱焚焉嘉慶二十四年松桃苗人楊四之亂地方官設法撤出羣平苗性之凶頑甚矣哉石柳鄧一案聞前守沈丙在正大營苗民圍城乞命沈以爲無事因取具聯名結苗若八百人請不得遂上至大潰社鼠城狐劫致囚之謂苗性不善恐亦非篤論也此事得之彭定雨其先人兩世隨征銅仁因於苗事頗留心言之甚悉

康熙戊子苗變燒燬民居彭名舉者其先代爲土司既留銅子孫蕃衍合族居牛郎場新築約數百戶經戊子苗變殺戮殆盡名舉之孫九人惟盛盛隆被苗人活捉枷鎖苗寨時盛華十四歲盛隆九歲名舉有女嫁城中鄧姓日夜哀泣請巫師求神護佑盛盛隆在苗寨忽見一赤面大漢以手指枷枷開提之出導其歸路苗人覺而追之有猛虎大猴截其後二子隨赤面及虎猴行至廣場天始明虎與猴入林去視之乃俱牛也及入城聞其姑求巫禱諛乃知所見赤面大漢卽羅神故彭姓至今還羅願

水星閣僧願一四十八溪人身高七尺曾右手持百觔重鐘左手以錘敲之又舉舞百觔重關刀作砍四門狀以爲戲隻身住水星閣有盜入夜劫其廟願一禦之力人俱被重傷伏地叩首乃釋之去一日歸省其母虎撲之願一甫伸拳虎墜深坑中一時以力稱無如願一也有勇健如龔世模袁玉等皆不敢與之較鄧將軍名鍾巨鍾仁八年六龍山賊屯聚擄掠肆行近山居民慘遭荼毒將軍率勁卒蹈重險射先士卒一夜破之民賴以安功之著於鍾仁者甚偉亦能詩有題文筆洞壁間之作識者以爲有古儒將風郡之紳士珍惜之後爲佞佛老僧修羅漢斷損數處鄧將軍少子光沅葬歿於文筆洞其地亦係陳公珊書室也

陳公珊旣成進士因無子請假回剝置妾七人有卮仙謂公當得丈夫子八人並云令再取一妾焉適得妾氏公復出仕攜眷屬偕之任所後諸妾各生一子卽楚產漢產昆仲八人公致仕歸時鄉學諸生有文昌閣人龍會會中所作詩文皆就公正之公之諸子亦在會中擢巍科者甚多公之八子皆登第子孫蕃衍思南思州隳姓多其支派云公寓西門公學園頗具林泉之勝所謂冰山雲洞也

乾隆八年五月十三日大水銅崖下有太魚出遊至東關水星閣下回至下南門桐子巷一帶漁戶李英父之魚帶父疾去李英擊卽吐血亡

莊抑堂太守守銅仁時見銅崖亭子欹斜零落將器所之掃除瓦行蕪穢置巨筐傾水中詎响巖下忽有大魚起遶河一周掉尾自適而河水全渾矣展翅則大於旗幟衆共目之無不愕然



